



Nr. 1.

D. 7. (8.)

DE
DIERUM
FESTORUM
NUMERO MINUENDO,
CELEBRITATE
AMPLIANDA.

AUCTORE

P. MARTINO GERBERT,

Monacho O. S. B. e Congr. S. Blasii in Silva nigra,

Em.^{mi} & Rev.^{mi} S. R. E. Cardinalis DE ROTH,
S. Q. R. I. Principis & Episcopi Constant. &c. &c.
Theologo.




CUM PERMISSU SUPERIORUM.

Typis San-Blasianis. 1765.

Td/42/26

*Sensi sæpius , & gemens , multas infirmorum
perturbationes fieri per quorundam fratrum con-
tentiosam obstinationem , vel superstitiosam timi-
ditatem , qui in rebus hujusmodi , quæ neque
scripturæ sanctæ auctoritate , neque universalis
ecclesiæ traditione , neque vitæ corrigendæ utili-
tate ad certum possunt terminum pervenire (tan-
tum quia subest qualiscunque ratiocinatio cogi-
tantis , aut quia in sua patria sic ipse consuevit,
aut quia ibi vidit , ubi peregrinationem suam,
quo remotiorem a suis , eo doctiorem factam pu-
tat) tam litigiosas excitant quæstiones , ut nisi
quod ipsi faciunt , nihil rectum existiment.*
S. AUGUST. Ep. 118. ad JANUAR.





PRÆFATIO.



Facile temeritati mihi tribui possit, quod materiam de minuendo dierum festorum numero tractandam sumserim; quæ & in se aliquid irreligiosi habere, & multo altioris indaginis, sublimioris subfelli videri queat. Imprimis enim præsentis causæ cognitionem jure sibi vindicant, qui ecclesiæ gubernacula tenent; atque adeo velut e specula prospiciunt, quid in hac causâ pronuntiandum sit, re non solum secundum seipsam præcise considerata, verum etiam quid pro nostro re-

P R Æ F A T I O.

rum statu nunc fieri expediat. Hoc ego integrum, ut debui omnino, in medio reliqui, totus in generali causæ disquisitione detentus. Ad quam suscipiendam, atque de ea sententiam aperte exponendam animum adjecit tot vigilantissimorum præfulum, atque imprimis summorum pontificum exemplum, qui minime religioni duxerunt in festorum numero anteriorum legum immutationem facere, satis gnari: *ita sæpius usuvenire, ut temporum varietas* (verba hæc sunt Lexoviensis episcopi, & S. R. E. Cardinalis JOANNIS LE VENEUR in sua ad synodalia statuta præfatione) *constitutionum varietatem requirat, quæ etsi, dum conderentur, sanctissimæ essent, temporis tamen lapsu, succrescente hominum malitia, necessario veniunt abrogandæ.* Quam multæ vero, & necessariæ in præsentī causa fuerint, sintque episcopis causæ, ut constitutionum variationem inducerent, res
ip̄sa

P R Æ F A T I O.

ipsa, quæ in cujusque oculis versatur, loquitur. Quotusquisque est, qui non satis se perfectum putet officio sanctificandi dies festos, si missæ sacro semel affuerit, cum tamen non sine causa utique distinctum ecclesiæ præceptum sit, his diebus missam audiendi, eosque sanctificandi? Deinde tantus contemptus, & neglectus festivorum dierum undique obtinet, tam male tempus illud divinis officiis dicatum impenditur, ut recte illud etiam in christiana festa jactari possit, quod RUTILIUS in Judæorum sabbatum cecinit:

Septima quæque dies turpi damnata veterno

Ut delassati mollis imago DEI.

Atque passim videntur homines potius illam sycophantæ LUCIANI legem in festis transigendis servare, quam tot canonum ecclesiasticorum sanctissima statuta; *Ne quid*, sciscit ille, *intra festi tempus agito, neque publicum, ne-*

P R Æ F A T I O.

que privatum, nisi quæ ad lufum, quæ ad voluptatem, animique oblectationem pertinebunt. Quæſo te, quam multi, prohi dolor! e christianis ſic ſibi dies feſtos agendos putant, quam parvus eorum eſt numerus, qui tantum feſtorum numerum labentibus eccleſiæ ſæculis primum paulatim ingruentem, ea, qua oportet, peragant ſanctitate. Vigilantiæ præſulum, ac curæ paſtoralis intereſt, iſtis abuſibus obſiſtere, eosque tollere ac emendare, ſi ſuo deeſſe officio, atque crimen commiſſi gregis participare nolint. Aut ſi id effectum ire deſperant, reliquum eſt, ut tot collegarum ſuorum, atque imprimis Romani pontificis conſilium ſecuti, pauciora feſta, majori religione obſervanda conſtituant. In horum itaque finum depono, quæ animo meo infidet opinio: quam ſi ineptam judicant, utantur jure ſuo, atque errorem dedoceant: in quorum ego non ſolum

P R E F A T I O.

lum manibus, pedibusque ibo sententiam, sed etiam correctionem beneficii loco habebō: gnarus episcopi arbitrium unice hic expectandum. Αὐτὸς γάρ, utar verbis canonis apostol. 39. εἰσὶν ὁ πεπιστευμένῳ τὸν λαὸν τῷ κυρίῳ, καὶ τὸν ὑπὲρ τῶν ψυχῶν αὐτῶν λόγον ἀπαιτησόμενῳ. Et ut S. IGNATIUS ad Smyrnæos scribit, μηδεὶς χωρὶς τῷ ἐπισκόπῳ τι πράσσειν τῶν ἀνηκόντων εἰς τὴν ἐκκλησίαν. In eandem rem S. CYPRIANUS epistola quadam, *Per temporum*, inquit, *et successionum vices*, *episcoporum ordinatio*, *et ecclesiarum ratio decurrit*, *ut ecclesia super episcopos constitutatur*, *et omnis actus ecclesiarum per eosdem præpositos gubernetur*. Hac mente fueram, dum hæc scripsi: nihil ergo præjudico, sed iudicium exspecto: quidquid pro theologi munere, quod apud Emin. Card. DE ROTH, episcopum Constantiensē immeritus obeo, hisce complexus sum pagellis.

SYL-



SYLLABUS CAPITUM.

CAPUT I.

Festorum observationem pro temporum, & maxime locorum varietate, variam esse posse, prout visum fuerit ecclesiae pastoribus.

CAPUT II.

De numero, & celebritate festorum, variisque eorundem mutationibus narratio.

CAPUT III.

Quatenus a quatuor fere saeculis in diminuendo nimio festorum numero allobaratum sit.


CAPUT IV.

De numero & modo abrogandarum feriarum.

CAPUT V.

Quaedam vetera monumenta partim ad illustrandam doctrinam a nobis propositam, partim ad illius aequitatem, atque cum antiqua praxi consensionem commonstrandam.

DE



DE
D I E R U M
FESTORUM
NUMERO MINUENDO,
CELEBRITATE
AMPLIANDA.

C A P U T I.

*Festorum observationem pro temporum,
 & maxime locorum varietate, variam esse
 posse, prout visum fuerit ecclesie
 pastoribus.*



I.
Quemadmodum nihil est ad-
 modum in humanis rebus
 constans, stabile, & perfe-
 ctum, quod non pro hu-
 manorum morum, ac stu-
 diorum ratione variam induere possit
 A faciem,

Ufus, & le-
 ges eccle-
 siasticæ
 pro tem-
 porum, &
 locorum
 varietate

variæ esse faciem , atque identidem mutari ; ita possunt. pro temporum , locorum , aliarumque circumstantiarum diversitate , aliæ , nec uniusmodi esse possunt humanæ leges , & statuta , quibus bonus ordo , & moderatio societatum vergat , & contineatur : neque hoc solum in civili & profano reipublicæ statu locum habet , verum etiam in christianæ ecclesiæ ornatiſſimo , ac pulcherrimo corpore , pro vario rerum situ , varietas aliqua opportuna , & commoda venit : non in illis equidem , quæ a DEO ipso sunt constituta , quando ecclesiam sibi sponsam formavit ; sed quæ deinceps ab ejus rectoribus inventa & instituta sunt. Quæ si pro tempore salubria & utilia fuere , fieri potuit , ut deinceps nociva redderentur , aut saltem primævam utilitatem non amplius referrent. Possent in hujus rei confirmationem sexcenta ex antiquitatibus christianis exempla proferri ; imo vero pronum esset a proximis sæculis comprobare , siquidem res in propatulo posita non esset. Pauca tamen in medium producam ejus generis , unde simul pateat , quid mutationi subjaceat , quidve ab ea abhorreat. Nihil sacratius in re christiana Sacramentis , nec ea , utpote a solo DEO ortum trahentia humanis subsunt voluntatibus,

bus, aut nutui : tamen cum illorum usus, & administratio ecclesiæ relicta sit, non uno modo semper sunt usurpata: baptismus principio adultis plerumque, ac plena ratione utentibus, nisi necessitas aliud flagitarit, statis Paschatis, & Pentecostes diebus, quibusdam etiam in ecclesiis Epiphaniæ festo, est collatus; hodie iste mos fere obsolevit, idque congruis rationibus factum. Tria Sacramenta Baptismus, Confirmatio & Eucharistia simul sunt administrata, atque Eucharistia etiam infantibus sub vini specie concessa, quemadmodum utraque species passim communicantibus indulta, secus ac hodie fit. Notæ sunt etiam epulæ illæ primorum Christianorum, quas agapas vocabant, quarumque jam abusum PAULUS in Corinthiis notaverat, ob quem deinceps in desuetudinem abierunt; ut aliæ quamplurimæ ecclesiasticæ consuetudines & leges. Neque hoc solummodo usu venit pro diversis temporum articulis: iisdem etiam temporibus in ecclesiis diversi usus reperiuntur, de quibus jam olim JANUARIUM interrogantem S. AUGUSTINUS (a) edocuerat: *Ut quæ non sunt contra fidem, neque bonos mores, & habent aliquid ad exhortationem vitæ melioris,*

a

A 2

ubi-

(a) Epist. 11.

ubicunque institui videmus , vel instituta cognoscimus , non solum non improbemus, sed etiam laudando , & imitando sectemur.

Festa pro
tempo-
rum , &
præcipue
locorum
diversitate
variassè.

2

II. Duæ hæ usuum , ac consuetudinum permutandarum causæ , & occasiones , sive ex temporum , sive ex locorum circumstantiis , ambæ vel maxime conspicuas se præbent in præsentī, quod pertractamus, de festorum numero; & celebritate, argumento. *Mirum videri non debet*, verba recito statutorum Antistiodorensium (a) an. 1552. *si pro temporum , rerum & negotiorum varietate, variantur quoque humana statuta : præsertim quando id aut ingens necessitas , aut evidens utilitas exposcit. Pia quidem intentione olim ab antecessoribus nostris statutum est , plerosque dies festos in diœcesi nostra coli, celebrarique debere : quorum abrogationem utilem , & necessariam esse hodie , nemo, qui sanæ mentis sit, non dixerit.* Fieri tamen potest, ut non æque in omnibus diœcesibus utilis sit feriarum ad minorem numerum revocatio; haud aliter, atque in omnibus ecclesiis eorundem festorum celebrationem haberi non expedit: id enim ex praxi primorum sæculorum indubitatum

(b) Stat. Antif. 48.

tum est, pauca fuisse festa omnibus communia, & quidem Sanctorum vix ulla : Colligitur hoc ex commentariis D. Hieronymi nomine Vulgaris ad Galatas cap. IV. fere festa martyrum fuisse celebrata in illis tantum ecclesiis, ubi martyria perpeffi ac sepulti sunt, aut alio nomine singulari jure ad ecclesiam aliquam pertinebant. Expresse etiam hoc sancitum habetur in canone Africano (a) relato de Consec. Distinct. I. c. 26. *Omni-
no, verba illius habent, nulla memoria
martyrum probabiliter acceptetur, nisi ubi
corpus, aut reliquia certæ sunt, aut origo
alicujus habitationis, vel possessionis, vel
passionis fidelissima origine traditur.* Flujus rei antiquissima habentur in actis primorum martyrum monumenta, ex quibus constat, fideles in loco, ac die martyrii super martyrum tumulos conventus celebrasse, epulas, & donaria contulisse : qui usus tamen, quod in convivium, & comestationes deviarit, postea sublatus est. Illud vero suapte sponte ad præsentem materiam fuit, festa non in omnibus ecclesiis ad amissim eadem, ac æqualia esse debere, neque hanc conformitatem esse ad ecclesiæ ornatum ac decorem omnino necessariam. Quænam vero universim per ecclesiam

A 3 rece-

(a) An. 424.

- a recepta fuerint festa, ex AUGUSTINO (a) intelligere licet. *Illa autem, ait, quæ non scripta, sed tradita custodimus, quæ quidem toto terrarum orbe observantur, dantur intelligi, vel ab ipsis apostolis, vel plenariis conciliis, quorum est in ecclesia catholica saluberrima auctoritas, commendata, atque statuta retineri; sicuti quod passio Domini, & resurrectio, & ascensio in cælum, & adventus de cælo Spiritus sancti anniversaria sollemnitate celebrantur, & si quid aliud tale occurrerit, quod servatur ab universa, quacunque se diffundit, ecclesia. Alia liberiora ad observantiam, nec communi omnium ecclesiarum usu referenda, quæ sint, idem egregie exponit: Alia vero, inquit, quæ per loca terrarum regionesque variantur, sicuti est, quod alii jejunt Sabbato, alii vero non, alii quotidie communicant Corpori & Sanguini Dominico: alii certis diebus accipiunt: alibi nullus dies intermittitur, quo non offeratur: alibi Sabbato tantum, & Dominico. Et si quid aliud hujusmodi adverti potest; totum hoc genus liberas habet observationes.*

Non tamē
eorum ce-
lebratio li-
bera est,
sed pars
cultus di-
vini.

III. Sed hæc non eo accipienda sunt,
ac si hujusmodi res plenæ uniuscujus-
que

(a) Epist. 118. ad JANUAR. nunc 54. pag. 124.
N. 2. Ed. Paris. 1689.

que relictæ sint libertati ; ne errori Novatorum favere videamur , qui in tantum , nescio quam libertatem christianam depereunt , quæ eorum conscientiam nulla lege constringi , ligarique suffe-
 rat : eam vero in hac de feriis materia eousque extendunt , ut nec diem dominicum , prout late prosequitur FECH-
 TIUS Exercitatione de Sabbato, alicui obli-
 gationi subdant : imo ex eorum cate-
 chismis patet , eos feriari *quietis corpo-
 ralis causa , & necessitatis gratia* , quæ sunt
 majoris catechismi apud BOEHMERUM (a) a
 verba, *Quam & natura docet , & exigit ,
 nimirum communis multitudinis gratia ,
 servorum , ancillarum , qui per totam heb-
 domadam laboribus servierunt , ut & ipsi
 diem habeant , qua ab operibus respirantes
 semet ex labore reficiant , & corpora fessa
 quiete firmare queant.* Quidquid vero
 religiosi in feriis suspiciunt, in id redit,
 ut tempus sumatur , quo convenient ad au-
 diendum , & tractandum DEI verbum , &
 deinceps DEUM , ut idem catechismus
 habet , hymnis , psalmis , canticis & pre-
 cibus laudemus. Sed hoc , pergit , apud
 nos non perinde certis temporibus , sicut
 apud Judæos , alligatum est , ut ei rei hic,
 aut ille dies dictus , aut præstitutus sit :
 nullus enim dies altero melior , & præstan-
 A 4 tior

(a) Jus eccles. L. II. Tit. IX.

tior &c. Hæc est Novatorum de feriarum sanctitate opinio, earumque libertate, ad quam melius exhibendam dudum HOSPINIANO in votis fuit, ut quotidie conventus celebrentur, ut sic omnis dierum discretio absit. Errant isti, sed levius Petrobrusianis, qui ut ex *c. 5. L. III. Vitæ S. Bernardi* constat, festos dies omnes ad cæremonias Judaicas ablegabant, atque idcirco nullas ferias agendas Christianis existimabant. Nobis vero Catholicis non solum festorum solemnitas placet, cordique est, verum etiam ferias pro necessaria cultus divini parre suspicimus, quamvis tantam eorum multitudinem non probemus, qui nos a necessariis hujus vitæ negotiis impediat. *Non vos*, verba sunt S. CHRYSOSTOMI (a), *a civilibus abstrabo negotiis, sed ex septem his diebus, ut unum tantum communi omnium nostrum Domino consecretis, rogo.* Dies ergo omnino dominica Sabbato succedens divino servitio tribuenda, aliæque etiam feriæ DEI cultui consecrandæ: pie etenim Sanctis præ-

(a) Hom. III. in JOAN. Οὐχ ὑμᾶς τῶν πολιτικῶν ἀφέλκω πραγμάτων, ἀλλ' ἀπὸ τῶν ἐπτὰ τέττων ἡμερῶν μίαν ἀξιῶ τῷ κοινῷ πάντων ἡμῶν ἀναθεῖναι δεσπότη.

præcipuis festi dies dedicantur, quamvis non eadem necessitate fiat. Ut vero hæretici norint, qua libertate excusso jugo servitutis Judaicæ Christiani Festorum, haud secus ac aliarum observationum præcepta impleant, non id meis, sed LEONIS M. verbis edisseram. *Prædicationem nostram dilectissimi*, sic ille sermonem quartum de jejuniis septimi mensis orditur, *familiaris vobis adjuvat consuetudo, & ratio temporis commendat officium sacerdotis, ut ne onerosum videatur, aut arduum, & quod præceptum exigit legis, & devotio temperat voluntatis. Quæ cum in unum gratia DEI auxiliante conveniunt, non litera occidit, sed Spiritus vivificat: ubi autem Spiritus DEI, ibi libertas, quæ legem non timore exequitur, sed amore; obedientia enim mollit imperium, nec dura ibi necessitate servitur, ubi diligitur, quod jubetur. Cum ergo vos ad quædam, quæ etiam veteri testamento instituta sunt, cohortamur, non Judaicæ vos observantiæ subdimus.*

IV. Quinam vero statim ejusmodi esse debeant dies, præter eos, qui vere totius ecclesiæ dicuntur (cujusmodi vel ab apostolica traditione, aut universali consensu ubique servantur) hoc a legitimis ecclesiæ Pastoribus suscipiendum est.

Penes episcopum
cujusque
diocesis
festorum
ordinatio
est, ac

A 5 Neque

summum
Pontifi-
cem.

Neque jus ordinandi, indicendique ferias ad summam potestatem civilem pertinet, ut contendunt Novatores, ac novissime BOEHMERUS suo in *Jure ecclesiastico Protestantico Lib. 2do Tit. 9. de Feriis*. Nunquam jus, & potestas ambigua fuit episcopis in suis diœcesibus festorum ordinem ac numerum constituendi, quam auctoritatem episcopis tam firmam esse voluit Concilium Tridentinum (a), ut dies festos, quos in diœcesibus suis servandos episcopi præceperint, ab exemptis omnibus, etiam regularibus servandos decreverit. Id quod nostro hoc ævo studiose considerandum: & cum videamus, unum episcopum in sua diœcesi numerum festorum coarctandum censere, altero omnia in antiquo more relinquire, neutiquam offendi inde quisquam debet, quivis enim suo utitur jure. Quare nec Romana ecclesia, postquam jam consultum ac proficuum judicavit minuere feriarum multitudinem, aliquid reliquis episcopis præscribit: neque antequam hoc consilium placuisset, episcopis inde a trecentis, & quod excedit, annis passim in suis diœcesibus festa ad minorem numerum redigentibus, litem movit: quin imo Cardinali d'OSSAT Regis Galliarum nomine

(a) De Regul. c. 12.

ne olim de hac re ex Pontifice sciscitanti CLEMENS VIII. aperte edixit, sibi minime mentem esse episcoporum jus quidquam hac in re arctare, ne libere, quod e re ecclesiarum suarum sit, agant. Uti videre est apud THIERSUM in *tr. de Festorum dierum imminutione* c. 42. BENEDICTUS XIV. (a) de *Servorum DEI Beatif.* testatur, nomine HENRICI IV. Galliae Regis Cardin. d OSSAT Summo Pontifici CLEMENTI VIII. exposuisse, festorum de præcepto numerum adeo excrevisse, adeoque hominum ejus regni numerum propter bella fuisse imminutum, ut expedire videretur, nonnulla delere festa, & principaliora dumtaxat in honorem Domini, Beatissimæ Virginis, apostolorum, & aliquorum Sanctorum observanda demandare; uti colligitur ex epistola ejusdem Cardinalis 170. *L. III. edit. anni 1708.* Addit BENED. XIV. quid tunc actum, seu decretum fuerit ignorari: imo ex citata epistola potius desumi, Summum Pontificem noluisse petitioni assensum præstare, prout etiam adnotavit THOMASINUS in *tr. de Festis, Lib. I. c. 11. n. 15.* Idem tamen Pontifex in dissertatione de festorum de præcepto imminutione, quæ loco cit. sub-

jun-

(a) Lib. IV. P. II. c. 15. n. 6.

jungitur in edit. *Oper. Roman.* (a) 1749. ex
Epist. 181. ejusdem Cardinalis refert, ad
 suas preces jussu christianissimi Regis
 CLEMENTI P. VIII. propositas pro fe-
 storum diminutione in Galliæ regno, re-
 sponsum fuisse, id potissimum ad epi-
 scopos pertinere: ac subdit: *Non fuit ta-*
men declaratum utrum in synodo, an extra
synodum id statuere possent: num consilium
capituli & consensus requireretur, an non;
ut apud ipsum Tbiers ostenditur c. 42. p.
245. & apud Guyet lib. II. de fest. propr.
c. 18. quæst. 6. Sed cum ea quæ Cardinalis
de Ossat cum Clemente VIII. agere cæperat,
ad finem non fuerint perducta, ut testatur
Thomasinus in suo tr. de Festis lib. I. c. 11.
n. 15. sicut etiam nos ipsi observavimus de
Canoniz. Lib. IV. P. II. c. 15. n. 6. plu-
ribus deinde efflagitantibus episcopis Sum-
mus Pontifex Urbanus VIII. ejusdem rei
examen resumpsit, ac de ea constitutionem
promulgavit, quæ in Bullar. tom. V. 291.
numeratur, in qua singula festa, quæ ob-
servari omnino debent, recensentur; ideoque
facile intelligitur, nullum episcopum, nisi
nova summi Pontificis auctoritas intercedat,
posse ab eadem constitutione recedere, inde-
corumque esse sedi apostolicæ, rem, de qua
non solum aliquid cognovit, verum etiam
decrevit, post præfatam constitutionem epi-
 sco-

(a) T. IV. p. 685.

scoporum arbitrio committere. Quamobrem cum Parisiensis archiepiscopus Perefixe editum anno 1666. promulgasset, una cum indice festorum dierum, quos in sua diœcesi celebrari mandabat, nonnullosque in Urbani VIII. constitutione descriptos abstulisset; & cum Alexander VII. per suum in Galliis nuncium Roberti suas christianissimo Regi detulisset querimonias, ipsasque iterum innovasset Clemens IX. per nuncium suum Bargellini; anno demum 1668. ab eodem Parisiensi archiepiscopo novus festorum index omnino Urbani VIII. constitutioni cobarens fuit in lucem editus, ut Berninus memorat tom. 4. hist. de hæres. c. 6. p. 67. Ex quibus licet deduci possit nullum debere episcopum post constitutionem Urbani peculiari auctoritate festorum dierum numerum in sua diœcesi præscribere; non tamen inde consequitur post Urbani constitutionem in Pontificis potestate non esse, festos dies vel in aliquibus solum diœcesibus, vel in aliquo regno, imo in ecclesia universali augere juxta exempla, quæ nos ipsi produximus cit. lib. IV. de Canoniz. P. II. c. 15. n. 10. & 11. aut cum justæ adsint causæ eorum numerum diminuere, sive nova accedente constitutione, sive normam auctoritatemque episcopis demandando, quæ id exequi possint, cum de disciplina agatur, quæ ex se variabilis est, diversasque semper passa est vi-
ces.

ces. Atque hinc est, quod post reformationem in ecclesiis suburbicariis, atque alibi particulariter factas, cæteris nihil legis imponant Pontifices. Nimirum utuntur summi Pontifices illa GREGORII M. (a) regula, qui, *mibi*, inquit, *injuriam facio, si fratrum meorum jura perturbabo*. Idemque alio loco (b), *si sua*, ait, *unicuique episcopo jurisdictio non servatur, quid aliud agitur, nisi, ut per nos, per quos ecclesiasticus custodiri debuit ordo, confundatur.* Episcopi ergo cujusque diœcesis in hac re standum est iudicio, siue ille servandum numerum feriarum censuerit, siue diminuendum. Id quod initio statim monere visum est, ut quamente, quæ deinceps dicentur, exposita sint, & explicata pateat, plena nimirum proprii iudicii delatione, subjectioneque. Solummodo enim, quid alii in hac re aut fecerint, aut senserint, patefacio, nihil præjudico: inculcato S. IGNATII monito, quod ipse Smyrnenſibus dedit sua ad eosdem epistola: *Omnes episcopum sequimini, ut JESUS Christus Patrem.* Quare mihi semper illi improbandi sunt visi, qui aliis etiam in rebus, quibuscunque potuerunt, episcopi obedientiam subterfugerunt: cum illi
longe

(a) L.II. Indict. 10. Ep. 37. nunc 72.

(b) Id. L. XI. Indict. 4. Ep. 32. nunc 37.

longe sapientius egerint, quibus cum iura etiam, & exemptiones haud vulgares faverent, iis tamen parcissime uti consueverunt, ordinis decorem in regimine, & hierarchia ecclesiastica attendentes.

CAPUT II.

*De numero, & celebritate festorum,
variisque eorundem mutationibus
narratio.*

I.

Ad illustrandum præsens, in quo versatur, argumentum, plurimum confert sedula & accurata consideratio, quæ quovis tempore festa, & qua ratione acta sint, enarratio. Ordo rei postulat, ut a primis ecclesiæ sæculis initium faciamus; quamvis nimis pauca sint, quæ de hac re veterum habent monumenta, nec ea omnia hic referre instituti nostri ratio patiatur, alio intenta. Primo considerata venit dies singulis septimanæ curriculum recurrens primis sæculis ob memoriam Resurrectionis Dominicæ alicubi Sabbato Judæorum succedens, alicubi etiam accedens, uti fere toto in Oriente. De conventibus

Diei Dominicæ festi-
vitas cum
Christia-
nismo ex-
orta.

- bus ἐν τῇ μιᾷ τῶν σαββάτων, in una die sabbatorum, actus apostolorum loquuntur (a), similis apud PAULUM (b) habetur phrasis. Quod congrue utique interpretantur primam sabbati, seu hebdomadis, quæ est Dominica nostra: de qua loco citato habent actus, convenisse fideles ad frangendum panem disputante, seu perorante PAULO usque ad mediam noctem: PAULUS vero Corinthiis præcipit: *Unusquisque, inquit, vestrum apud se seponat recondens, quod ei beneplacuerit, ut non cum venero, tunc collectæ fiant.* Unde, nec ipso BEZA, aliisque Novatoribus diffidentibus, recte conjicitur, primam hebdomadis diem collectis & conventibus fidelium destinatam fuisse: quæ de re perspicuus extat JUSTINI (c) locus,

(a) Act. XX. 7.

(b) 1. Cor. XVI. 2.

(c) S. JUST. Apol. II. Τῇ τῷ ἡλίῳ λεγομένη ἡμέρᾳ πάντων κατὰ πόλεις ἢ ἀγροὺς μενοντων ἐπὶ τὸ αὐτὸ συνέλευσις γίνεται, καὶ τὰ ἀπόμνημονευσματὰ τῶν ἀποστόλων, ἢ τὰ συγγράμματα τῶν προφητῶν ἀναγινώσκεται, μέχρις ἐγχαρεῖσθαι παυσαμένης τῆς ἀναγινώσκοντος, προεὖς διὰ λόγου τὴν νεθεσίαν καὶ προκλήσιν τῆς τῶν καλῶν τέτων, μιμήσεως, ποιεῖται· ἔπειτα ἀνισάμεθα κοινῇ πάντες, καὶ εὐχὰς πέμπομεν παυσαμένων ἡμῶν

cus, unde patet, eum morem apostolicum semper in ecclesia conservatum esse. Solis, inquit, qui dicitur die, omnium, qui vel in oppidis, vel ruri degunt, in eundem locum conventus sit: & commentaria apostolorum, aut scripta prophetarum, quoad tempus fert, leguntur. Deinde lectore quiescente, præsiciens orationem, qua populum instruit, & ad imitationem tam pulchrarum rerum cohortatur, habet. Sub hac consurgimus omnes communiter, & preces profundimus: & sicuti retulimus, precibus peractis panis offertur, & vinum & aqua: & præpositus itidem, quantum pro virili sua potest, preces, & gratiarum actiones fundit; & populus fauste acclamat Amen. Et distri-

B butio

τῆς εὐχῆς, ἄρτος προσφέρεται καὶ οἶνος, καὶ ὕδωρ. Καὶ ὁ προεσὼς εὐχὰς ὁμοίως, καὶ εὐχαριστίας ὅση δύναμις αὐτῷ, ἀναπέμπει, καὶ ὁ λαὸς ἐπευφημεῖ λέγων τὸ ἀμήν· καὶ ἡ διάδοσις καὶ ἡ μετάληψις ἀπὸ τῶν εὐχαριστηθέντων ἑκάστω γίνεται, καὶ τοῖς ἑπαρῶσι διὰ τῶν διακόνων πέμπεται. τὴν δὲ τῆς ἡλίου ἡμέραν κοινῇ πάντες συνέλευσιν ποιεῖμεθα. ἐπειδὴν πρώτη ἐστὶν ἡμέρα, ἐν ἣ ὁ Θεὸς τὸ σκότος, καὶ τὴν ὕλην τρέψας κόσμον ἐποίησε. Καὶ ὁ Ἰησοῦς Χριστὸς ὁ ἡμέτερος σωτὴρ τῇ αὐτῇ ἡμέρᾳ ἐκ νεκρῶν ἀνέστη.

butio communicatioque fit eorum, in quibus gratia sunt acta, cuique presenti: absentibus autem per diaconos mittitur . . Solis autem die communiter omnes conventum agimus: quandoquidem is primus dies est, quo DEUS tenebris, & materia versa, mundum effecit, & JESUS Christus Servator noster eo die a mortuis resurrexit. Hic ipse

a *S. JUSTINUS Martyr (a) alio loco hunc morem derivat ex supra allatis scripturae locis de una sabbatorum die. Una enim, inquit, sabbatorum, prima manens dierum omnium juxta numerum, spatiis rursum dierum omnium in circulum decursis octava vocatur, & prima, sicut est, manet. Eandem interpretationem etiam*

b *S. AUGUSTINUS (b) adhibet. Una sabbati, inquit, tunc appellatus dies, qui nunc dominicus appellatur, quod in evangeliiis apertius invenitur. Nam dies Resurrectionis Domini prima Sabbati a Mattheo, a ceteris autem una Sabbati dicitur, quem constat eum esse, qui dominicus postea appellatus est. Occurrit enimvero hæc appellatio jam in Apocalypsis JOANNIS cap. i. 10. ubi se apostolus die dominica raptum in spiritu fuisse narrat, unde facile intelligitur, jam vulgarem, omnibusque notam hanc fuisse appellationem.*

(a) In Dial. cum Tryph. p. 260.

(b) Epist. 86. nunc 36, ad Casul.

nem. Id quod ab aliis etiam jam est observatum.

II. Diei dominicæ, ut jam innuimus, De Sabbati passim addita dies Sabbati legitur, in festivitate Græca equidem ecclesia; nam in Latina, excepta Mediolanensi, Africana & aliis nonnullis ecclesiis, dies jejunii erat, id quod manifestum facit, eum festum non fuisse habitum. Id gravius reprehendit in Oriente S. IGNATIUS (a) in epistola ad Philippenses, *Si quis, inquit, aut Dominica, aut Sabbato jejunet, excepto uno Sabbato, is Christum occidit.* Ex TERTULLIANO (b) autem constat, in Africa, ac alibi etiam fortassis Sabbatum jejunio solum fuisse: *Sabbato, inquit, nunquam, nisi in Pascha, jejunandum est.* Idem repetit libro quarto adversus MARCIONEM. ATHANASIUS (c) etiam sabbatini festi meminit. *In die, inquit,*

(a) Epist. ad Philip. Εἰ τις κηριακὴν ἢ σαββατον νηστεύει, πλὴν ἐνὸς σαββάτου, χριστοκτόν ἐστιν.

(b) De Jejuniis.

(c) Homil. de Semente: Ἐν ἡμέρᾳ σαββάτου συνήχθημεν, & νοσῶντες ἰαδαῖσμον· & γὰρ ἐφαπτόμεθα σαββάτων ψευδῶν· παραγεγόναμεν δὲ ἐν σαββάτῳ τὸν κύριον τῶ σαββάτῳ ἰησοῦν προσκυνήσαντες.

quit, *Sabbati congregati sumus, non quod Judæismi morbo laboremus: nunquam enim falsa Sabbata vel attigerimus, sed ad Sabbatum accessimus, Dominum Sabbati JESUM adoraturi.* Et TIMOTHEUS (a) ex successoribus ATHANASII apud BEVEREGIIUM, *Necessario*, ait, *Sabbato, & die dominico abstinere oportet, quod spirituale sacrificium in eis Domino offeratur.* Eadem non semel in constitutionibus apost. occurrunt: & ZONARAS ἡμέρας τῶν ἑορτῶν in *Canone LIII. Apost.* itidem *de Die Sabbati & Dominica* exponit: quin immo fuerunt, suntque etiam nostris temporibus, qui diem Sabbati inde a mundi primordiis cultui divino sacrum fuisse testantur, suffulti obscuris quibusdam locis HESIODI, HOMERI, LINI, CALLIMACHI, LUCIANI, AGELLII, SÆTONTII, CENSORINI, OVIDII & TIBULLI: ex Judæis vero testimoniis ARISTOBULI, JOSEPHI, PHILONIS: ex Christianis, CLEMENTIS *Alexandrini*, THEOPHILI *Antiocheni*, imo etiam TERTULLIANI, qui tamen aperte quodam loco edicit, Ethnicos non nisi annua festa celebrare.

Vide

(a) Epist. Canon. Can. XIII. Ἐξ ἀνάγκης τὸ σαββατον καὶ τὴν κυριακὴν ἀπέχεσθαι δεῖ, διὸ τὸ ἐν αὐταῖς τὴν πνευματικὴν θυσίαν ἀναφέρεισθαι τῷ κυρίῳ.

Vide de hac re pluribus SELDENUM *de Jure Nat. & Gent. juxta Discip. Hebr. L. III. a cap. 12. usque ad finem.* De hoc enim quidquid sit, certum est, Sabbatum diu apud Christianos fuisse sacrum cum Dominica, ut GREGORIUS Nyssenus (a) occasionem inde arripuerit, eos duos fratres, *ac pulchram bigam Sabbati, & Dominicæ* nominandi. Deinde a Concilio Laodicensi (b) hæc differentia inter diem Dominicum & Sabbatum constituta est, ut Christiani Sabbato non otiarentur, sed operibus libere vacarent, quod signum est, fuisse diem Dominicum celebriorem. Est ergo Canon XXIX. *Quod non oportet Christianos judaizare, & in Sabbato otiari, sed ipsos eo die operari: diem autem Dominicum præferentes otiari, si modo possint, ut Christianos. Quod si inventi fuerint judaizantes, sint anathema apud Christum.* Provocatur ad hunc canonem in allocutione *de Sabbato* post Conc. Liptinense (c): *Magnificentissimi*

B 3 Patres

(a) Καλὴν τὴν συνωρίδα τῇ σαββάτῃ καὶ τῇ κυριακῇ.

(b) C. 29. Ὅτι & δεῖ χριστιανὸς ἰσθαίρειν, καὶ ἐν τῷ σαββάτῳ σχολάζειν, ἀλλὰ ἐργάζεσθαι αὐτὸς ἐν τῇ αὐτῇ ἡμέρᾳ; τὴν δὲ κυριακὴν προτιμώντας, εἴγε δύναιντο ὡς χριστιανοί.

(c) T. I. Conc. Germ. p. 53.

Patres nostri apud Laudiciam Phrygiæ congregati memores salutis nostræ, multa censuerunt, quæ nos observare convenit. Inter cætera, filii charissimi, de Christianis, qui sabbatizare, vel juxta quemdam modum judaizare noscuntur. Quia sub anathemate decreverunt, qui eos imitari noscuntur. Nam & nos vobis de eo insinuare curamus. Qui baptizati & regenerati estis in Christo, ecce facti estis membra Christi. Ammonemus vos, timemus vobis, non tantum ab hæreticis, sed etiam a perfidis Judæis, qui vos cupiunt judaizare, & otiosi in Sabbato; ut nomen Christi, quod accepistis, in vobis maculetur. Sed ita agendum est secundum Patrum definitionem, qui nobis jubent operari in Sabbato, secundum Domini sententiam, qui in evangelio ait: Sabbatum propter hominem factum est &c. Induci ergo se passi sunt quidam ex Christianis ad feriandum Sabbato; sicuti etiam tunc Paganismi quædam reliquiæ erant, quæ in indiculo superstitionum & paganiarum, eidem concilio Liptinensi subjecto damnantur inter alia *de feriis, quæ faciunt Jovi vel Mercurio*. Cujus superstitionis ad hodiernum usque diem quædam supersunt vestigia. S. GREGORIUS M. (a) in epistola ad Romanos cives agit contra quos-

(a) Lib. XIII. Ep. i.

quosdam perversi spiritus homines, qui prava aliqua & sanctæ fidei adversa seminauerint, ita ut die Sabbati aliquid operari prohiberent.

III. Alia inde a primordio Christiani-
smi præter diem dominicam annua fuere
festa, cujusmodi celeberrimum Pascha-
tis, cujus etiam in scripturis mentio ha-
betur: cui connexum Pentecostes fe-
stum, quod S. EPIPHANIUS intelligi pu-
tat, quando in actis apostolorum c. 20.
16. PAULUS festinasse refertur, ut, si fieri
posset, die Pentecostes esset. Hieroso-
lymis: *Festinabat, ait, ut celebraret Pen-
tecosten Hierosolymis. Quam vero Pen-
tecosten ageret Paulus, nisi prius Pa-
scha obiisset?* Quod ad observantiam
adhuc Judaicam referri potest, ritu chri-
stiano mutatam, non tam ab apostolis
quam ipso Spiritu S. qui cum comple-
rentur dies Pentecostes, super aposto-
los est effusus. Alia antiquata sunt ve-
teris testamenti festa: quæ, ut hoc obi-
ter notem, nec multa adeo erant, nec
illis alia successu temporum facile ex pe-
culiari devotione addebantur. Apud
christianos a primis ecclesiæ temporibus
observata semper sunt præcipua my-
steriorum nostræ salutis festa: nimirum
teste S. AUGUSTINO superius jam relato

Alii pri-
morum
temporum
dies festi.

ex apostolica traditione *Passio Domini*,
 & *Resurrectio*, & *Ascensio in cælum*, &
Adventus de cælo Spiritus sancti. Festum
 Ascensionis alicubi inter medias tantum
 refertur solemnitates. Illud tamen con-
 stitutiones apostolicæ magnis solemnita-
 tibus accensent Christianis feriandum
 διὰ τὸ πέρας τῆς κατὰ χριστὸν οἰκονομίας,
quod finem Christi in terris æconomia im-
ponat. S. CHRYSOSTOMUS sub nomine
 ἀναλήψεως homiliam in hoc festo habuit,
 estque Num. 35. *Edit. Paris.* ubi hoc fe-
 stum vocat τὴν Φαιδράν ταύτην, ἢ ἐξα-
 σράπτισαν ἡμέραν, *illustrem ac refulgen-*
tem diem. Idem S. Pater homiliam in-
 ter illas de statuis habuit τῇ κυριακῇ τῆς
 ἐπισωζομένης, *Dominica Epifozomenes* :
 quam ALLATIUS (*de Dominicis, ac*
Hebdom. Græcorum §. 28.) Domini-
 cam infra octavam Ascensionis esse re-
 fert, allato ex codice MS. GREGORII
Nysseni testimonio, festum Ascensionis
 apud Cappadoces dici ἐπισωζομένην.
 ORIGENES contra CELSUM sequentia fe-
 sta suo tempore celebrata enumerat κυ-
 ριακὴν, παρασκευὴν, πάσχα, πέντηκοστήν.
 TERTULLIANUS (a) totos quinquaginta
 a Paschate usque ad Pentecosten dies
 festos habet. *Ethnicis semel annuus dies*
quisque festus est. Tibi octavus quisque
dies.

(a) De Idol. c. 14.

dies. Excerpe singulas solennitates nationum, & in ordinem exsere, Pentecosten implere non poterunt. Haud obscure non solum ipsum diem a Paschate quinquagesimum, sed cunctos simul dies, qui intercedunt, seu contextas quinquaginta diebus ferias, ut S. HIERONYMI (a) verbis utar, innuit TERTULLIANUS. Canon XLIII. Conc. Illiberitani obscurius idem attingit, in quem videnda est ALBASPINÆI nota, qui hunc canonem probabilius de totis 50. diebus sumit. Clarius S. AMBROSIIUS Lib. VIII. in LUCAM C. 17. Majores tradidere nobis Pentecostes omnes quinquaginta dies ut Pascha celebrandos, quia octavæ hebdomadis initium Pentecosten fecit . . . Ergo per hos quinquaginta dies jejunium nescit ecclesia, sicut Dominica, qua Dominus resurrexit, & sunt omnes dies tanquam Dominica. Convenit cum ea, quæ apud GRATIANUM refertur, D. AMBROSII (b) sententia: Instar ergo Dominicæ, tota quinquaginta dierum curricula celebrantur, & omnes isti dies velut Dominici deputantur. Credibile vero haud est, totos istos quinquaginta dies proprie festos fuisse: sed S. Pater eodem in loco prodit, cujusmodi eorum fuerit solennitas. Per hos,

B § inquit,

(a) Epist. 28. ad LUCIN.

(b) Serm. 61. relatus Dist. 76. c. 8

inquit, *quingenta dies nobis est jugis & continuata festivitas: ita, ut hoc omni tempore neque ad observandum indicamus jejunium, neque ad exorandum DEUM genibus succidamus.* THEODOSIUS *Junior Lege V. lib. 15. sui Codicis* interdixit theatrorum atque ludorum spectacula, non tamen actiones forenses, multo minus intermissionem laboris: prius aperte ex *Serm. 19. AUGUSTINI* a SIRMONDO edit. claret, qui in octavis Paschæ est habitus; ubi, *Peraçti sunt*, ait, *dies feriati, succedent jam illi conventionum, exactio-num, litigiorum.* Ex hoc loco illud etiam patet, plures dies a tumultibus forensibus in Paschate fuisse exemptos: fuisse autem dies omnino 15. S. AUGUSTINUS paulo post declarat, nimirum præcedens, & consequens diem Paschatis hebdomada: extat in hanc rem THEODOSII lex: imo SCALIGER *de Emend. Temp.* legem CONSTANTINI producit, qua præcipitur *τὰς παραλίας δύο ἑβδομάδας ἀπράκτους τελεῖν*, *duabus Paschatis hebdomadis ab opere faciundo cessandum*: explicatius etiam auctor *Constit. Apost. lib. VIII. c. 33.* jubet: *τὴν μεγάλην ἑβδομάδα πᾶσαν, καὶ τὴν μετ' αὐτὴν ἀργεῖν* *ωσαν οἱ δούλοι, servi magna hebdomada tota, & eam subsequenti otientur.* Sed otium istud non plenarium fuisse, inferius

inferius docebimus. *Leo ALLATIUS de Hebdomadis Græcorum* §. I. ex *Georgii HOMARTOLI Chronico* locum *S. CHRYSOSTOMI* refert, in quo secundum numerum dierum creationis mundi, dies festos suæ œconomix Christum nobis tradidisse dicitur. *Primus est*, verba sunt *S. CHRYSOSTOMI*, *solemnitatum radix, Christi secundum carnem ex S. Virgine MARIA post Conceptionem Nativitas; secundus Epiphania; tertius salutiferæ Passionis dies; quartus gloriosissima Resurrectio, in qua & in subterranea progrediens Salvator, una secum in vitam revocavit justos, & eos, qui crediderunt; quintus in cælum ejusdem Assumptio, quemadmodum & quinta hebdomadis die perfectum est; sextus Adventus Spiritus; septimus universæ resurrectionis mortuorum magnus, & sine ulla successione dies: tunc enim vere celebrabunt festum cum multo gaudio & latitia, qui hæredes futuri sunt eorum, quæ oculus non vidit, nec auris audivit &c.* Reperiuntur hæc in homilia dubiæ fidei. In alia homilia tria recenset solummodo festa: *παρ' ἡμῶν πρώτη ἑορτὴ τὰ ἐπιφάνια· δεύτερα τῇ πάχᾳ ἑορτὴ· τρίτη, πεντηκοστή·* nullus dubito, quin per τὰ ἐπιφάνια natalem Domini intelligat phrasi non insueta, de quo festo distincto ab Epiphania *Constitutiones aposto-*

apostolica L.V. c. 12. sub nomine γενεθλίας ἡμέρας loquuntur. Ipse nihilominus CHRYSOSTOMUS hom. de PHILOGONIO T. I. p. 497. festum Nativitatis ab Epiphania distinguit, lateque in illius laudem excurrit, utpote a quo reliqui dies festi omnes ortum duxerint: Ἦν, inquit, ἐκ ἂν τις ἀμάρτοι, μητρόπολιν πασῶν τῶν ἑορτῶν προσευπών. *Quod si quis appellet omnium metropolin baudquaquam aberret: ab hoc enim festum Epiphaniarum, ac sacrum Pascha, Ascensio & Pentecoste originem ac fundamentum ducunt, nisi enim secundum carnem natus esset, nequaquam baptizatus esset, nam id festum Theophaniorum est &c. T. II. p. 352.* habetur homilia in diem natalem Domini ad 25. Decemb. quo paucis ab annis tunc celebrari rite, multis probat. Ubi legendum est MONTEFAUCONII monitum de natali Domini in oriente 6. Januarii celebrari solito. Putatque Epiphaniam etiam Romæ ante Natale celebrari solitam. Natalem Domini jam sæculo secundo plurimis in locis celebrem fuisse, ex THEOPHILI Paschali epistola colligitur, atque NICEPHORUS in historia persecutionis sub MAXIMINO Imperatore motæ meminit. De CONSTANTINO M. passim docet EUSEBIUS Lib. IV. de Vita illius, eum varia instituisse

ruisse festa, τὴν τῆς παρασκευῆς ἡμέραν, τὴν τῆ πάχα ἑορτὴν, τὰς τῶν μαρτύρων ἑορτάς, *Parasceves diem, Paschatis festum, nec non & festa martyrum.*

• IV. Piissimus autem iste Imperator **De festis,**
CONSTANTINUS, ut eodem loco **EUSE-** & memo-
BIUS memorat, hoc potissimum mar- riis mar-
 tyrum honorem promovit: dum *singu-* tyrum in
larum gentium præsidiis legem dedit, ut prima ec-
martyrum dies honorari curarent, & fe- clesia.
storum tempora ecclesiis decernerent. In
 quem finem, si **DURANDO** (a) credimus,
 undique in provinciis, petente id **EUSE-**
BIO Cæsariensi episcopo, nomina san-
 ctorum martyrum, & tempora, modum-
 que passionis eorum diligentissime con-
 quisiuit, & litteris accurate mandata
EUSEBIO transmisit. Festum aliquod ge-
 nerale omnium martyrum jam **S. CHRYS-**
SOSTOMI ætate celebrari consuetum ex
 quadam hujus **S. Patris** homilia istius
 solemnitatis occasione habita constar,
 quæ est 80. *Tom. II. p. 711.* ubi etiam
 docet, illud proxime post Pentecosten
 celebratum, nimirum Dominica prima
 post Pentecosten, qua nos recentiore
 instituto festum **SS. Trinitatis** agimus.
 Hac die undique terrarum universæ ter-
 ræ universos Sanctos ab universa **DEI**
 ecclesia

(a) L. VII. c. 1. Rational.

ecclesia honoratos esse Leo ALLATIUS p. 31. de Hebdom. Græcorum, atque hanc Dominicam κυριακὴν τῶν ἁγίων dictam veterum auctoritate ostendit. Singularia vero, ut jam superius annotavimus, festa martyrum non ubique in omnibus ecclesiis celebrata fuerunt, sed pro varietate regionum, ubi & martyria perpassi & sepulti erant. Quamvis autem ambigendum haud sit, in honorem apostolorum die, & loco eorum martyrii ejusmodi festos conventus a fidelibus celebratos; ex antiquis tamen monumentis primus refertur POLYCARPUS, quem hoc honore Smyrnenfes, quorum erat episcopus, dignati sint, ut ex hujus ecclesiæ epistola EUSEBIO (a) memorata constat: ubi narrant, velle se, si DEUS concefferit, ad monumentum ejus convenientes natalem ejus martyrii diem cum hilaritate & gaudio celebrare. TERTULLIANUS (b) de his anniversariis ceu suo tempore usitatis sermonem etiam habet: *Oblationes, ait, pro defunctis, pro natalitiis annua die facimus.* CYPRIA-

(a) L. IV. c. 15. Ἐνθα ὡς δυνατόν ἡμῶν συναγομένοις ἐν ἀγαλλιάσει καὶ χαρᾷ, παρέξει ὁ κύριος ἐπιτελεῖν τὴν τῶν μαρτυρίων αὐτῶν ἡμέραν γενέθλιον.

(b) De Corona milit. c. 3.

PRIANUS passim de sacrificiis & oblationibus in natalibus martyrum loquitur. ORIGENES libro 3. in JOBUM, *Celebramus*, inquit, *memoriam defunctorum*, *religiosos cum sacerdotibus convocantes*, *fideles unacum clero invitantes*, *ad hæc egenos, & pauperes, pupillos, & viduas saturantes*, *ut fiat festivitas nostra in memoriam requiei defunctis animabus*, *quorum memoriam celebramus.* Nihil de D. BASILIO, CHRYSOSTOMO, AUGUSTINO, LEONE, MAXIMO memorare necessum est, qui sermonibus ejusmodi martyrum natales illustrarunt. S. CYRILLUS (a) de memoriis martyrum sui ævi dicit, *hoc ad Græcorum vetustissimorum imitationem fieri*, *apud quos ii, qui in Marathone ceciderunt, anniversariis laudibus coronati sunt.* Hanc piam & sanctam ecclesiæ consuetudinem egregie ornat THEODORETUS (b) in Gentiles investus:

a

b

Pro

(a) L. VI.

(b) THEODORET. Therapeut. Serm. VIII.
 Ἀντὶ τῶν πανθίων, καὶ Διασίων, καὶ Διονυσίων, καὶ τῶν ἄλλων ὑμῶν ἑορτῶν, Πέτρος, καὶ Πάυλος, καὶ Θωμᾶ, καὶ Σεργίῳ, καὶ Μαρκέλλῳ, καὶ Λεοντίῳ, καὶ Παντελεήμονι, καὶ Ἀντωνίῳ, καὶ Μαυρικίῳ, καὶ τῶν ἄλλων μαρτύρων ἐπιτελεῖνται δημοδοῖναι. καὶ ἀντὶ τῆς πάλαι πομπείας, καὶ ἀιοχρηγίας,

Pro Pandiis enim, Diasisque, ac Dionysiiis, hoc est, Jovis, liberique Patris solennitatibus, Petro, Paulo, Thoma, Sergio, Marcello, Leontio, Antonio, Mauritio, aliisque sanctis martyribus solennitates populari epulo peraguntur: proque illa veteri pompa, pro turpi obscœnitate ac impudentia fiunt modestæ, castæ, ac temperantiæ plenæ festivitates: non illæ quidem mero delibutæ, non commessationibus leves, non cachinnis solutæ, sed divinis canticis personantes, sacrisque sermonibus audiendis intentæ, in quibus ad DEUM preces non sine sanctis lachrymis ac suspiriis submituntur. Vereor enimvero, ut in istis martyrum memoriis veram nostrarum feriarum faciem, ac ideam reperiam: quin imo videntur eæ completæ fuisse fidelium conventu in unum congregatorum ad audienda passionis acta gloriosorum istorum JESU Christi pugilum, atque ad offerendum in eorum memoriam sacrificium; quibus nonnulla alia lætitiæ, devotionis & solennitatis addita indicia; de cessatione

ἡ ἀναχρῶρρημοσύνης, σώφρονες ἐορτάζονται πανηγύρεις, ἡ μέθην ἔχουσαι, ἡ πῶνον, ἡ γέλωτα, ἀλλ' ὕμνας θεῖας, ἡ ἱερῶν λογίων ἀκρόασιν, ἡ προσευχὴν ἀξιωμαίοις κοσμημένην δακρύοις.

tionem vero ab operibus servilibus, idque ex præcepto imposita nihil in antiquis monumentis reperire potui: cum etiam hodie plerique christiani in Sanctorum memoriis ac festis, imo quotidie conveniant, ad Missæ saltem audiendum sacrum. Pene exciderat memoria festum Innocentium ab HERODE interfectorum, quod ad hunc etiam censum pertinet, atque inde a primis sæculis celebrari consuetum fuit: *Horum*, inquit ORIGENES (a), *memoria semper, ut dignum est, in ecclesiis celebratur*. Et S. AUGUSTINUS (b) *Non frustra, inquit, etiam infantes illos, qui, dum Dominus JESUS Christus necandus ab Herode quaereretur, occisi sunt, in honorem martyrum receptos commendat ecclesia*. Circumferuntur sermones S. AUGUSTINI de Innocentibus, sed spurii habentur. Id vero ex regula S. BENEDICTI nota, quod, cum c. 48. solis diebus dominicis monachos a labore manuum exemptos lectioni vacare jubeat; atque cap. 14. *In Sanctorum festivitibus vel omnibus solemnitatibus sicut Dominico die agendum officium quidem divinum præscribat, nihil tamen de vacatione a labore manuum in Sanctorum festivitibus vel aliis solemni-*

C

ta-

(a) Hom. III. de Diversis. T. II.

(b) De lib. arbit. L. III. c. 23.

tatibus: quas solemnitates Domini intelligere par est. Unde quis conjiciat sicut in officio divino, ita etiam quoad vacationem dominicis æquiparatas esse. Aliter tamen *Alexandro* BORGIE in Epist. ad Card. QUIRINI videtur: sæculo nimirum sexto, in quo S. BENEDICTUS florebat, usum haud fuisse feriandi in festis Sanctorum, cum nec apud monachos vitæ perfectioris id obtinuerit.

Quomodo
convent⁹,
stationes,
vigiliæ, &
dies festi
primis sæ-
culis
transacti
sint.

V. Hoc etiam generatim asseri potest, mentibus antiquorum longe aliam obversatam fuisse notionem festorum, atque hodie soleat. Nos quando de feriis loqui solemus, de veris feriarum operum fructibus vix cogitamus, solummodo attendimus ad cessationem a labore: notionem & ideam nobis suggerente usu & praxi. Veteres econtra illi longe aliter de feriis fermocinati sunt. S. GREGOR. Nazianzenus Orat. XXXIX. κεφαλὴν ἑορτῆς μνήμην Θεῷ, *præcipuum festi caput memoriam DEI* vocat. *Feriarum nostrum*, inquit idem (a),
ποῖα

(a) GREG. Naz. Orat. XLIV. in Pentecosten.
Τὸ ἐστὶ τὸ ἑορτάζειν ἡμῶν, ψυχῇ τί
θυσασαί τῶν ἐσώτων καὶ κρατῆμένων,
ἀλλὰ μὴ τῶν ὑποχωρέντων καὶ λυομένων,
καὶ μικρὰ σαίνοντων τὴν αἰσθησιν.

non est quidquam aliud, quam animæ ali-
quid eorum aggerere, quæ firma & stabilia
sunt, ac manibus tenentur, non autem
suffugiunt, & dilabuntur, leviterque duvi-
taxat sensum demulcent. Clarius & a-
pertius D. CHRYSOSTOMUS (a), Hoc
verum, inquit, est festum, ubi anima-
rum salus, ubi pax & concordia, ubi o-
mnis cogitatio, & cura de rebus terrenis
exulat: ubi clamor & tumultus, coquorum
etiam discursitationes locum non habent:
summa autem tranquillitas, & quies, chari-
tas, gaudium, pax, mansuetudo, & in-
finita alia bona eorum loco dominantur.
Videmus enimvero, quomodo cum
moribus etiam vocum notiones mu-
tantur, vacare nostris temporibus fere
otio vacare est in feriis, cum antiqui
divinis officiis vacarint, de otiandi a ser-
vilibus operis præcepto non multum
soliciti. Act. III. 1. legimus, primos fi-
C 2 deles

(a) Ἀυτὴ ἡ ἀληθὴς ἐορτὴ ἐνθα ψυχῶν σω-
τηρία, ἐνθα εἰρήνη, καὶ ὁμόνοια, ἐνθα
βιωτικὴ πᾶσα φαντασία ἀπελήλαται·
ὅπως κραυγὴ, καὶ θόρυβος, καὶ μαγείρων
δρόμοι, καὶ τῶν ἀλόγων σφαγαὶ ἐκπο-
δῶν. ἡρεμία δὲ πᾶσα, καὶ γαλήνη, καὶ
ἀγάπη, καὶ χαρὰ, καὶ εἰρήνη, καὶ πραότης,
καὶ τὰ μυρία ἀγαθὰ ἀντ' ἐκείνων πολι-
τεύεται.

deles perdurasse in orationibus unanimiter, idque diuturno tempore quotidie facitabant; quamvis, ut supra audivimus, solemniore conventus prima hebdomadis feria, sive die Dominica habuerint. Supra etiam ex AUGUSTINO audivimus, alicubi Christianos singulis diebus ad oblationes convenisse.

a S. BASILIUS (a) quatuor dies in hebdomade recenset. *Quater nos singulis septimanis communicamus. Dominico die, feria quarta, in Parasceve & Sabbato, sed & per dies etiam alios, si martyris alicujus memoria celebretur.* Conventus feriæ quartæ & sextæ stationes vocabantur, & cum jejunio celebrabantur, quare festis annumerandi non sunt; haud secus, ac integri quadragesimæ dies, imo quandoque cessantibus persecutionibus singuli anni dies, qui eo modo feriæ dici possunt: qua ratione apud nos omnes dies feriæ dicuntur illis, qui aut officio canonico addicti sunt; aut fideles nullum diem intermittunt, quo minus partem aliquam diei in ecclesia Mis-

fæ

(a) Epist. 289. Ἡμεῖς μέντοιγε τέταρτον καὶ ἑκάστην ἐβδομάδα κοινονῶμεν· ἐν τῇ κυριακῇ, καὶ ἐν τῇ παρασκευῇ, καὶ τῷ σαββάτῳ, καὶ ἐν ταῖς ἄλλαις ἡμέραις, εἰάν τις μνήμη μάρτυρος τινός.

ſæ ſacro audiendo tranſigunt. Quæ fe-
 riæ denominatio jam TERTULLIANI ævo
 uſum aliquem habuiſſe videtur : ſic e-
 nim ille adverſus Pſychicos *cap. 2.* ex
 eorum perſona loquens, *Itaque*, inquit,
de cætero jejunandum ex arbitrio, non ex
imperio novæ legis. Proinde nec ſtatio-
num, quæ & ipſæ ſuos quidem dies ha-
beant quartæ feriæ, & ſextæ. Sed alia
 olim dierum ſolemnium erat ratio, qui-
 bus non ſolum ipſa dies pia & devota
 celebritate agebatur, ſed etiam præce-
 dens nox vigilando in divinis laudibus
 conſumebatur in præcipuis feſtis Nativ-
 itatis, Epiphaniæ, Reſurrectionis, & A-
 ſcenſionis Chriſti. Celeberrima Paſchatis
 erat nox vigiliarum, de qua jam TER-
 TULLIANUS (a): *Quis*, ait, *ſolemnibus Pa-*
ſchæ abnoctantem ſecurus ſuſtinebit : & LA-
 CTANTIUS (b), *Nocte*, inquit, *vigilias ce-*
lebramus propter adventum Regis, ac DEI
noſtri : cujus noctis duplex eſt ratio, quod
in ea & vitam tunc recepit, cum paſſus
eſt, & poſtea orbis terræ regnum receptu-
rus eſt. Quare adventum Chriſti hac
 nocte fideles exſpectarint, HIERONY-
 MUS etiam nobis declarat. *Traditio,*
 inquit, *Judaorum eſt, Chriſtum media*
C 3 nocte

(a) Ad uxor. L. II. c. 4.

(b) L. VII. c. 19.

nocte venturum in similitudinem Aegyptii temporis, quando Pascha celebratum est, & exterminator venit, & Dominus super tabernacula transiit, & sanguine agni postes nostrarum frontium consecrati sunt: unde reor & traditionem apostolicam permansisse, ut in die vigiliarum Paschæ ante noctis dimidium populos dimittere non liceat, expectantes adventum Christi. Ex

2

S. CHRYSOSTOMO (a) noctem non unam solum, sed plures etiam, vigiliis & pernoctationibus hujusmodi sacris in hebdomade Pascha antecedente tributas esse, atque ex officiis illarum Dominicarum Quatuor Temporum, quæ cum Sabbati officio eadem sunt, pater propter vigiliis, duos dies in unam, quod sacrum conventum attinet, coaluisse. Has vigiliis Græci *παννυχίδας*, & præsertim CHRYSOSTOMUS *παννύχες, & διηνεκεῖς στασεις*, per noctes & perpetuas stationes (ut a diurnis feriæ præsertim quartæ & sextæ stationibus distinguantur, quæ ad horam nonam usque tertiam nostram pomeridianam protraherantur) Latini pernoctationes & pervigilia appellabant, eoquod maxima noctis pars illis insumpta sit: neque deinde sequentes dies vacui a divinis officiis, & exercitiis pietatis

(a) Hom. XXX. in Genes.

tis erant, ut ex CHRYSOSTOMO (a) constet. En ejus verba: *Ecclesiam ingredi- re, vide pauperes a medio noctis usque ad lucem perseverantes, vide sacra pervigilia diem cum nocte copulantia: vide populum Christi amantem, neque noctu, neque inter- diu, vel somni tyrannidem ac violentiam metuentes, vel inopiæ necessitatem formi- dantes.* CASSIANUS (b) de monasteriis Ægypti & Thebaidis loquens hoc inter officii diei Sabbati & Dominicæ, ac reliquos dies discrimen facit, quod in illis, non in his interdiu præter vesper- tinas & nocturnas horas convenirent. *Exceptis, inquit, vespertinis horis, ac nocturnis congregationibus, nulla apud eos per diem solemnitas, absque die Sabbati vel Dominica, in quibus hora tertia sacra communionis obtentu communicant.* In- signe etiam suppetit SIDONII (c) testi- monium post vigiliis peractas interdiu denuo convenisse fideles. *Convenera-*

C 4 *mus*

(a) Hom. IV. de Verb. ESAIÆ. Εἰσελθε εἰς ἐκκλησίαν ἴδε πένητας ἐκ μεσονυχτίων μέχρι τῆς ἡμέρας παραμένοντας, βλέπε παννυχίδας ἱερὰς ἡμέρας, καὶ νυκτὶ συναφθεύσας, ὅτε ἐν νυκτὶ τὴν τυραννίδα τῶ ὕπνῳ, ὅτε τὴν ἀνάγκην τῆς πενίας φοβούμενος.

(b) L. III. c. 2.

(c) L. V. Epist. 17.

mus ad sancti Iusti sepulchrum . . . Processio fuerat antelucana, solemnitas anniversaria, populus ingens sexu ex utroque, quem capacissima Basilica non caperet, & quamlibet unita diffusis cryptoporticibus. Cultu peracto vigiliarum, quas alternante dulcedine monachi clericique psalmicines concelebraverant, quisque in diversa secessimus, non procul tamen, utpote ad tertiam praeſto futuri, quum sacerdotibus res divina facienda. Ex his patet, etiam martyrum solemnioribus memoriis anniversariis vigilias esse praemissas. Itidemque patet, monachis & clericis psallendi munus incubuisse singillatim jam, reliquis nihilominus fidelibus acervatim confluentibus: unde determinata tandem horarum canonicarum distinctior celebratio orta, clericisque ac monachis propria, de quibus plura in constitutionibus apostolicis, CASSIANI operibus, alibique. Vigiliarum usus primum apud mulieres in desuetudinem abiit, quod obtentu earundem varia scelera perpetrarentur. Extat in hanc rem canon Illiberitanus XXXV. Placuit prohiberi, ne faemina in caemiterio pervigilent; eoquod saepe sub obtentu orationis latentes scelera committant. Unde etiam S. HIERONYMI (a) monitum ad LÆTAM de ejus filia:

Vigi-

(a) Epist. VII. ad LÆTAM.

Vigiliarum dies, & solemnes pernoctationes, sic virguncula nostra celebret, ut ne transverso quidem ungue a matre discedat.

VIGILANTIUS hæresiarcha has vigiliæ, excubiasque acerrime impugnavit: contra HIERONYMUS regerebat, paucorum culpam religioni damno esse non debere: quia qui peccarent vigilando in templis, possent etiam in suis, vel alienis domibus eadem facere. Attamen eo tandem malum devenit, ut consultius visum fuerit scandalorum occasionem e medio tollere, sicque harum excubiæ loco jejunia instituta sunt, quæ hodieque vigiliæ indigitamus, de qua mutatione MANTUANUS (a) canit:

Nam quia nox sceleri solet esse occasio, & illud

Observant, qui furta volunt committere, tempus,

Jejunare diem visum est sapientius illam

Quæ præt, & clauso noctem dormire cubili.

VI. Hactenus generatim conventus De vacatione ab maxime in diebus festis Christianorum tione ab delineavimus, unde liquido constat, si operibus fides primos pauciores quidem dies festos celebrasse, sed eos longe majori religione festo christiano.

C 5

ligione

(a) L. I. Fast.

ligione transegisse : imo eos etiam conventus & stationes, quas præter solennes ferias agebant, multo pluribus & amplioribus pietatis exercitiis absolvisse, quam apud nos dies, ex præcepto, divino servitio dicati passim consummantur: neque ad hoc opus fuisse canonum, aut mandatorum statutis, ipso pietatis & devotionis instigante, ducenteq; sensu: nec eos de otio ab operibus cogitasse, sed de vacatione rebus sacris & divinis: cum ante Concilium Laodicenum vix otii feriarum memoria occurrat, quod Concilium *Can. XXIX.* superius jam a nobis laudato (qui repetitur in Capitul. Aquisgr. an. 789. c. 15. decernit: *Quod non oportet Christianos judaizare, & in Sabbato otiari; sed ipsos eo die operari: diem autem Dominicum præferentes otiari, si modo possint, ut Christianos.* Ubi vides nullam absolutam imponi necessitatem, qualis erat in lege cærimoniali Judæorum in Christianismo abolita. *Observare*, inquit S. AUGUSTINUS (a), *diem Sabbati non ad litteram jubemur, secundum otium ab opere corporali sicut observant Judæi. Et ipsa eorum observatio, quia ita præcepta est, nisi aliam quamdam spiritualem requiem significat, videnda judicatur.* De S. BENE-

DI-

(a) Epist. 54. c. 2.

DICTO jam meminimus c. 48. *Reg. De opere manuum quotidiano.* Ubi *Dominico die*, inquit, *lectioni vacent omnes, exceptis his, qui variis officiis deputati sunt.* Si quis vero ita negligens & desidiosus fuerit, ut non velit, aut non possit meditari, aut legere, injungatur ei opus, quod faciat, ut non vacet. S. GREGORIUS (a) præceptum vacandi a labore die *Dominico* commemorat his verbis in Epist. ad Romanos cives: *Dominicorum vero die a labore terreno cessandum est, atque omni modo orationibus insistendum; ut si quid negligentiae per sex dies agitur, per diem Resurrectionis dominicae precibus expietur.* Damnat vero superstitionem a perversis hominibus prædicatam, ut *Dominicorum die nullus debeat lavari.* In synodo Aurelianensi III. c. 28. legitur, & ad verbum repetitur in Syn. Vernensi an. 755. c. 14. *Die Dominico quid operis facere liceat, aut non liceat, ac si habet: Quia persuasum est populis die Dominico agi cum caballis sive bubus & vebiculis itinera non debere, neque ullam rem ad victum præparari, vel ad nitorem domus vel hominis pertinentem ullatenus exerceri, quæ res ad Judaicam superstitionem magis, quam christianam observationem pertinere probatur, id statuimus, ut die Dominico, quod antea fieri*
 li-

(a) Lib. XIII. Ep. 1.

licuit, liceat. De opera tamen rurali, arato aut vineæ sectione, excussione, vel sæpe censuimus abstinendum, quo facilius ad ecclesiam venientes orationis gratia vacent. Quodsi inventus fuerit quis in operibus suprascriptis, quæ interdicta sunt exercere, qualiter emendari debeat non laicorum districtione, sed in sacerdotis castigatione consistat.

Legibus &
canonibus
constituta.

VII. In legibus etiam Imperatorum christianorum constitutum habetur, Dominicis diebus esse abstinendum ab opere manuum & negotiis judicialibus, non exclusis tamen necessariis, præsertim si pietati prosint. Agriculturam etiam in villis ruri permittit CONSTANTINUS M. cum ita tempestatis commoditas flagitaret, ut refertur in Cod. l. 3. de Feriis. *Omnes iudices urbanaque plebes, & cunctarum artium officia venerabili die solis quiescant. Ruri tamen positi agrorum culturæ libere licenterque inserviant: quoniam frequenter evenit, ut non aptius alio die frumenta siccis, aut vineæ scrobibus mandentur: ne occasione momenti pereat commoditas cælesti provisione concessa.* Deinde VALENTINIANUS, THEODOSIUS, & ARCADIUS eam potissimum feriandi rationem determinarunt, quæ ad strepitum judicialem pertineret, ut in lege

ge cod. *Omnes dies habetur: cujus etiam PHOTIUS in suo Nomocanone Tit. VII. can. I. compendium aliquod affert. THEODOSIUS indulget, ut in die Dominica emancipare ac manumittere liceat, reliquæ causæ vel lites quiescant.* Prohibent spectacula & voluptates obscenas. In Concilio Altifiodorensi an. 578. c. 16. generatim exceptio additur: *Non licet die Dominico boves jungere, vel alia opera exercere, nisi pro causis constitutis.* Insignis est Canon I. Conc. Marisconensis an. 585. de digna christianis feriandi diem Dominicum ratione: *Quæ, ajunt Patres, nos denuo peperit; & a peccatis omnibus liberavit. Nullus vestrum litium fomitibus vacet: nullus causarum actiones exerceat: nemo sibi talem necessitatem exhibeat, quæ jugum cervicibus juvencorum imponere cogat. Estote omnes in hymnis & laudibus DEI animo corporeque intenti. Si quis vestrum proximam habet ecclesiam, properet ad eamdem, & ibi Dominico die semetipsum precibus lacrymisque afficiat. Sint oculi, manusque vestrae toto illo die ad DEUM expansæ &c.* Agitur sequenti canone de Paschate festivissime sex diebus celebrando: *Ut illis sanctissimis sex diebus nullus servile opus audeat facere; sed omnes simul coadunati hymnis paschali- bus indulgentes, perseverationis nostræ præ-*
sentiam

sentiam quotidianis sacrificiis ostendamus, laudantes Creatorem ac Regeneratorem nostrum vespere, mane, & meridie. In Concilio Narbon. an. 589. statuitur c. 4. Ut omnis homo, tam ingenuus, quam servus, Gothus, Romanus, Syrus, Græcus vel Judæus die Dominico nullam operam faciat, nec boves jungantur, excepto si in mutando necessitas incubuerit. Can. 15. damnatur execrabilis ritus diem quintam feriam qui & dicitur Jovis excolendi, & operationem non faciendi, præter festivitates in eo die venientes. Unde colligitur mos aliis etiam, quam Dominicis diebus feriandi, licet canones imprimis de his caveant. Sic in Conc. Cabilon. an. 650. c. 18. Ut in ipso die Dominico ruralia opera id est arare, secare, messes metere, exartos facere, vel quidquid ad ruris culturam pertinet, nullus penitus præsumat. In synodo, cui S. BONIFACIUS interfuit circa an. 744. celebrata statuitur: Si quis die Dominico opera servilia fecerit, liber homo si boves junxerit, dextrum bovem perdat. Et si alia, quæ prohibita sunt, fecerit, sacerdotibus illa emendet, sicut de reliquis negligentibus iudicibus emendari solet, & pœnitentiam insuper accipiat. Similiter de præcipuis festivitatem. In capitulari CAROLI M. an. 789. T. I. Capit. p. 239. 240. c. 79. provocatur ad præ-

præcedens PIPINI, atque articulatus, quæ sint vetita opera servilia exponitur, *Ut omnimodis honor & requies diei Dominici servetur. Sed & ad Missarum sollemnia ad ecclesiam undique convenient & laudent DEUM in bonis, quæ nobis in illo die fecit.* In Conc. Arelat. VI. an. 813. c. 16. cavetur: *Ne in Dominicis diebus publica mercata, neque causationes, disceptationesq; exerceantur & penitus a rurali & servili opere cessetur: his solummodo peractis, quæ ad DEI cultum & servitium pertinere noscuntur.* Eodem anno similia decreta sunt in Conc. Remensi II. c. 35. & Moguntino Can. 37. Quod refertur in Collect. Capitular. Ansegisi lib. V. c. 153. cum aliis imprimis lib. VI. c. 189. & 205. Apud REGINONEM item, BURCHARDUM, & IVONEM. Quæ aliaque ecclesiæ statuta etiam apud principes in rem judicatam sunt missa. Uti habetur edictum THEODORICI Gothorum Regis; GUNTRAMI item & CHILDEBERTI; ac DAGOBERTI in lege Bojariorum: ALVAREDI Regis Anglorum. De Græcis autem Imperatoribus apud BALSAMONEM. Demum hic canonem Conc. Paris. VI. (a) an. 829. subdimus: *Salubriter admonemus cunctos fideles, ut diei Dominico debitum honorem & reveren-*

(a) Lib. II. c. 5.

rentiam exhibeant, quoniam hujus debonoratio & a religione christiana valde abhorret, & suis violatoribus animarum periculum proculdubio generat. Nec hic omittere par est Rhabani MAURI (a) locum, quo SILVESTRO tribuit, Ut otium Sabbati magis in diem Dominicam transferretur, ut ea die a terrenis operibus ad laudandum DEUM vacaremus, juxta illud quod scriptum est: Vacate & videte quoniam ego sum DEUS. Secundum hunc autem morem in natalitiis Sanctorum vacare, id est, ad laudes DEI celebrandas sancta nos jubet ecclesia. Caterum qui his diebus ad hoc vacare vult ab agricultura, ut crapula & ebrietati deserviat, vel jocos inanibus operam det, agnoscat se magis peccare per tale ocium, quam qui alicui utili operi insisteret.

Numerus
dierum fe-
storum
post quin-
tum non-
nullis sæ-
culis.

VIII. Sed ut ad propositum redeamus, videndum, quæ ulterioribus sæculis festorum ratio fuerit, donec tandem post medium ævum ad tantum numerum accreverint, ut postea ad eum accedendum, diminuendumque pastoralis cura opus fuerit. Sæculo sexto, & deinceps multi in memoriam mysteriorum Christi, honoremque Sanctorum dies sunt consecrati, dedicatique, sed non hinc con-

(a) Lib. II. de Instit. Cler. c. 46.

concludendum, tales dies feriatos fuisse, nisi fortassis una, & altera in ecclesia. Ex pluribus conciliis sæculi sexti constat, Agathensi (a) sc. an. 506. can. LXIII. & LXIV. Aurelianensi I. an. 511. tribus anni solemnitatibus Paschate, Natali Domini & Pentecoste, seu Quinquagesima, ut vocat Aurelianense concilium, populum & clericos in cathedrali ecclesia congregari iussos: similia fere sunt conc. Epaonensis c. XXXV. Toletani XIII. can. VIII. statuta. Idem tamen concilium Aurelianense I. c. 27. de rogationum diebus sequens habet statutum (b): *Rogationes, id est, litanias ante ascensionem Domini, ab omnibus ecclesiis placuit celebrari: ita ut præmissum triduanum jejunium in Dominicæ ascensionis festivitate solvatur: per quod triduum servi & ancillæ ab omni opere relaxentur, quo magis plebs universa conveniat.* Hinc manifestum est, jam hoc sæculo ferias plenas non paucas usitatas fuisse: nec superiora decreta de præcipuis festis in urbe episcopali celebrandis obsunt, quo minus aliæ minus solennes feriæ actæ fuerint: cujusmodi festum Circumcisionis, Hypapantes, seu Purificationis a-

D licubi

(a) T. V. Conc. Edit. Venet. Nov.

(b) T. V. Conc. Col. 548.

licubi, de quo festo homilia CYRILLI *Hierosolymitani* circumfertur, sed ab eruditis spuria habetur, eo quod festum hoc equidem ab ecclesia Hierosolymitana ortum duxerit, sed primum tempore Chalcedonenſis concilii celebrari cœptum, ut doct. mus P. *Ant. Augustinus TOUTTÉE* e Cong. S. MAURI in novissima operum S. CYRILLI *Hierosol.* editione p. 360. n. 5. testimonio auctoris gravissimi CYRILLI *Scythopolitani* ostendit. Ad medium sæculi VII. inter statuta SONRATII episcopi Remensis sequens de diebus festis habetur catalogus. *Festa absque omni opere forensi excolenda, & cum debita veneratione celebranda hæc sunt: Nativitas Domini, Circumcisio, Epiphania, Annuntiatio B. MARIÆ, Resurrectio Domini cum die sequenti, Ascensio Domini, dies Pentecostes, Nativitas Beati Joannis Baptistæ, apostolorum Petri, & Pauli, Assumptio B. Virginis, ejusdemque Nativitas, Andrea apostoli, & dies omnes Dominicales.* Hoc sæculo festum etiam omnium Sanctorum, primum sub nomine Martyrum a BONIFACIO III. seu IV. institutum. Nec non S. MARTINI a cognomine MARTINO I. quod festum præcipue in Gallia celebre, ita ut primus is habeatur passim, qui inter Confessores in ecclesia occidentali (Palæstini enim

enim antea jam in oriente, ut refert SOZOMENUS *lib. III. c. 14.* eos honorare solebant viros sanctos, qui apud ipsos vixerunt e. c. HILARIONEM, aliosque) celebrari meruerit, idque non longe a suo obitu, ut colligitur ex officio hujus Sancti, prout a MABILLONIO (a) refertur. *Hunc virum, quem atatis nostræ tempora prætulerunt, jubeas auxilium nostris afferre temporibus.* Sed hæc diem feriatum non arguunt: quod tamen si dandum etiam esset, cernere nihilominus licet, numerum feriarum adhuc perexiguum fuisse, si conferatur ad succedentia tempora. Profecto enim ex statutis S. BONIFACII, episcopi Moguntinensis, & Germaniæ apostoli, quæ pro ecclesiis abs se in Germania fundatis reliquit, elucescit sæculo octavo numerum feriarum jamjam auctiorem fuisse, ut sequens statutum prodit. (b) *Annuntient presbyteri diebus Dominicis per annum sabbatizandum omni modo in Natali VIII. Kal. Januar. dies quatuor: in Circumcisione Domini Kal. Januar. diem unum: in Epiphania VIII. Id. Januar. diem unum: in Purificatione S. MARIE IV. Non. Februar. diem unum: in Pascha Domini post Dominicam dies tres: in Ascensione Domini diem unum: in Natali S. Joannis*

D 2 Baptistæ

(a) Liturg. Gall. L. I. c. 4. (b) T. I. Conc. Germ.

*Baptista VIII. Kal. Julii diem unum : in
 Passione SS. Apostolorum Petri & Pauli
 III. Kal. Jul. diem unum : In Assumptione
 S. Mariæ XVIII. Kal. Septembr. diem
 unum : In Nativitate S. Mariæ VI.
 Id. Septembr. diem unum : in passione S. An-
 dreæ apostoli pridie Kal. Decembr. diem
 unum.* Mirum videri non debet, festi
 Pentecostes mentionem non fieri, causa
 est, quod in Dominicam semper inci-
 dat: patet autem, præsentī catalogo eos
 tantum festos dies commemorari, qui
 præter dies Dominicos sunt constituti:
 quare etiam Paschatis Dominicæ non
 meminit, solos tres subsequentes dies
 ponens, ut jam ab aliis observatum.
 Non ita multo post a CHRODEGANDO
 Metensi idem fere festorum numerus
 in *Regulæ pro Canonicis cap. 74.* est con-
 stitutus, additis S. LAURENTII, &
 S. MARTINI festis, nulla vero dierum
 Paschæ Dominicam sequentium com-
 memoratione, omisso etiam Nativitatis
 B. V. festo, similiter apostolorum fe-
 stis generatim memoratis, præterquam
 S. Jo. Evangelistæ. Apud REGINONEM
lib. 3. c. 378. habetur ex Conc. Rispacen-
 si, quod ad an. 799. refert *Jordanus DU-*
KERUS, cum tamen inter alia, festum om-
 nium Sanctorum ponatur, primum sub
 LUDOVICO Pio celebrari cœptum. Sanciunt
 autem,

autem, ut celebretur *dies Paschæ*, *similiter feria secunda, tertia, & quarta & quinta*. *Ante Missam licentia sit arandi & seminandi hortum, vel vineam excolendi, & sepem circumcludendi: ab alio vero opere cessare decrevimus: post Missam autem ab opere vacare, Pentecosten similiter ut in Pascha, S. Laurentii, Kal. Novemb. omnium Sanctorum, similiter dedicationem ecclesiarum.* Ad initium sæculi noni, aut finem octavi pertinere videtur constitutio de festis, & certo eorum numero edita: in qua eadem fere, ac in Regula CHRODEGANDI festa occurrunt, nisi quod S. ANDRÆ festum, octava Epiphaniæ, litaniam major addantur, omisso S. LAURENTII festo. *De Assumptione S. MARIÆ*, verba sunt legis, *interrogandum relinquimus*. Habetur decretum lib. I. c. 158. *Collect. Ansegisi apud Baluz. T. I. Capitul. p. 732.* In Concilio Moguntino an. 813. sub eodem Imperatore jam cum aliis festis Assumptio B. M. V. compareret: Tota hebdomada Paschæ & Pentecostes; cum in concilio Rispacensi feria quinta concludatur, atque insuper licentia datur arandi vel seminandi, & hortum, & vineam excolendi, & sepem circumcludendi: ab alio vero opere cessare decreverunt: post Missam autem ab opere vacare. De die Ascensionis Domini in

a concilio Moguntino nota: *Diem Ascensionis Domini pleniter celebrare.* Qua de re Ludov. CELLOTIUS (a) notis in WALTERII capitula *Fuerunt*, inquit, *olim festi dies media tantum parte culti, ac post meridiem laboribus externis profanati*: de quorum numero videtur fuisse dies Ascensionis, quam consuetudinem antiquare fategit concilium hoc, & totum, atque integrum vult celebrari. In eodem concilio Moguntino apparet primum festum dedicationis S. MICHAELIS, S. REMIGII, & Pentecoste eodem modo, quo Pascha celebrari jubetur, quod posterioribus temporibus semper in more mansit. Ea item Martyrum & Confessorum festa ferianda præcipiuntur, quorum in unaquaque parochia sancta corpora requiescunt. Similiter etiam dedicatio cujusque templi. In concilio Aquisgranensi an. 817. eadem prorsus festa occurrunt, quæ supra ex regula CHRODEGANDI recensuimus. In capitulari AHITONIS, episcopi Basileensis an. 836. Pascha octo diebus feriandum constituitur, Rogationum dies tres, Sabbatum S. Pentecostes, nulla mentione habita Nativitatis B. V. S. LAURENTII, MARTINI &c. In Capitulari 97. HERARDI Ep. Turonensis an. 848. qualiter fe-

(a) T. X. Conc. Col. 82. d.

feriari debeant octo dies Paschæ, & Pentecoste singulariter sciscitur, reliqua festa *Art. 61.* enumerantur, inter quæ festum omnium Sanctorum singulariter additur. Aurelianensis synodus (a) sub WALTERIO episcopo an. 868. Capit. 18. diebus octo Paschæ adjungit Sabbatum sanctum: post communia vero reliqua festa, *Nostrorum præterea*, sic verba hujus synodi sonant, *Patrum, quorum piis apud Dominum patrocinis vicinis juvamus*: *B. Evurtii de transitu*: *B. Aniani de transitu*: *B. Benedicti*, *B. Maximini*, *B. Lisardi similiter de transitu*: *de inventione salutiferæ Crucis, & exaltatione ejusdem vivificæ Crucis.* Singularia de diebus festis hoc sæculo ALVAREDUS Rex Angliæ constituit, quæ hic damus. *His diebus festis sequentibus festa liberis, & ingenuis omnibus licentia conceditur; servis autem, atque iis, qui sunt legitima officiorum servitute obligati non item. Duodecim dies a festo Natali Domini. Dies ille, quo Christus subegit diabolum. Dies, quo agitur anniversarius B. Gregorii festus. Dies ante festum Paschatis septem, & totidem dies festum illud insequentes. Dies festus Beatorum Petri & Pauli. In autumno integra, quæ est ante festum MARIÆ, septimana. Dies festus omnium Sanctorum.*

D 4

Quatuor

(a) T. X. Conc.

Quatuor autem diebus Mercurialibus in quatuor illis septimanis, quibus publicum edici solet jejunium, servis omnibus festa dator licentia, ut omnem eorum operam in illorum insumant utilitatem, a quibus antebac in DEI nomine beneficia acceperant, aut de quibus in posterum ex collocata eorum opera bene mereantur. Ecclesia Romana quænam hoc tempore festa celebrarit, plene non constat, nisi ex illis, quæ NICOLAUS I. consultantibus Bulgaris de SS. Festis an. 858. in responsis dedit. In quorum, inquit summus hic Pontifex, apostolorum vel martyrum, seu confessorum festis a labore terreno recedere debeatis, inquiritis: in solemnitatibus utique B. MARIÆ Virginis, & SS. duodecim Apostolorum & Evangelistarum, atque Præcursoris Domini Joannis, & S. Stephani primi Martyris: nec non & in eorum Sanctorum natalitiis, quorum apud vos DEO favente memoria celebris, & dies festivus habebitur. De GREGORIO etiam IV. refert DURANDUS lib. VII. cap. 34. eum decrevisse, ut festa celebrentur non solum in honorem apostolorum, & martyrum, sed etiam Trinitatis, angelorum, confessorum, & generaliter omnium Sanctorum, Sanctarum, & electorum: sed de feriis institutis hæc nihil probant.*

IX. Quod vero attinet ad *cap. I. Pro-* De Capi-
nuntiandum de Consecr. dist. 3. quod a tulo *Pro-*
 GRATIANO Concilio Lugdunensi adscri- *nuntian-*
 bitur a BURCHARDO etiam, & IVONE rela- *dum.*
 tum, in nullo, quod extat, concilio Lu-
 gdunensi reperitur: imo concilia Lu-
 gdunensia, de quibus monumenta ec-
 clesiastica memorant, BURCHARDO, IVO-
 NE & GRATIANO posteriora sunt. Ratio,
 quare hic loci hoc reponam capitulum,
 est, quod fere in omnibus conveniat
 cum statuto episcopi Basileensis hujus
 sæculi, ex quo superius aliqua excer-
 psimus: cumque nullæ aliæ ejus veræ
 origines ostendantur, abhinc forte sunt
 repetendæ. Tantum apud AHITONEM
 omittitur festum SS. SILVESTRI, LAUREN-
 TII, Nativitas B. V. S. MARTINI. Præ-
 cepta antiqua seu instituta synodalia ec-
 clesiæ Rotomagensis (a) a *Guilielmo BES-*
 SIN, e Congr. S. MAURI ex MS. 400.
 edita, concilio Lateran. canonem tribuunt
 de numero festorum, eodem initio,
 iisque fere verbis concinnato, præter-
 quam quod plura festa addantur, quam
 quæ in hoc capitulo reperiantur. Exi-
 stunt alia etiam posteriorum sæculorum
 de festis statuta, quæ verba hujus capi-
 tuli usurpant, sed in numero festorum
 variant: quod indicium est, episcopos

D 5 in

(a) Conc. Rotom. P. II. p. 61.

in suis decretis de festis hunc canonem præ oculis habuisse, libertate sibi ab hoc ipso capitulo permessa utentes, qua possint festivitates in suis diœcesibus instituere. Et vero festa, quæ in hoc capitulo enarrantur, ea ipsa sunt, quæ hoc sæculo passim celebrabantur, ut legenti locum citatum patebit. Licet vero Juri canonico insertum sit, auctoritatem tamen singularem non habet, eoquod GRATIANI decretum eatenus solum valeat, quatenus eorum valet auctoritas, quos refert. Quare libere semper episcopi in suis diœcesibus festa hic notata, aut non susceperunt, aut nova addiderunt.

De festis
B.V. & apostolorum.

X. Quatuor B. M. V. festa Assumptio, Annunciatio, Purificatio, ac Nativitas, quæ antiquiora habentur, diversis in locis varias habuerunt origines, Sæc. IX. demum & X. simul undique recepta. Eandem diversitatem in festis peculiaribus apostolorum observare licet, ita ut sæc. X. & XI. demum omnium apostolorum singularia reperiantur festa. Cum antiquissimo more eorum, quorum nulla distincta haberetur festivitas, sub una communi agerentur, vel cum festo apostolorum PETRI & PAULI, vel

vel PHILIPPI & JACOBI, hodieque tempore paschali generale de SS. Martyribus, atque etiam apostolis officium habetur. Qua in re duo indicia antiquitatis non modicæ habentur: primum, quod de confessoribus, & virginibus non idem fiat; unde conjicere licet hunc morem obtinuisse antequam de confessoribus, & aliis Sanctis festa in-
 vecta sint: alterum, quod idem fere sit apostolorum & martyrum officium, cum primis temporibus apostolorum etiam memoriæ sub martyrii & passionis nomine venerint: primumque in legibus Imperatorum (ut in codice titulo de feriis) passionis apostolorum distincta mentio occurrat. De more tempore paschali commune cantandi officium Micrologus (a) testatur Ivo nimirum Carnotensis, qui sub pontificatu GREGORII VII. floruit. *Sciendum autem, inquit, quod antiqui de Sanctis communiter in Paschalibus cantare solebant. Unde & adhuc de uno, qua ad plures pertinent, cantantur. Et hoc ideo, quia universali resurrectione, cujus typus eo tempore agitur, communis est letitia, & festivitas justorum. Ideo etiam invenitur in martyrologiis, sive sacramentariis: festivitas sanctorum Jacobi & Philippi, & omnium*

(a) C. 15.

omnium apostolorum. Adhuc sæculo duodecimo non eandem ac uniformem fuisse rationem celebrandi festa apostolorum, patet ex quodam concilio in Galliis ab INNOCENTII III. legatis celebrato, ubi hæc habentur: *Duodecim apostolorum, & maxime SS. Petri & Pauli, Bartholomæi, Matthæi, Simonis & Judæ, qui sua prædicatione mundum illuminarunt:* Hinc colligi potest, reliquorum apostolorum, aut non ubique, aut impari solemnitate fuisse celebrata festa singularia; sicut nec hæctenus in omnibus ecclesiis omnium apostolorum festa ferianda præcipiuntur.

Sæculo
XIII. &c.
in modum festorum
dierum festorum
accumu-
latio.

- XI. A sæculo decimo tertio mirum in modum festorum numerus accumulati cœpit. Nihil hic dicam, quæ GREGORIUS IX. tit. *de Feriis cap. fin.* de illis diebus, quibus judicialis strepitus conquietescere debeat, habet, cum fortassis minus plenæ feriæ, quoad forum tantum judiciale sint. Primum hic in medium afferam præceptum antiquum (a) ab editore Conciliorum Dn. *Guilielmo Bessin* ex codice 400. exscriptum numero LXV. cujus iste titulus: *Ex synodo Lateranensi (b) de temporibus feriandis per annum. Pronuntiandum est laicis, ut*
sciant

(a) Syn. Rotom. P. II. f. 61.

(b) Alii Codices habent: *Lugdunensi.*

sciant tempora feriandi per annum, id est, omnem diem Dominicam a vespera ad vesperam. Feriandi vero per annum isti sunt dies. Natalis Domini, sancti Stephani, sancti Joannis Evangelistæ, sanctorum Innocentium, sancti Sylvestri, Circumcisio Domini, Epiphania, Nativitas Beatæ MARIÆ, Annuntiatio, Purificatio, & Assumptio ipsius, dies Parasceve cum omni honore & reverentia, sanctum Pascha cum duobus sequentibus diebus ad minus, Ascensio Domini, Inventio sanctæ Crucis, sancti dies Pentecostes, sancti Joannis Baptistæ Nativitas & Decollatio, duodecim apostolorum & maxime sanctorum Petri & Pauli, Andrea, Jacobi, Philippi & Jacobi, Thoma, Bartholomæi, Matthæi, Simonis & Judæ, qui sua predicatione mundum illuminarunt, sancti Laurentii, sancti Michaelis archangeli, & S. Romani, Dedicatio cujuslibet oratorii, & omnium Sanctorum, & sancti Martini, & sanctæ MARIÆ Magdalena, & illæ festivitates, quas singuli presbyteri in suis parochiis ab antiquo collaudaverunt cum populo, quæ vicinis tantum commorantibus indicendæ sunt, non generaliter omnibus. Reliquas festivitates per annum non sunt cogendi ad feriandum, sed monendi, ut morem antiquum observent. In eadem (a) concilio-

rum

(a) Ib. P. II. 39.

rum Rotomagensium collectione *de feriandis per annum*, ut titulus stat. XXIV. præfert, hæc habentur iisdem concepta verbis, ac præcepta antiqua PETRI de colle medio inter Rotomagenses synodos a laudato auctore etiam edita. *Pronunciandum est laicis, ut sciant festa ferianda per annum. Primo omnes dies Dominicales, Nativitas Domini, festa sanctorum Stephani, Joannis, Innocentium, Thomæ martyris in omnibus: S. Sylvestri mulieribus. Circumcisio, Epiphania in omnibus; S. Hilarii mulieribus; Sebastiani & Fabiani, ut Dominica; S. Agnetis mulieribus; S. Vincentii, ut Dominica: in Conversione Pauli post Missam operatur pro DEO; Purificatio Beatæ MARIÆ, ut Dominica; S. Blasii, S. Agathæ mulieribus; S. Petri ad Cathedram, S. Matthiæ, ut Dominica; S. Albini mulieribus; S. Gregorii clericis; Annuntiatio, ut Dominica; dies Veneris Crucis adoranda, Resurrectio Christi cum duobus sequentibus; S. Marci Evangelistæ, ut Dominica; S. Ambrosii clericis, apostolorum Philippi & Jacobi, Inventio sanctæ Crucis ut Dominica; dies Pentecostes cum duobus diebus sequentibus, festum Eucharistiæ, Dedicatio cujuslibet oratorii; S. Barnabæ apostoli; Nativitas S. Joannis Baptista, ut Dominica: S. Johannis mulieribus; Festum SS. Petri*

&

& Pauli, Inventio reliquiarum Bajocen-
 sium, ut Dominica; in translatione S. Mar-
 tini post Missam operatur pro DEO; in
 festo S. Clari similiter; S. Margarethæ mu-
 lieribus; S. Magdalene, S. Jacobi, S. Petri
 ad vincula, S. Laurentii, Assumptio Vir-
 ginis MARIÆ, S. Bartholomæi, ut Do-
 minica; S. Augustini clericis: in decolla-
 tione S. Joannis licebit post Missam quadri-
 gare tempore necessario; Nativitas S. MA-
 RIÆ, Exaltatio sanctæ Crucis, festum
 S. Matthæi, S. Michaelis, ut Dominica;
 S. Hieronymi clericis; S. Dionysii, ut Do-
 minica; in festo S. Michaelis, quod dicitur
 parvum, pro DEO post Missam operatur;
 S. Lucæ, apostolorum Simonis & Judæ, &
 omnium Sanctorum, ut Dominica; S. Cle-
 mentis, aratur post Missam pro pauperi-
 bus; S. Catharinæ, clericis, & mulieri-
 bus; S. Andree, S. Nicolai, Conceptio
 B. MARIÆ, & festum S. Thomæ, ut
 Dominica observetur, & etiam festivitates,
 quas singuli presbyteri in suis parochiis ab
 antiquo collaudaverunt cum populo, quæ
 vicinis commorantibus indicendæ sunt, non
 generaliter omnibus. Reliquas autem fe-
 stivitates per annum cogendi non sunt ad
 feriandum, sed monendi sunt, ut morem
 antiquorum observent. Hæc ibi: quæ
 cum plurimum distent ab iis, quæ in
 Collectione Labbeana T. XI. c. 67. habentur,

tur, atque etiam in *MS. Bigot.* defint, affutitia *Guilielmo Bessin* videntur. Sunt autem in editione Labbeana (similiter etiam novissima Veneta) ea ipsa recensita festa, quæ paulo ante ex Rotomagensibus institutis descripsimus, ipsissima, quæ passim etiam hodie solent celebrari; unde longe verisimilius est, ea genuina esse. Attamen ex catalogo eorum festorum, quæ in diœcesi sua 1522. supprimit fecit episcopus Rotomagensis, claret, magnum numerum fuisse in hac ecclesia festorum, ac majorem quidem, quam prima nostra recensio præseferat. Sunt autem festa suppressa isthæc: Festum Cathedræ S. PETRI, festum Inventionis S. Crucis, S. Jo. ante portam latinam, SS. GERVASII & PROTASII, S. ELIGII in Junio, S. MARTIALIS in Julio, translatio S. MARTINI in Julio, S. PETRI ad vincula in Aug. Inventio S. STEPHANI in Aug. Dies mortuorum post servitium divinum, S. CLEMENTIS, S. THOMÆ martyris feria IV. post Pentecosten. Unam adhuc festorum recensionem faciam ex Anglicana ecclesia, synodo nimirum Oxoniensi an. 1222. exscribam autem ex editione conciliorum Veneta; in editione enim Anglicana integrum caput istud desideratur, unde fortassis etiam suppositum

rium est: unde quis conjiciat, quam mala fide festorum multitudo inducta sit: Statuimus, quod festa subscripta sub omni veneratione servantur, videlicet omnes dies Dominici, quinque dies Natalitii, Circumcisio, Epiphania Domini, omnia festa Beatae MARIAE, præter festum Conceptionis, cujus celebrationi non imponitur necessitas, Conversio S. Pauli, Cathedra S. Petri, festum omnium apostolorum, festum S. Gregorii, dies Parasceves, feria 2. 3. & 4ta in hebdomada Paschali, dies Ascensionis Domini, feria 2. 3. & 4ta in hebdomada Pentecostes, festum S. Augustini in Majo, duo festa S. Crucis, translatio S. Thomæ Martyris, utrumque festum S. Joannis Baptiste, festum S. Margarethæ, S. Mariæ Magdalena, festum S. Petri ad vincula, festum S. Laurentii, festum S. Michaelis, festum S. Edmundi confessoris, & S. Edmundi Regis, & Martyris, festum S. Catharinæ, festum S. Clementis, festum S. Nicolai, festum Dedicationis cujuslibet ecclesiæ in sua parochia, quodlibet festum illius Sancti, in cujus honore fundata est ecclesia. Volumus etiam, ut alia festa a rectoribus ecclesiarum, & capellanis in obsequio divino & laude devotissime celebrentur, minoribus operibus servilibus secundum consuetudinem loci, illis diebus interdictis, festum SS. Fabiani & Sebastiani,

E
ni,

ni, *S. Agnetis, S. Vincentii, S. Blasii, S. Agathæ, S. Felicis, S. Georgii, S. Jo. ante portam latinam, S. Dunstani, S. Albani, S. Emeldridæ, Inventionis S. Crucis, S. Stephani, S. Hieronymi, S. Fidei, dedicatio S. Michaelis in monte Tumba, S. Dionysii, festum animarum, S. Cæcilie, S. Lucie, S. Leonardi.* Hæc sunt festa, in quibus post Missam opera rusticana concedimus, sed antequam non. Octava Epiphaniæ, SS. Joannis, & Pauli, translatio S. Benedicti, translatio S. Martini. In concilio Colonienfi an. 1307. post longum festorum catalogum subditur de aliis: Omnia vero festa, prædictis exceptis, non præcipimus solemniter celebrari, sed devotioni hominum relinquatur, ita quod, qui noluerit ea celebrare, propter hoc non culpam, nec pœnam incurrat. Provisio tamen, quod in dictis festis, & in aliis infra scriptis, videlicet Fabiani &c. novem lectiones observentur. Ita tamen festa nunc ultimo posita, nolumus, ut populus, cessando a suis operibus, celebrare teneatur. Apud Græcos non minus successu temporis dierum festorum numerus accrevit; producit enim BALSAMO ex Imperatoris *Manuelis COMNENI* novella, quæ mense Martio anno mundi 6674. emissæ fuit, catalogum omnium totius anni festorum. Sunt autem duas in classes tri-

tributa: alii dies sunt τελέως ἄπρακτοι, omnino feriatī, cujusmodi XXXVII. enumerantur: alii πῶς μὲν ἄπρακτοι, πῶσδὲ ἔμπρακτοι, partim feriatī, partim non, quales sunt recensiti XXVII. quos omnes apud BALSAMONEM enarratos videre licet.

XII. Sola hæc enarratio & conspectus, quemadmodum primum exiguus festorum numerus succedentibus sæculis semper auctus fuerit, invictum præbet argumentum pro thesi, quam propugnamus de minuendo festorum numero: quo enim propius ad apostolorum tempora accedimus, quando christiani sanctitate præcipua fuerunt, totos se servitio, cultui divino, manciparunt, eo minor feriarum numerus deprehenditur; quo deinde magis semper charitas, & pietatis fervor refriguit, eo plura festa sunt instituta; tantum abest, ut eorum multitudo religionis, devotionisque ardorem accenderit, aut observantiæ erga divinum Numen aliquid accreverit. Et quis sibi non temporum apostolicorum, illisque proxime succedentium vestigiis insistere, putet esse longe rutissimum: talis autem erit in conventibus ecclesiasticis, publicisque synaxibus assiduus, perseverans in ora-

Argumentum ex paucitate dierum festorum primis sæculis, deque recto feriarum usu.

tionem & fractionem panis, non item de otio & vacatione a labore admodum sollicitus, cui non adeo multum cultus divini, & pietatis inest; quin veris religionis operibus incumbet, quorum potissimum causa festi dies statuuntur, ac otium sacrum, non pigrum, suscipiet, de quo solo cogitarunt primi fideles, quoque unice vera dierum festorum sanctificatio transigitur. Quod studiose sunt monendi fideles. Scilicet juxta Conc. Colon. an. 1536. P. IX. c. 9. *Cur feriæ & potissimum dies dominicus, qui a temporibus apostolorum in ecclesia DEI semper celebris fuit, institutæ sint. Nempe ut tum in unum omnes pariter convenirent ad audiendum verbum Domini, ad audiendum quoque sacrum, & communicandum: breviter ad vacandum DEO soli, ut dies illa tantum orationibus, hymnis, psalmis & canticis spiritualibus transigatur. Hoc enim est sanctificare sabbatum.*

CAPUT III.

Quatenus a quatuor fere sæculis in diminuendo nimio festorum numero allaboratum sit.

I.

Neglectus
veri finis
feriarum,

Cum jucunditate recolimus, verba sunt epistolæ pastoralis Josephi WIL-

HELMII

HELM1, episcopi Basileensis circa ritum & malus
 celebrandi festa, priorum temporum in usus lo-
 ecclesia DEI devotionis fervorem, quo Chri- cum de-
 sti fideles tum residuos in terris Sanctorum dit ad co-
 cineres, tum gloriose in cælis regnantes rum nu-
 Beatorum animas sibi demereri consueve- merum
 runt. Festiva nimirum Sanctorum vene- minuen-
 ratio in Romano-catholica ecclesia contra dum.
 inquietos hæreseos spiritus omni tempore
 ardentè propugnata: item sublimis ille,
 quem pro merito in Sanctis extollimus,
 vitæ in heroicarum virtutum exercitio mi-
 rabiliter transactæ tenor: denique prodi-
 giosi favores & beneficia, devotis cælestium
 patronorum clientibus a DEO copiose af-
 fluentia, in christiano illo populo primum
 quidem admirationem, tum fiduciam, &
 cultum, pietatisque studium adeo inflam-
 marunt, ut si Sancti cujusdam annua me-
 moria celebraretur, amænissimo spectaculo
 templa in noctem usque undarent cultori-
 bus: sacra tribunalia maderent pæniten-
 tium lachrymis; supplicum preces, & lau-
 des Eucharistiæ pulcherrimo ordine conso-
 narent: ea una omnium esset contentio,
 ut quis alteri in virtutum propositarum
 imitatione primas præriperet. Tantus de-
 votionis ardor non poterat non intime af-
 ficere sacros ecclesiæ, & diæcesum antisti-
 tes, eosque inter dulcia solatia, & sanctas
 continui incrementi spes suaviter inclinare,

ut alios quidem dies Sanctorum honoribus festive impendendos præciperent, alios vero a singularibus communitatibus solemnius haberi cæptos, festorum catalogo adscribi permetterent, non sine felici omnigenæ virtutis augmento, quamdiu festorum numerus intra moderationis limites se continuit. Verum ubi solemnitatum festivarum frequentia vere ad excessum introduci est cæpta, mox charitatis fervor intepescere, pietatis, devotionisque studium imminui: otium econtra, & otii individui comites, scelera, cum magno pastorum mærore, majori Sanctorum cælitum injuria, maximo divinæ gloriæ dispendio nimium quantum invalescere dolenter animadvertebatur. Hactenus præsul ille vigilantissimus, & piam olim in festorum institutione intentionem, & impios ob nimiam eorum accumulationem abusus graphice descripsit, qui non potuerunt non eo adducere omnium sententiam & opinionem, ut causam malorum, non attento pietatis & religionis prætextu, tollendi sapientissimum consilium caperent.

Doctores,
qui nimiam festorum
multitudi-

II. Nec defuerunt, ab illis temporibus, quibus contra antiquum usum, & morem festa multiplicari cœperunt, qui carperent festorum multiplicationem.

Jam

Jam sæculo duodecimo ineunte POTHON (a) Prumensium presbyter monachis vitio vertit, quod novas quasdam instituerint celebritates. *Miramur ergo satis, quod visum fuerit hoc tempore quibusdam monasteriis mutare colorem optimum novas quasdam inducendo celebritates. Numquid Patribus doctiores, aut devotiores sumus? Superba mente præsumimus, quidquid ipsorum in talibus prudentia præterivit. Neque vero nos in hujusmodi aliquid invenire possumus, quod illorum quiverit diligentiam præterisse, quæ igitur ratio hæc festa celebrandi nobis induxit?* Hæc ad verbum fere repetit, & exscribit S. BERNARDUS (b) quadraginta fere post POTHONEM annis ad canonicos Lugdunenses de Conceptionis B. V. festo sermonem habens, atque in prosecutione epistolæ, *Patriæ esse, dicit (c), non exilii, frequentiam hanc gaudiorum: numerositatemque festivitatum cives decere, non exules.* Sequenti sæculo paulo post Concilium Lateranense IV. sub INNOCENTIO III. auctor operis tripartiti, quod in Colonienfi an. 1551. conciliorum editione huic concilio adjunctum est, iti-

nem improba-
runt; pa-
stres, qui
eam abro-
garunt.

b

c

E 4 dem

(a) L. 3. de statu Domus DEI.

(b) Epist. CLXXIV. Ed. Nov. T. I. pag. 169.
n. 1. l. c.

(c) lb. n. 6.

dem in festorum numerositatem invenitur. S. ANTONINUS in sum. Theol. P. II. Tit. 9. c. 7. Sæc. 15. attestatur: *Quædam alia festa, quæ erant in præcepto, sunt abrogata per contrariam consuetudinem, ut communiter dicitur, quoad cessationem ab operibus. Et isti sunt tres dies Rogationum. Item septem dies Passionis, & septem Resurrectionis, id est, hebdomada Paschæ, erant antiquitus in præcepto ut patet de Consecr. dist. 3. Pronuntiandum; sed hodie non servantur.* Ad initium sæculi XV. GERSON sermonibus in conciliis Remensi an. 1408. & postea Constantiensi de minuendo festorum numero, quod in votis habuit, libere edixit. Eidem concilio Petrus de ALLIACO jussu SIGISMUNDI Imperatoris de reformatione ecclesiæ librum scripsit, Patribusque Constantiensibus obtulit, ubi inter alia providendum vult, *ne tot nova festa solemnizarentur, ut illius verba habent.* His contemporaneus Nicolaus de CLEMANGIS singulari tractatu de novis festis non instituendis agit, ubi sæpe consilium de minuendo festorum numero dat: cum jam, ut ipse testatur, eo tempore MICHAEL Altrifiodorensis archiepiscopus congregata provinciali synodo multa festa abolevisset, an. nimirum 1409. quem deinceps acervatim alii

alii secuti sunt episcopi in suis synodis, aut statutis, medio eodem sæculo synodalia Lexoviensis ecclesiæ statuta. Ad finem ejusdem sæculi an. 1493. idem præstitit synodus Meldensis 1522. item 1526. in provincia Rotomagensi (a) magnus festorum numerus abolitus, quem videre licet apud Dn. *Guilielmum Bessin*, & nos superius quædam in hanc rem excerptimus. An. 1524. in synodo provinciali Senonensi. An. 1525. Cardinalis de Longueville, episcopus Aurelianensis in statutis diocesanis. An. 1526. in synodo Carnotensi. An. 1528. in provinciali synodo Bituricensi. An. 1531. in statutis synodalibus episcopus Bellovacensis. An. 1556. episcopus Deensis, & VALENTINUS an. 1565. in concilio Cameracensi an. 1583. in concilio Burdigalensi, quamvis non in omnibus hujus concilii editionibus istud statutum appareat, comperimus tamen in editione Veneta T. XXI. Col. 753. quos reliqui deinceps secuti sunt episcopi Galliarum: Santonensi, & Rupelensi etiam publicis scriptis, quibus hæc festorum immutatio defenditur, literis pastoralibus auctoritatem præstantibus; unde non pauca episcoporum statuta

E 5 in

(a) Ed. Conc. Rotom. P. I. p. 129. P. II. 108. 207.

in hanc rem mihi innotuerunt. Neque in Germania nostra, aliisque Europæ regionibus defunt, aut defuerunt, qui hoc consilium inirent. In concilio Salisburgensi an. 1456. inter avisamenta generalia totam provinciam respicientia id etiam ponit, ut *hoc sacratissimum concilium compescat plurima festa ignotorum Sanctorum, ut serias quintas paschæ &c.* In Constitut. Card. CAMPEGII legati ad Germaniam de latere an. 1524. id etiam vigesimo loco habetur, festorum multitudinem constringendam esse &c. An. 1549. concilium Trevirense ægre numerum festorum crevisse admodum vidit, operæ pretium proinde visum est Patribus, festorum numerum contrahere. Id quod tunc parcius, nostra vero ætate juxta præscriptum Romanæ ecclesiæ collata etiam ad hanc rem studia fuerunt ab episcopis Leodiensi, Argentinenſi, Basileensi, Lausanensi, Bambergenſi, Viennensi & Constantiensi, quorum illi jam effectum iverunt, hi attentarunt, destinaruntque consilium nimia abrogandi festa. Quique sapientissime PETRI navem rexit BENEDICTUS XIV. ipso opere in ecclesiis suburbicariis multitudine festorum sublata, animi sui sententiam, & voluntatem abunde patefecit: cujus vestigia si reliqui

qui sequerentur episcopi, eadem consilia cum supremo capite in omnibus foventes, unamque ac conformem ecclesiæ faciem in festis celebrandis inducere satagentes, ad ecclesiæ decorem, & ornatum multum sanè conferrent, atque opus egregium facerent. Catalogum variorum orbis christiani diœcesium, qui hoc jam instituerunt habes apud MURATORIUM ad calcem apologiæ pro diminutione festorum.

III. Inter Romanos Pontifices jam Imprimis
Romani
Pontificis.
EUGENIUS IV. circa medium Sæc. XV. quædam festa abrogavit, ut BENED. XIV. (a) in Dissert. de festorum de præcepto imminutione testes adducit, imprimis *Alphonsum de CASARUBIOS* in compendio privilegiorum verb. *Festivitas* p. 252. ubi hæc habet: *Eugenius IV. dixit, quod sæculares laborantes in festis sanctæ Crucis & sancti Michaelis Septembris, & sanctorum Innocentium, ac sancti Sylvestri, non vult, quod peccent mortaliter, nisi venerint in Dominica.* Quod iste viva voce URBANUS VIII. postea singulari bulla an. 1662. quæ extat 291. T. V. bullarii, egit, interpellatus a plurimis archiepiscopis & episcopis. *Plurimorum, inquit, venerabilium fratrum nostrorum archiepiscoporum & episcoporum per varias regiones*
con-

(a) T. IV. Oppos. p. 687.

constitutorum relatione ad nos pervenit, festorum multitudinem per singulas eorum dioceses atque provincias adeo crevisse, devotione atque consuetudine nova indies introducente, ut multi jam dubitare videantur, quam ex praecepto, quæve ex libera cujusque voluntate sint servanda, pietatis fervore ob nimiam eorundem numerositatem tepescente. Quin imo & clamor pauperum frequens ascendit ad nos eandem multitudinem, ob quotidiani victus laboribus suis comparandi necessitatem sibi valde damnosam conquerentibus; & quod summopere dolendum est, magno cum animi nostri mœrore didicimus, tanta sæpe sapius machinatum inimicum in Sanctos, ut ipsa multitudo non ad ædificationem, & ad laudandum in ecclesiis DEUM populi utantur, sed ad otia, vanitates, & vitia frequenter abuti non formident &c. Nos itaque volentes ex debito pastoralis officii providere, & sanctificationis festorum certum deinceps firmare præceptum. Certum igitur determinavit numerum feriandorum edita in publicum illa constitutione, quæ, dum ante promulgationem satis denunciata non fuit, nec ullo modo denunciari poterat omnibus catholici orbis episcopis, qui ad ipsam observandam adigebantur, in aliquibus regionibus graves nacta est difficultates,

ut

ut testatur BENEDICTUS XIV. in laudata
dissertatione n. 29. Qui examinandum
perpendendumque sibi proponens, an
e dierum festorum indice aliqui sint eli-
minandi in URBANI VIII. constitutione
recensiti n. 16. ita statuit: *Quodsi fiat,*
inquit, *idem prorsus continget, quod fa-*
ctum ab Urbano VIII. in sua constitutione
fuit. Certum enim est, olim integram pa-
schatis hebdomadam, tres Rogationum
dies, sancti Martini diem in precepto fuis-
se, ut legitur in Can. Pronuntiandum de
Consecrat. dist. 3. insuper festam etiam
habitam fuisse majorem hebdomadam, ut
continetur in cap. Conquestus, de feriis.
Dies quoque S. Francisci inter festos a Six-
to IV. fuit adnumeratus, confirmatusque
a Gregorio XV; nihilominus satis explo-
ratum est, nullum horum festorum dierum in
indice describi, qui in constitutione Urba-
ni VIII. referuntur. Id quidem etiam
sciscit, post bullam URBANI VIII. jam
penes episcopos haud esse, peculiari au-
ctoritate festorum dierum numerum in
sua diœcesi præscribere. Certatim ve-
ro recurrerunt ad Romanam sedem sub
BENEDICTO XIII. & XIV. Hispaniæ &
Poloniæ episcopi: refert BENEDICTUS
XIV. in sæpe laudata dissertatione n. 26.
27. integram synodi provincialis Tarra-
conensis epistolam seu libellum pro istius-
modi

modi feriarum diminutione, unacum responsione pontificis, qua illud haud gravate indulget. Ipse vero BENEDICTUS XIV. qua ratione eandem ob causam, cum primum ad Romanam sedem fuit evectus, frequenter sit interpellatus, mox principio dissertationis de festorum ex præcepto imminutione. *Vix, inquit, ad hanc supremam sedem evecti sumus, cum statim solícite postulatum est, ut festi imminuerentur dies; quæ res nobis accidit minime nova: nam cum Bononiæ moraremur, nonnulli Lombardiæ episcopi ad nos confugerant, ut primariam hujusce postulationis partem apud Pontificem ageremus. Assiduum ac vebemens nobis super hac re studium significavit Siciliarum Rex; cujus voluntati favent non solum totius regni episcopi, verum etiam Cardinalis archiepiscopus Neapolitanus, & archiepiscopus Tarrentinus. Copiosisque scriptis ad nos missis huic sententiæ accedit, idemque urget Bambergæ episcopus ac princeps, qui non modo pro sua diœcesi, sed pro universa Germania postulavit. Inter alias quæstiones, quæ circa hanc materiam discutiendas idem ad calcem ejusdem dissertationis proponit, ultima est, utrum novam apostolicam constitutionem edere necesse sit; an (facultate in aliqua diœcesi permissa, quæ observationem certo polliceatur)*

ex-

exspectandum sit ab aliis diœcesibus eandem facultatem exposci, eo semper animo, ut in illas quoque extendatur pro quibus episcopi facultatem ipsam postulaverint. Ac subdit exemplum facultatis a se concessæ episcopo Calaguritano; cujusmodi similis data est pro nonnullis universitatibus & hominibus diœcesis Pampilonensis, & Pacensis an. 1742. Estque etiam Imperatrici ac Reginae Ungariæ & Bohemiæ data Viennæ, a TRAUTSONIO archiepiscopo publicata an. 1754. sed parum profecit ob motus populares. Nec archiepiscopus FIRMANUS simili indulto oblato obtinere potuit a suis suffraganeis aut etiam diœcesanis, ut ea uterentur, licet in aliis variis diœcesibus status ecclesiastici, uti etiam in aliis Italiæ, sit recepta. Multorum episcoporum animos alienos ab hoc consilio fecit imprimis Card. QUIRINI, qui standum decreto URBANI VIII. omnino contendit illud ingeminans *Nil innovetur, nisi quod traditum est ab Urbano VIII.* in binis ad Card. BORGIAM, archiepiscopum FIRMANUM epistolis, quæ habentur in collectione scriptorum ad diminutionem festorum de præcepto spectantium, ed. Luccæ an. 1748. unacum responsione archiepiscopi. Ejusdem item Cardinalis epistola ad Bern. de FRANCHEN.

CHENBERG, abbatem monasterii Desertinensis: ubi aggreditur, quæ MURATORIUS scripsit pro diminutione feriarum in opusculo *Della regolata Divotione de' Christiani*, sequitur vero ejusdem MURATORII proluxa & solida defensio tum causæ suæ, cum etiam personæ BENEDICTI XIV. qui idem sibi ac URBANUS VIII. jus in diminuendis festis merito usurpavit. Nota, nihilominus Romæ fuisse viros doctos, qui quæ QUIRINUS (a) scripsit contra archiepiscopum FIRMANUM, probarint VALENTI, ANTONELLI, LERCARI, GIORGI, SERGIO, Galli BALDINI, GIULII præclara nomina, quæ recenset in epistola sua laudatus QUIRINUS.

Quia non solum a fine celebrandum festorum turpiter abijt, sed etiam occasiorem multitudinum maiorum præbent, eorum multitudo

IV. Attamen multæ & graves summo, aliisque ecclesiæ pastoribus, qui nimiam festorum numerositatem rescindendam putarunt, extiterunt causæ. Paucis omnia complexus est BENED. XIV. (b) in dissertatione de festorum de præcepto imminutione n. 5. *Ut autem, inquit, clarius appareant, quæ super hac re proponuntur, ad hæc capita possunt revocari, videlicet ad contemptum eorum, quæ diebus festis fieri deberent, nec tamen fiunt;*
ad

(a) Racolt. p. 66.

(b) T. IV. Opp. p. 684.

ad intemperantiam & ebrietatem, quæ die- abrogata
bus festis frequentior est, quam profestis; est.
& ad gravissimum damnum, quod in ma-
gnam hominum partem manat, qui cum
non possint diebus festis se operibus exer-
cere, interclusam habent viam ad victum
sibi parandum, suasque familias susten-
tandas, quæ incommoda nimio festorum
numero adscribuntur. Provocat ad ser-
monem, quem an. 1332. in synodo
Magfeldensi habuit SIMON (a) Cantua-
riensis archiepiscopus in hac ipsa mate-
ria de pia festorum institutione celebra-
tioneque apud christianos. Sic autem
ille: Inconstantia tamen humana, ut ple-
rumque, in deteriora labente, quod in ele-
ctorum DEI receptum erat honorem, con-
versum est in blasphemiam & abominatio-
nem: dum videlicet conventicula negotia-
tionis & alia exercitia illicita diebus hu-
jusmodi potissime ingeruntur: quod verò
ad devotionis parabatur compendium, in
dissolutionis exigitur cumulum: dum in
ipsis festivitatibus taberna potius quam ec-
clesia comessationes & ebrietates uberius ab-
undant, quam lacrymæ & orationes; la-
sciviis insistitur & contumeliis, magis quam
otio contemplationis. . . . nec propter DEI
honorem sicut deceret, sabbatizant; sed et-
iam, juxta præmissa, Dominum ipsum;

F

&

(a) T. XV. Conc. ed. Ven. p. 413.

Et sanctam ecclesiam in diebus huiusmodi
 (per) abominationes suas pessimas scanda-
 lizant, tanquam solemnitates ipsa ad pro-
 fanationis, Et perversitatis exercitium gra-
 tis fuerant instituta. Quod si primo finem,
 & causam instituendi festa nobiscum re-
 putemus, deinde vero, qua ratione ea
 transigantur, consideremus, facile judica-
 bimus, consultius longe esse, tot festa non
 esse, quam tantas eorum profanationes
 fieri. S. IGNATIUS (a) vult nos esse κατὰ
 κυριακὴν ζῶντες ζῶντες; viventes secundum
 diem Dominicum. Quod pulchre illu-
 strat CLEMENS Alexandrinus referente
 Jo. B. COTELERIO. Exequens, inquit,
 praeceptum evangelii, facit illum diem Do-
 minicum, quo malam abiecerit animi sen-
 tentiam, Et acceperit eam, quae est ex
 cognitione, eam, quae est in ipso Domino
 glorificans resurrectionem. Adhuc clarius
 Festum, inquit ORIGENES (b), quidam Sa-
 piens Graecorum pulchre edixit, nihil aliud
 est, quam officium facere: Et vere Festum
 cele-

(a) Epist. ad Magn. n. 9.

(b) L. VIII. contra Celsum: ἑορτὴ, ὡς Φησί-
 τις καὶ τῶν ἐλληνικῶν σοφῶν, καλῶς λέ-
 γων, οὐδὲν ἄλλο ἐστίν, ἢ τὸ τὰ δέοντα
 πράττειν, καὶ ἑορτάζειν κατ' ἀλήθειαν, ὃ
 τὰ δέοντα πράττων, αἰεὶ εὐχόμενος, διὰ
 παντὸς θύων τὰς ἀναιμάκτους ἐν ταῖς
 πρὸς τὸ θεῖον εὐχαῖς θυσίας.

celebrat, quisquis facit, quod debet, semper vacans precibus, continenter incruentas victimas offerens DEO suis precantibus. Hæ igitur curæ christianorum, & labores, ac studia diebus festis esse debent, ne gentili potius, aut judaico more festa agere videamur, immo ne ab his etiam superemur in observantia festorum. De Græcorum Panathenæis, Eleusiniis, aliisque sexcentis testatur STRABO (a), τὰς ἱεροποίας μετὰ ἀνέσεως ἐορταστικῆς ποιῆσαι. Sacra curari cum laborum intermissione solemni, & Servius HONORATUS (b) Pontifices, inquit, sacrificaturi præmittere calatores suos solent, ut sicubi viderint opifices assidentes, opus fieri prohibeant, ne pro negotio suo, & ipsorum oculos, & Deorum ceremonias contaminent: seriæ enim operæ Deorum creditæ sunt. De Judæis in vulgus constat, quam superstitiosi etiam fuerint in festorum observatione, quod cessationem a labore attinet. Atamen magis nobis, inquit AUGUSTINUS (c), præcipitur, quia spiritualiter præcipitur. Judæi enim serviliter observant diem sabbati ad luxuriam, ad ebrietatem: quanto melius sæminæ eorum lanam facerent, quam illo die in neomeniis saltarent? absit fratres, ut illos dicamus observare Sabbatum. Spiritualiter observat Sabbatum christianus,

F 2

ab-

(a) Lib. X.

(b) Serv. ad Georgic. I.

(c) In Evang. Joan. Tract. III.

*abstinens se ab opere servili? Quid est enim ab opere servili? a peccato. Et unde probamus? Dominum interroga: Omnis, qui facit peccatum, servus est peccati. Ergo & nobis præcipitur spiritualiter observatio Sabbati. Idem in psal. 91. Sabbatum, inquit, in presenti tempore otio quodam, & languido, & fluxu, & luxurioso celebrant Judæi. Vacant enim ad nugas: & cum DEUS præceperit observari sabbatum, illi in his, quæ DEUS prohibet observant sabbatum. Vacatio nostra a malis operibus, vacatio illorum in malis operibus est: melius est enim arare, quam salutare. Utinam quæ de Judæis dicit AUGUSTINUS, non ad christianos jam pertinerent, hique etiam fœde adeo festa contaminarent, pium eorum usum perverterent: communis est hæc pastorum dominici gregis querimonia: Tametsi, verba sunt Synodi Burdigalensis, (a) Dominici, Festique dies ad hoc unum instituti sunt, ut fideles christiani ab externis, quæstuosisque operibus abstinentes, liberius & majori cum pietate divino cultui, atque infinitis divina bonitatis erga genus humanum reolendis beneficiis vacarent, sicque salutaribus religionis officiis occupati sedulo caveant, ne quod Philippenses monet Ignatius, dies Festos ullo dedecore, injuria-
que*

(a) T. XXI. Conc. Col. 752. Tit. de Festis.

que afficerent: nihilominus nostris temporibus præpostere fieri solet, ut tam solemnes & religiosi dies non solum in illicitis, & secularibus negotiis procurandis, verum etiam in luxu, lascivia, jocis ac ludis vititis, compotationibus ceterisque flagitiis exercendis toti transigantur &c. Equidem pastorum vigilantia, & sollicitudo semper in id incubuit, ut tanta mala in festorum celebratione tollerentur, sed quo successu hodierni mores testantur. EX CLEMENTIS XI. epistola encyclica an. 1703. ad patriarchas, archiepiscopos Italiæ aliqua hic excerpere juvat: in qua unumquemque pastorem monet, ut dierum festorum sanctificationi diligenter invigilet, sæpius monendo populum, quam gravis irrogetur divinæ Majestati injuria, dum sacri dies, illius honori speciali cultu dicati, in operibus non tantum servilibus, sed, quod pejus est, peccati labe sordidis insumuntur. Vult etiam populo sedulo inculcari, Opera servilia, sunt ipsissima Pontificis verba, diebus festivis prohiberi, non ut otio indulgeatur, sed ut diuturnius tempus, & commodum spatium suppetat ecclesias frequentandi, divina officia, & verbum DEI audiendi, animas orationibus, sanctis Sacramentis, aliorumque piorum operum exercitatione reficiendi, ac demum unico, maxi-

inique momenti salutis scilicet aeternæ negotio, impensius consulendi: postea deplorat, acriterque invehitur in frequentem adeo festorum profanationem: Hinc, inquit, facili negotio perspicitur, quam præposterus, iniquus, ac incongruus sit, heu nimium frequens! eorum abusus, qui dies festos negotiationibus, ludis, aleis, crapulis, profanis amoribus, aliisque mundanis vanitatibus transigere non verentur. Quo fit, ut abominabiles DEI evadant dies festi juxta tremendum prophetæ dictum; odi, & projeci festivitates vestras, & non capiam odorem cœtuum vestrorum. Atqui hæc causa jam ante CLEMENTEM URBANO VIII. extitit, quare de numero festorum figendo saltem cogitarit, Quod magno, ut verba constitutionis in hanc rem An. 1642. datæ habent, animi sui mœrore didicisset tanta sæpius malignum machinatum inimicum in sancto, ut ipsa multitudo non ad ædificationem, & ad laudandum in ecclesiis DEUM populi utantur, sed ad otia, vanitates, & vitia frequenter abuti non formident, ita, ut quæ ad glorificandum divinum Numen primitus sunt instituta, temporis decursu inimicus homo corruperit, & in magnam illius offensionem, gravemque jacturam converterit animarum. Eadem ratione inducti sunt, quotquot episcopi in suis diœ-

diœcesibus de festis aliquibus abrogandis consilium ceperunt, ut ex omnibus illis statutis elucescit, quorum paulo superius catalogum texuimus: & quoniam communis hæc pestis, atque serpens cancer ubique irrepsit, atque festorum observantiam infecit, sufficiens reliquis episcopis causa esse deinceps potest, idem in suis diœcesibus præstandi. Nimis longum esset omnium in hanc rem querelas exscribere, quibus hic festa minuenda censuit ob ea insolenter, & vitiose, malitioseque transigi solita; ille propter detestabiles insolentias, propter abusus ad otium, lusus, commessationes, lascivias; unus (a) ob irreverentiam, ac contemtum, quo non solum inertes, ac qui desidiae, & ignaviae deduntur, dies hujusmodi & ecclesiam, ecclesiæque præcepta spernant: verum etiam, ex bono summa mali occasione, non sine scandalo, socordia, vaniloquiis, & lasciviae homines vacent, seduli ad ludos, choreas, tabernas, ebrietates, luxurias &c. alter (b), quod plerique assuescerent his diebus otiositati, inertiae, crapulae, nundinationibus, blasphemiiis, ludis illicitis, & lubricitatibus. Infinitus essem, si omnes ejuscemodi que-

a

b

F 4

ri-

(a) Synod. Metensis 1493.

(b) Stat. Aurel. 1525.

rimotias in medium afferre vellem, quibus tum episcopi ac synodi, cum etiam theologi adducti sunt, ut nimia festa abjicienda esse haud dubitarent: neque ullum episcopale aut synodale legitur statutum, in quo non ista ratio multis verbis acerbe perstringatur; unde melius visum, peccandi occasionem, ansamque eripere; cum nulla spes affligeret populi in ordinem redigendi: hoc jam olim GERSON expedire judicavit, sic in concilio Remensi an. 1408. effatus: *Quid insuper de multitudine præceptiva tot festorum, quæ vel non observantur, & ita peccatur, vel egestati subditorum mechanicorum non sufficienter consulitur, vel pessimæ otiositati, quia nesciunt rurales bene uti, janua grandis aperitur. Subintroeunt consequenter magno agmine ebriitates, lusus improbi, expensæ sumtuosissimæ, choreæ plenæ peccatis, & insaniis, & carminibus blasphemis, immo per inquisitorem damnandis, dissolutiones quoque luxuriosæ: & ad breve tempus supergreditur malum omne: ita, ut quod pro honore DEI, & pro animarum salute fuit salubriter institutum, vertatur in contumeliam ejus, & salutis detrimentum.*

Causa al-
tera festo-

IV. Et quoniam ita natura comparatum est, ut vilescant nimis trita, ac usitata,

rata, mirum videri non debet, si hoc etiam in festorum frequentia acciderit. Hanc rationem jam *Nicolaus de CLEMANGIS* in suo libello de novis Festis non instituendis attigit. *Rara quippe*, inquit, *in pretio sunt, in honore habentur*: usu trita quotidiano vilescunt. Non mandavit *Moyſes*, immo *Dominus* per *Moyſem* nisi tres annuas solemnitates præter sabbatissimum per *Israeliticum* populum observari, & propterea ampliori cultu venerationis, majorique diligentia, ac frequentia ad templum plebs adoratura confluebat. Hanc diminuendorum festorum causam *Andomarenſis* diœcesis statuta an. 1583. etiam recensent: Cum, ajunt, *flacſcens* populi devotio dies festos, non raro ob illorum multitudinem, quævidebatur, violaret: quin etiam illis abuteretur, sublata est hos observandi obligatio, quo tanto integrius, & exactius reliqui observarentur. Hoc itaque sapientissimo consilio minorem dierum festorum numerum effecerunt præſules complures, ut tanto majori cum pietate observarentur: sic *Patres Conc. Trevirensis* an. 1447. c. 10. de moderandis festis: Numerum, inquit, festorum creviſſe admodum videmus, sed calentem fidelium devotionem frigeſcere, eoque verum eſſe, ut bona pars hominum omnia festa negligat,

rum minuendo-
rum, quod
nimia co-
pia con-
tentum,
negle-
ctumque
pepererit

idque impune , nec sine ecclesie dedecore. Concilium vero Cameracense an. 1565. Quo majore, inquit, reverentia, & pietate queant observari ab omnibus: videant episcopi, sintne aliqui festi dies, quos præstet esse profestos, id est, ut vocant operarios, atque his diebus remuntient popularibus integrum esse operas consuetas exercere. Idem in statutis episcopi S. MACLOVII 1618. secundo editis habetur. Jacobus Nicolaus COLBERTUS (a), archiepiscopus Rotomagensis optime advertit, nimiam multitudinem festorum abusus varios his temporibus in ea induxisse. Une triste experience a fait connoître, que ce, qui avoit été d'abord établi par des vuës saintes, & religieusement observé dans les temps de ferveur, étoit devenu inutile dans la suite pour une partie des fideles, & une occasion de desordres & d'abus.

Indigentia
pauperum
alia mi-
nuendo-
rum festo-
rum cau-
sa.

V. AUGUSTO, atque ANTONINO Philosopho sapientissimis imperatoribus, ut de illo SÜETONIUS, de hoc CAPITOLINUS in eorum vita scribunt, ansam præbuit minuendi dierum festorum numerum, atque dies judicarios omnino triginta addendi, Ne quod, ut ait SÜETONIUS, maleficio, negotiumque impunitate vel mora elaberetur; atque plures dies annui,

ut

(a) Synod. Rotom. P. II. fol. 206.

ut CAPITOLINUS refert, *rebus agendis, litibusque disceptandis essent.* Magis pia diminuendo festorum numero occasio apud christianos fuit, *Clamor*, utor verbis URBANI VIII. constitutione aliquoties laudata, *pauperum frequens, eandem multitudinem ob quotidiani victus laboribus suis comparandi necessitatem, sibi valde damnosam conqueventium.* Eadem, inter cæteras, ratione usa synodus Trevirensis an. 1549. *Pauperes, inquit (a), qui non habent, unde alant uxorem, & familiam, clamant, omnem fere cessationem damnosam sibi esse: operæ pretium proinde nobis visum est, festorum numerum contrahere, quo & effrenes coerceantur, & aliquid detur necessitati pauperum.* Occurrit in aliis compluribus statutis hæc eadem causa, quæ hic referre nihil opus; possunt enim legi in indicatis a nobis superius locis, quando synodorum, & statutorum diœcesanorum de festorum diminutione numerum quemdam inivimus. BENEDICTUS XIV. in dissert. de Festorum de præcepto imminutione n. 7. id quod apud nos usuvenire quotidie cernimus ex eorum attestazione affert, *Qui regionum peritissimi sunt, in quibus Catholici & hæretici versantur: asserunt quippe Catholicos exiguis, hæreticos vero majoribus divitiis*

(a) T. XIX. Conc. Col. 1449.

vitiis affluere; ac proinde Catholicos satis anguste, hæreticos autem commode suis familiis consulere posse, cum majorum dierum numerus pro operibus conficiendis ipsis concedatur. MURATORIUS passim, dum de hac re tractat, rationem aliquam haud ineptam affert, cur aliquando pauperi plebi commodo potius venerit multiplicatio festorum, & forte ex sancta intentione a pastoribus fuerint introducta, quando adhuc servorum, quæ vocamus mancipia, *Leibeigene*, obtinebat conditio ad annum fere 1200. Dum Domini per tales servos agriculturam exercebant, atque etiam infimas mechanicas artes, unde nomen *operum servilium*. Ab iis operibus ergo, si frequens vacatio esset, revocillationi id miseræ plebeculæ fuerat, qui nihilominus sustentabantur a suis dominis, a quibus damnum ex festis redundans facile etiam ob rerum copiam poterat ferri. At quibus ex opere diurno est vivendum, sæpe contingit, ut ex feriarum copia id decedat, quod alendæ familiæ est necessarium: aut uxores cum filiis ac filiabus experiri cogentur, ut quod comparatum est diurnis laboribus a viro prodigo in cauponis abliguriatur diebus festis. In rurali opere haud raro aliud est periculum, quod, ut præver-

verteret CONSTANTINUS M. cujus legem supra attulimus, voluit ruridegentes etiam dominicis diebus libere vacare operi, *ne occasione momenti pereat commoditas cælesti provisione concessa*. Idque consilium fuit Guilielmi DURANDI jam Sæc. XIII. de modo general. Conc. celebrandi P. III. Rubr. 12. Cum, ait, *festivitates tempore messum & vindemiarum occurrentes, in prædictis temporibus in veneratione debita non habentur propter necessitatem gentibus ingruentem per locorum ordinarios tempore alio mutarentur*. At recte animadvertit MURATORIUS solem festorum translationem non sufficere necessitatibus pauperum ruricularum. (a)

Chi è pratico de loro affari, sa, che debbono arare e ritagliar le terre seminar groni e legumi in vari tempi, cavar fossi, piantar alberi, potar le viti, ed altri alberi far le fasune, segare i fieni, roncare i seminanti, raccogliere i frutti, accorrere al mantenimento degli argini & delle strade pubbliche, soddisfare a vari oneri nelle città, con altre partite. Adeundus est ipse auctor tum c. 21. della rigolata divotione, tum c. 6. Apologiæ suæ contra Cardin. QUIRINI, ubi se maxime pauperum advocatum præstat, ut eorum gratia studuerit numerum festorum diminui-

(a) Racolt. p. 195.

minuendum; dum in contraria opinione versatus Card. QUIRINI munificentia in pauperes sua in diœcesi id præstitit, quod non facile ubique ab omnibus pastoribus præstaretur: id quod ipsum ad pauperes tantum sublevandos facit, non aliis omnibus necessitatibus tum publicis cum privatis, ac variis incommodis medetur.

Objectiones contra diminutionem festorum, ac primo pium usum ob perversitatem abuentium non esse abrogandum.

VI. Non desunt tamen patronis multorum festorum & feriarum, quibus causam suam statuminent. Ajunt *1mo* æquum haud esse, ut magis attendatur malus usus improborum, quam bonus usus piorum in festis peragendis, nec expedire, rem sanctam & laudabilem ob abusus aboleri, sed potius servato ritu sacro abusum tollendum. *2do*. Scandala oriri inter homines simplices & plebejos, qui existiment hæreticorum errorem induci, aut ei saltem faveri: imo ipsos hæreticos hinc conjecturos in dogmate de festorum sanctitate, & cultu Sanctorum ad suam opinionem Catholicos defecisse. Ac *3tio* demum, quod devotio in DEUM ac Sanctos exercitiaque pietatis, ac imprimis sacrae instructionis minuantur, & si quæ alia leviora sunt, & facile propulsantur. Quod primum attinet, cum malus dierum

rum festorum usus fere communis sit, atque ubique obtineat, in re, quæ plenissime ecclesiasticorum superiorum subest arbitrio, utique sapienter excessus rescinduntur: atqui hoc in festorum multitudine usuvenit: primis ecclesiæ sæculis, ubi purissimi, sanctissimique fidelium mores extiterunt, pauci fuerunt festi dies, imo primis in sæculis multa quidem de conventibus, synaxibusque ecclesiasticis leguntur, vix aliquid de cessatione a labore, residuo tempore, perhibetur. Quis igitur non ultro det, sine pietatis, religionisque dispendio, non festorum celebrationem, sed excessum, ac nimiam copiam eorum recte tolli? Cum supra jam plures enumeraverim pias, & religiosas praxes ad substantiam Christianismi nihil attinentes prorsus sublatas, quod passim abuterentur illis homines. Potuit ecclesia ob bonum usum subinde nova festa instituere, quidni spe sua frustrata, valebit ob enormes abusus abrogare, sicque offendiculum e medio tollere, cum de rei agatur modo solummodo, qui pro diversis circumstantiis mutationem non solum admittit, sed etiam flagitat: aliud foret, si de re a Christo instituta ageretur, aut res aliqua fidei,


mo-

morum, salutisque nostræ periculo exponeretur, aut negligeretur. Sic in Sacramentis, licet multi indigne, & sacrilege illis utantur, idcirco nihil immutari potest; recte tamen ecclesia impuros & indignos ab illis arcet: atque etiam ob torporem, minus aptam plurium animi præparationem nimiam Sacramentorum frequentiam restringit, quod idem multo majore jure in festorum ordinatione facit; ita, ut quod fidei, religionisque interest, integrum, sartum, rectumque permaneat, cum plena libertas cultus divini & Sanctorum relinquatur. Quis enim prohibet, ei, cui pietas religioque suadet, illis diebus, quibus necessitas feriandi non amplius imponitur præcepto ecclesiastico, sanctis rebus operam dare? aut etiam a labore manuum abstinere? tollitur ergo per festorum abrogationem occasio, ne per eorum profanationem homines peccati reos se faciant, occasione, opera religionis, ac divini cultus suscipiendi, non abrepta: usus conceditur, abusibus ne ecclesia locum dedisse videatur, aut saltem eos dissimulare cogatur, providetur. Hanc objectionem jam olim *Nicolaus de CLEMANGIS* diluit: *Quod autem, inquit, ad postremum dicitur, non oportere propter quorundam scandalum tolli festivitates, sicut*

ut propter scandalum *Judaorum* *Christus* a *prædicatione* non destitit : non congruit similitudo. Nulla enim data erat *Judæis* a *Christo* occasio scandalī, immo potius ædificationis : sed illam sua perversitate gratis acceperant. Hic autem ex lubrica licentia lubricæ dissolutionis maxima præbetur scandalī materia. Teste autem evangelio abscindendum est, quod scandalizat, etiam si manus fuerit, aut pes, aut oculus ; si enim væ homini illi, qui unum ex pusillis *Christi* scandalizat, quantum væ illis, qui omnes pæne indiscrete pusillos cum majoribus scandalizant. Sed insistent, abusus potius tollendos fuisse a festorum celebratione, feriarum debitam observationem curando, pastoralis officii vigilantia. Utrique nihil reliqui fecerunt pastores, ut a nobis superius est indicatum, quo fideles populos ad rectam feriarum observantiam revocarent, sed nimis universalis est corruptio, nimis altas radices egit, quam ut evelli queat. Deinde pium est, festos dies agere : quis vero dicat, hanc pietatem tantam multitudinem requirere ? Pium esset, continuo, singulisque diebus totum se cultui divino consecrare, nullam rerum terrenarum curam suscipere : cur ergo non omnes anni dies feriæ instituuntur ? Non hoc a nobis postulat DEUS: res,

G

&



& commercia humana suum tempus sibi vendicant : homo natus ad laborem, ad hoc damnatus , ut in sudore vultus sui vescatur pane suo. Nec labori, pia voluntate, atque pro eo , ut christianum decet , intentus homo, DEO servitutis nullum pensum præstat : dum contra de quolibet otioso verbo , ergo multo magis de tempore irrecuperabili otiose traducto, supremo judici rationem reddere aliquando quisque debet. Cessatio ergo a labore , si non eo fine fiat, ut rebus divinis melius vacemus , a labe immunis non est : & si quandoque necessaria est remissio operis ad lassas recuperandas vires, non DEO furandum est tempus: id est, feriis divino cultui sanctificatis, dicatisque.

Altera ob-
jectio :
simplices
christia-
nos , &
hæreticos
scandalum
sumere, ac
si error de
sanctitate
festorum,
& cultu
sanctorum
foveatur.

VII. Quod adjicitur secundo loco, homines simplices inde in suspensionem venire, hæreticorum de festis, & cultu Sanctorum errori faveri, nihil est : si enim homines simplices sunt , & rerum harum ignari , quid stolidius esse possit, quam hos sibi judicandi licentiam de legitimorum superiorum statutis arrogare ? Discant illi, jubeanturque ecclesiam audire, integrumque eidem obsequium præstare , quæ superno divini Spiritus consilio regitur, cujus instin-
ctu

Etu & directione saluberrima statuta cedit: in hac vero re, quoniam penes episcopum arbitrium, & auctoritas est, ab eo accipere debent subditi, quidquid constituendum judicaverit; atque illud AUGUSTINI hic etiam locum habere debet consilium, quod ille in haud ab simili causa de jejunio sabbati, & aliorum dedit: *Si consilio meo, inquit (a), libenter acquiescis: episcopo tuo in hac re noli resistere, & quod facit ipse, sine ullo scrupulo, vel disceptatione sectare.* Porro sive homines simplices & ignari, sive hæretici malitia obstinati rentur, erroneæ opinionis de festorum sanctitate, & cultu beatorum faveri, stultissime faciunt. Quid enim commune cum abrogatione quorundam festorum, quibus laborandi licentia conceditur, ne homines otio sanctitatem festorum profanent, cum doctrina hæreticorum, nullum diem altero esse sanctiorem, aut Sanctos non licere coli? Imo qui sapere volunt, contrarium potius inde elicient, nimirum ecclesiæ cordi esse veram feriarum sanctitatem, quæ, ne lædatur, potius feriandi quandoque tollat necessitatem, ut sic pauciores festi sanctius, religiosius-

G 2

que

(a) S. AUG. Epist. 86. ad CASULAN. nunc 36. lege integram: multa egregia ad præsens argumentum invenies.

que habeantur. Idem de Sanctorum cultu iudicium esto : piaculum censet ecclesia, obtentu cultus sacri orium profanum, aut etiam illicitum fieri, unde Sanctis potius injuria, quam reverentia exhibeatur. Deinde potius, ut recte episcopus Basileensis in epistola sua pastoralis advertit, *Nutrientur hæreticorum scandala, & in erroribus suis circa cultum Sanctorum magis confirmantur, quando dies festos ab ipsismet Romano-catholica fidei sectatoribus impune profanari, contemnique vident.* Igitur scandali occasio hæreticis abripitur, quando festorum excessus ideo sistitur, ut reliqui sanctius celebrentur; neque ideo cultus Sanctorum verus aliquid detrimenti patitur, cum is non in eo consistat, ut eorum festis diebus a labore cessetur.

Tertia ob-
jectio,
quod de-
votio in
DEUM ac
sanctos
&c. mi-
nuatur.

VIII. Tertia gravior apparet ob-
jectio, quæ cultum DEI concernit ac San-
ctorum, frequentiam Sacramentorum ac
catechismi christiani, & alia exercitia
pietatis. Primum quidem, quod cultum
spectat divinum; non is quovis die ac
tempore prohibetur, sed tantum, ut
labori manuum incumbere liceat, indul-
getur; onus illud sublevatur, quod in
novo testamento tanta copia festorum
magis adstringebat, quam in veteri
testa-

testamento: existimaturque quantumvis gloriæ DEO ac Sanctis accedere posse non laborando: *Quasi ludendo & tripudiando major detur DEO gloria, quam laborando*, ut loquitur Cardinalis Scipio MAF-FEIUS (a) in epistola, quæ in hoc ipso argumento edita est in collectione aliorum scriptorum. Majoris momenti esset frequentia Sacramentorum & catechismichristiani, nisi per magis dignam sedulamque dierum dominicarum, & celebriorum festorum duplici commodo hoc totum posset refarciri damnum, ut nimirum minus profanarentur dies festivi, dum pauciores quidem, ut decet, sacris impenderentur exercitiis, frequentatione Sacramenti, catechismi christiani tum publica cum privata, ante & post meridiem: aut in semifestis, si relinquuntur in minus solemnibus diebus ad consuetum saltem divini officii tempus. MURATORIUS dum in libro *della Divo-tione regolata* hanc unicum objectionem afferri posse asseruisset, Card. QUIRINUS in epistola ad Abbatem Principem De-ferrinensem octo alias attulit, quæ in laudata collectione scriptorum unacum responsionibus MURATORII videri possunt. 1. *Il disprezzo dell' autorità della santa Sede cioè di una bolla da chiamarsi*

G 3

sun-

(a) Racolt. p. 205.

suntuosa, perche pubblicata da *Urbano VIII.* dopo esame accuratissimo, & dopo raccolti i suffragi de' Cardinali, e de' theologi. 2. L'incentivo, che da detta riforma riceverebbono i libertini, lusingatissi, di veder ugualmente riformati altri precetti, ed in spezie quello del digiuno. 3. Il pericolo, anzi la sicurezza, che appunto per la riforma delle feste fra la settimana, fossero per essere strapazzate assai più di prima le Domeniche, e le altre feste maggiori, che sarebbero rimaste nel loro essere. 4. Le dispense, che con larga mano possono concedersi da' vescovi, e con loro licenza da' parochi, e semplici confessori, per qualsivisia necessita; ma non al certo perpetue, come perpetui si vorrebbero rendere gl'indulti; quasi che non abbia da esser possibile, che cessi giammai la miseria del paese, a la perversita de' trasgressori delle feste, che sono i due capi, per i quali si otterrebbero i detti indulti. 5. La morbidezza degli artisti, che gli porta a distraersi ben spesso ne' giorni feriali dal lavoro, o tardi cominciavlo, & troppo presto finirlo. 6. Il lamento solito de' medesimi per il lavoro, che loro manca, & non mai loro sovrabbonda; mentre tale sovrabbondanza si trovera piu facilmente ne' paesi ricchi e di commercio florido, che ne' ristretti, e miserabili. 7. Il riguardo di non turbare la
la

la plebe cristiana in materia di tanta delicatezza. 8. Il tripudio degli inimici del nome cattolico nel vedere fin nelle diocesi d'Italia alterata quell'uniformità, che la S. Sede e sempre stata gloriosissima di conservare.

CAPUT IV.

De numero & modo abrogandarum feriarum.

I.

BENEDICTUS XIV. ad calcem dissertationis de festorum de præcepto immutatione aliqua circa præsentem materiam expendenda proposuit: „Primum, utrum propter assiduas perturbationes ad ullam festorum immutationem deveniendum sit. Secundo, utrum, si immutatio facienda sit, aliqui festi dies, & quinam, ex indice URBANI VIII. sint tollendi. Tertio, si id fieri nequeat, utrum in diem dominicum referri possint celebritates Sanctorum, quæ per hebdomadam occurrunt. Quarto si id minime probetur, an possit admitti exposita methodus Patrum Tarraconensium, nempe ut per 17. festivos dies ecclesiæ præcepto satisfiat, si sacrum tantum audiatur, ac deinde vacandi operibus libertas conce-

Quæstiones circa hanc rem a BENED. XIV. propositæ.

„datur. Quinto, si ne id quidem op-
 „portunum judicetur, utrum aliquos fe-
 „stos dies simul conjungere magis expe-
 „diat; ita ut sex dies profesti compa-
 „rentur, atque septem aliis festis diebus
 „de sacro audiendo dumtaxat, præce-
 „ptum impingatur; additis tamen reli-
 „quis omnibus, quæ supra memoravi-
 „mus, cum de hac agendi ratione fer-
 „mo habitus est. Postremo, quæcun-
 „que tandem ex iis, quæ propositæ
 „sunt, proberetur methodus, utrum no-
 „vam apostolicam constitutionem ede-
 „re necesse sit: an . . . expectandum
 „sit ab aliis diœcesibus eandem facul-
 „tatem exposci.“ Quasdam ex his quæ-
 „stionibus, quæ ad nos spectant, adhuc
 „enodare interest. Ac quidem, quod ad
 „ipsam diminutionem festorum attinet,
 „videmus hic ab ecclesiæ pastoribus pe-
 „dedentim cum summa cautione ac mo-
 „deratione esse processum pro nimia fe-
 „storum multitudine. Quæ quidem quo-
 „ad nostram Germaniam in constitutio-
 „ne Card. *Laurentii* CAMPEGII (a) anno
 „1524. eadem sunt fixa, quæ hodieque
 „apud nos obtinent, addito tantum Conce-
 „ptionis B. M. S. JOSEPHI recentiori con-
 „suetudine. Idem numerus (b) in con-
 „cilio

(a) T. XIX. Conc. Ed. Ven. p. 1088.

(b) p. 1447.

cilio Trevirensi an. 1549. est servatus demto festo Innocentum, ejus loco S. Crucis constituto. Congruit is numerus fere decreto URBANI VIII. suis temporibus accommodato, quin ejus successoribus facultas sit demta pro rerum exigentia aliquid reformare, ut mirum sit Card. QUIRINUM hic potuisse tergiversari, ac ingeminare illud *Nihil innovetur, nisi quod traditum est*; quod si ad primas suas revocasset origines, potius sibi adversari deprehendisset regulam.

II. Quoniam rutissimum, securissimumque est, primævæ ecclesiæ vestigiis insistere; si hoc etiam in constituendo dierum festorum numero præstiterimus, aberrandi periculum nullum erit: quamvis ea non sint negligenda, quæ deinceps posterioribus temporibus aliquando cōmuni consilio, aut acceptatione ab ecclesiis sunt recepta. Quod exemplum primitivæ ecclesiæ attinet, duplicis generis festa occurrunt: alia quæ per traditionem ab apostolis propagata, uniformiter semper in omnibus ecclesiis sunt celebrata. Lubet hic repetere, quod initio statim ex S. AUGUSTINO retulimus. *Illam autem inquit, quæ non scripta, sed tradita custodimus, quæ quidem*

Festa quæ-
nam con-
servanda,
& quæ ab-
roganda.

*toto terrarum orbe observantur, dantur intelligi, vel ab ipsis apostolis, vel a plenariis conciliis, quorum est in ecclesia saluberrima auctoritas, commendata, atque statuta retineri. Sicuti est, quod Domini passio, & resurrectio, & ascensio in cælum, & adventus de cælo Spiritus sancti anniversaria sollemnitate celebrantur. Hæc igitur aliaque inde a primis nascentis ecclesiæ temporibus constituta festa, immutabiliter, constanterque sunt retinenda. Ex usu, & consuetudine primæ ecclesiæ itidem habetur, quædam fuisse festa, non in omnibus ecclesiis celebrari solita, de quo more a nobis superius etiam ex antiquitate sunt allata testimonia: hocque potissimum obtinuit in sanctorum festis, quæ in illis tantum ecclesiis, & regionibus sunt suscepta, in quibus aut vitam transegerunt, morui, sepultique sunt, aut aliud singularis cultus argumentum, & occasio adfuit. Hæc vulgo *devotionalia* festa vocantur, quæ utique sancte sunt conservanda; quod ut commodius fieret, semper obtinuit, ut episcopis integra esset auctoritas suæ diœceseos festa ordinandi, eorumque prudentiæ relinquitur, ne quid nimis, aut minus. Sunt porro festa successu temporis ac etiam posterioribus sæculis communi consensu,*

fu, & approbatione, introducta, exempli causa, B. Virginis, & apostolorum, festum omnium Sanctorum, festum SS. Corporis Christi. Hæc igitur, & similia totius ecclesiæ festa, aut ea etiam, quæ ob peculiares causas in singularibus ecclesiis aguntur, integerrime conservanda sunt. Reliqua vero pro temporum, locorumque varietate mutationem ferre, aut etiam abolitionem, nemo dubitet. *Omnia talia, verba sunt S. AUGUSTINI, quæ neque sanctarum scripturarum auctoritatibus continentur, nec in conciliis episcoporum statuta inveniuntur, nec consuetudine universæ ecclesiæ roborata sunt; sed diversorum locorum diversis moribus innumerabiliter variantur, ita, ut vix, aut omnino nunquam inveniri possint causæ, quas in eis instituendis homines secuti sint; ubi facultas tribuitur, sine ulla dubitatione resecanda existimo. Quamvis enim neque hoc inveniri possit, quomodo contra fidem sint, ipsam tamen religionem quam paucissimis, & manifestissimis celebrationum sacramentis misericordia DEI esse liberam voluit, servilibus oneribus premunt, ut tolerabilior sit conditio Judæorum, qui etiamsi tempus liberationis non agnoverint, legalibus tamen sarcinis, non humanis presumptionibus subjiciuntur. De festis illis quæ vel a primæva ecclesiæ institutione,*

ne, vel a prioribus saltem ecclesiæ sæculis servantur, diximus supra. Quæ sunt ipsa sacramenta seu mysteria redemptionis sanctificationisque nostræ, quibus successu temporis nonnulla sunt addita, quæ eodem pertinent etiam ex festis B. M. V. veluti Assumptionis, Purificationis seu Præsentationis Christi Domini in templo, ac Annunciationis. Quibus adduntur etiam in concessis passim facultatibus præcipua B. M. V. festa, Nativitatis, ac etiam Conceptionis, licet non adeo constanter. Uti quidem desideratur in indulto archiepiscopi FIRMANI, cum reliquis festis Sanctorum, nisi apostolorum PETRI & PAULI, & omnium Sanctorum, servata tamen feria secunda & tertia post Pascha & Pentecosten, quæ in aliis fere indultis desiderantur, ac quidem in Viennensi licet nullum aliud Sanctorum festum, nisi Sanctorum omnium, & apostolorum PETRI & PAULI assignetur cum tutelari ecclesiæ, ex bulla BENEDICTI XIV. data an. 1753. cum tamen in aliis indultis (juxta ac PP. concilii Tarraconensis jam a BENED. XIII. an. 1727. petierant) ad ecclesias nonnullas Hispaniæ datis, præter feriam secundam post Pascha, & Pentecosten, ac etiam sequentem diem natalis Domini S. STEPHANI nimirum, etiam

S.

S. JOANNIS Baptistæ & S. JACOBI Hispaniæ patroni cum tutelari loci adjungantur. Fuit inter methodos a BENED. XIV. (a) propositas in dissert. de festorum de præcepto imminutione, quarta, quæ ita habet: *Ut eodem die celebrantur festa SS. Petri & Pauli, SS. Philippi & Jacobi, & SS. Simonis & Judæ, ita, festo S. Andrea ad tertiam Junii dominicam relato, die 24. Augusti una cum S. Bartholomæo S. Thomas, ac die 21. Septembris cum S. Matthæo S. Mathias conjungi posse; die vero 26. Decembris cum S. Joan. Evang. S. Jacobus ejus frater, Item die 19. Martii cum S. Josepho S. Anna & Joachim; die 10. Aug. cum S. Laurentio S. Stephanus; ita ut jejunia quarundam vigiliarum quibusdam commodis diebus resarcirentur e.g. tribus diebus Rogationum, vel tribus vigiliis Circumcisionis, Epiphaniæ & Corporis Christi. Et sane sic restituerentur, quæ antiquioribus temporibus circa eadem tempora erant jejunia. Deprehenditur etiam in antiquissimis liturgiis cum festo S. Joannis Ev. simul S. Jacobi, antequam plerorumq; aliorum apostolorum festa peculiariter agerentur, ut jam memini etiam antiquissimis temporibus simul omnium apostolorum festum fuisse celebratum: quod, ut restauraretur, est Muratorii consilium, aliis dentis apo-*

(a) N. 42.

apostolorum peculiaribus festis, excepto apostolorum Petri & Pauli, addito, præter principalia B. V. festo Joann. Baptiste, & omnium Sanctorum. (a) Vid. etiam BENED. XIV. de Festorum de præcepto diminut. n. 43.

Festa ad pauciores numerum redacta, ut tamen divina officia non omittentur, atque reliquæ feriæ sanctius celebrentur.

III. Quando vero ecclesiæ pastores hoc secuti consilium, festa ad minorem numerum revocarunt, id tamen sedulo semper caverunt, ut non solum majore religione reliqua servarentur, sed etiam diebus, quibus feriandi præceptum remissum, nihil officio divino decederet, atque conventus sacri in ecclesiis non omitterentur. Fecerunt hoc item exemplo primitivæ ecclesiæ, quibus præter diem dominicam erant feriæ quartæ & sextæ per annum stationes: quotidianæ item per Quadragesimam & Quinquagesimam, post Pascha usque ad Pentecosten synaxes. De Pentecostes diebus jam supra TERTULLIANI, aliaque testimonia laudavimus. De Quadragesima luculenter hoc ex CHRYSOSTOMI sermonibus apparet, quorum multi diebus continua serie sibi succedentibus sunt habiti: inter quos homiliæ in Genesin, & sermones dicti *ἀνδρίαιτες* Antiochiæ quadragesimalis jejunii tempore. Nec infrequen-

(a) Racolt. p. 203. 221.

quentes aliis anni temporibus ; præsertim propter martyrum memorias, fidelium sacri conventus fuerunt. *Neque ad hæc* (martyrum templa) verba sunt THEODORETI (a), *nos semel, bisve, aut quinquis quotannis accedimus, sed frequentes conventus celebramus.* In homiliis S. CHRYSOSTOMI & AUGUSTINI sæpius mentio fit sermonis *heri, hesterno die &c.* habiti: unde clarescit, sæpius continuis diebus festa, & memorias martyrum habitas: atque PAMPHILUS in Apologia sua pro ORIGENE refert, quod ferme quotidie is ex tempore sermones ad populum habuerit; debent ergo conventus fuisse fidelium. S. CYPRIANI tempore quotidie Eucharistiam sumendi, cum liberum hoc persecutiones permiserunt, consuetudo notatur, eoque illa verba orationis dominicæ, *Panem nostrum quotidianum da nobis hodie:* interpretatur. *Hunc panem,* inquit (b), *dari nobis quotidie postulamus, ne, qui in Christo sumus, & quotidie Eucharistiam ad cibum salutis accipimus.* Sed hæc consuetudo non ubique viguit, tempore AUGUSTINI:

Alibi

(a) Serm. VIII. de Martyr. Εἰς δὲ τὰς (ση-
κὰς μαρτύρων) ἔχ' ἀπ' αὐτῶν ἢ δι' αὐτῶν τὴν ἑτέραν
ἢ πεντάκις φοιτῶμεν· ἀλλὰ πολλάκις
μὲν πανηγύρεις ἐπιτελεῖται.

(b) CYPR. de Orat. Domin.

- a *Alibi*, inquit (a), *nullus dies omittitur, quo non offeratur, alibi Sabbato tantum, & Dominico*. His primæ ecclesiæ exemplis insistentes episcopi, tantum abest, ut abrogatione dierum festorum mens sit, sacros fidelium cœtus, & conventus sistendi, ut multo magis majorem eorum petant frequentiam, & quotidie optent, omnes sacris interesse; solummodo his peractis libertatem a vacatione tribuunt, ut tempus otio illiberali, imo illicito dandi occasio præripiatur, atque pauciores integræ feriæ majore religione peragantur, totique, & integri divino cultui dicentur. Dudum consilium istud Cardinalibus *Petro de ALLIACO*, & *CAJETANO* placuit. Is enim opere suo Patribus Constantiensibus oblato de reformatione inter alia providendum cupit, *quod præterquam in diebus dominicis, & in majoribus festis, ab ecclesia institutis, liceret operari post auditum officium*. Alter (b) commentario in D. THOMAM consultum putat, aliter tempus festum decernere: *puta, quod usque ad meridiem tantum esset festum*, hancque testatur multorum esse sententiam. Imo ante hos omnes auctor operis
- b

(a) AUG. Ep. 118.

(b) CAJET. 2. 2. quæst. 122. art. 4.

peris tripartiti tempore Concilii Lateranensis sub INNOCENTIO III. unice huc collimabat, *quod liceret operariis post auditum divinum officium ire ad opera sua.* Ad hunc modum plerique episcoporum festorum diminutionem instituerunt. Sic ritualia Metense, Remense, Rotomagensis, Cabilonense, Bellovacense, Constantiense in Gallia, & alia. Ita etiam PP. concilii Tarraconensis ad BENEDICTUM XIII. perscripserunt: *Dummodo reliquis diebus de præcepto, audita missa, tuta conscientia fideles in hac provincia Tarraconensi demorantes laborare publice valeant.* Annuit BENEDICTUS XIII. idemque postea BENEDICTUS XIV. in indulto expressit. Concilium Trevirense, an. 1549. ut de Germania aliquid singillatim dicam, etiam multos dies festos eo redegit, *ut facto sacro cuique ad labores, aut negotia sua redire liceat.* Et jam antea in constitut. Card. CAMPEGII an. 1524. certis constitutis festis subditur: *In cæteris autem festivitatis quacunque ratione vel institutis, vel receptis, & quæ sub præcepto celebrari debeant, permittimus, liberum cuique facimus, ut missa audita ad operas suas, quibus suam suorumque alimoniam quaerere cogitur, redire possit.* Idem in indulto Viennensi an. 1753. statis diebus præscribitur. Ad hoc autem difficilius

H ad-

adstringuntur, qui duabus quandoque horis ab ecclesiis sunt remoti. Ut sint qui hoc etiam, sub consilio non sub præcepto, injungendum putent. Ut interim, qui labore manuum haud vivunt, ac præcipue clerus ecclesiasticus, divinum officium rite persolvant illis diebus. Synodi Lexovienſis verbis nihil accommo-
 datius in hanc rem eſſe poteſt. *Ne autem*, ait (a), *cultus divinus, quem augere cupimus, diminuat, præſatis eccleſiarum parochialium rectoribus diſtrictè præcipimus, ne miſſas, & alia divina ab antiquo illis diebus fieri ſolita omittere audeant, in omittentes animadverſuri. Cum nonnulla feſta ab obſervantia, & eccleſiæ præcepto revocaverimus, & abrogaverimus, eaque populari devotioni commiſerimus, id nos feciſſe omnes intelligant, tum ſupradictis cauſis, tum ut reliqua feſta, quæ ſub obſervantia, & præcepto remanſerunt, cum majore celebritate, veneratione, & devotione obſerventur.*

Alicubi feſti dies in Domini-
 cam
 translati,
 quod qui-
 dam car-
 pſerunt.

III. In Galliis ſatis frequens inſtitutus eſt uſus, ut dies alioquin feſti, præſertim apoſtolorum, in ſequentes dominicas transferantur; CARAMUEL in epiſt. ad quemdam Romanum præſulem, ut reſertur a BENED. XIV. de feſtorum de præ-

(a) Collect. Conc. Rotom.

præcepto imminutione, ita scripsit: *Desiderarem omnes, & solos dies dominicas festos esse, & vix alios. Sed quid de Sanctorum cultu agendum? Edisseram. Conservarem quadragesimales dominicas; & per reliquas distribuerem apostolos, evangelistas & alios omnes Sanctos, quorum dies observamus.* Vehementer hoc THIERCIO & aliis displicuit, contendentibus profanari quodammodo diem dominicam DEO singulariter consecratam, si jungatur festo Domini festum hominis: fueruntque, qui idololatriæ genus quoddam hunc morem asseruerunt, quasi cultus creaturæ creatori æquaretur. Attamen more hodierno alias sæpissime per annum hoc usuvenit, ut Sanctorum memoriæ minus etiam solennes in dominicis agantur. Quod quidem non ita veteri Romano usu obtinuisse dicit Micrologus c. 62. ut BENEDICTUS XIV. notavit, statuit etiam cap. 61. Conc. Mogunt. an. 1549. Sanctorum celebritates in diem dominicam incidentes submovendas, quo Sanctorum omnium domino conservetur solennitas, exceptis Beatæ MARIÆ, apostolorum, & aliis summis festivitatibus. At hoc ad concursum tantum ejusmodi festorum pertinet, non eorsum, ut loco mota in dominicas transponantur festa Sanctorum,

quorum dies festi cum affixi diei aut martyrii, aut mortis sint, aut alias memorabili facta determinantur, hac translatione invertitur ordo; attamen fatendum est, antiquissimis temporibus, saltem in oriente, hoc non attentum fuisse. Certe canon concilii Laodicensi an. 360. aperte sancit, occurrentia quadragesimæ tempore festa omnia in Sabbatum, & Dominicam transferenda. Hic autem de hac re est canon 51. *(a) quod non oporteat in quadragesima martyrum natalitia celebrari, sed eorum commemoratio in diebus Sabbatorum, & Dominicorum fieri conveniat.*

Festa non omnia eodem modo agenda esse: ubi obiter de festis ex devotione.

IV. Jam olim etiam obtinuerunt quædam distinctiones, varietatesque in festis celebrandis, prout aut solemniiores, aut minus solemnes erant feriæ; a synodo Metensi *(b)*, alibique festa quædam *Manualia*, seu *brachiorum appellantur*, in quibus videlicet ipsa prohibitio per totam diem ad ea dumtaxat opera, & negotia, quæ sine equis, & carrucis fieri possunt, se extendebat. Præterquam quod dies festi

(a) T. I. Conc. Col. 1539-1740. Ὅτι οὐ δέῃ ἐν τεσσαρακοστῇ μαρτύρων γενέθλιον ἐπιτελεῖν, ἀλλὰ τῶν ἁγίων μαρτύρων μνηεῖαν ποιεῖν ἐν τοῖς σαββάτοις, καὶ κυριακαῖς.

(b) An. 1493.

festi judaica superstitione a christianis
agi non deceat :

*Quippe etiam festis quædam exercere
diebus*

Fas, & jura sinunt (a).

Sic fuerunt festa quædam, quæ cum agricultura, sola cessatione a tumultibus judicariis actionibusque agebantur. Alia dicta sunt *Ex devotione*, sed non ea frequentia, & libera usurpatione, ut hoc obiter notem, cujusmodi adhuc plura passim celebrantur, quavis fere rustica communitate peculiare *Ex devotione* ferias etiam non exiguo numero agente: quod mihi minime sustinendum videtur, præsertim si tales dies sint, de quibus nullam devotionis singularis idoneam causam, & rationem reddere valent, potiusque culcitra pigritiæ existunt. Novi tanto numero quibusdam in locis festa aliquando accumulari, ut octo integros dies quandoque feriatos esse contingat, quos nescio, utrum non sæpe rectius gentilium recepto vocabulo ἀποφάδεις, infaustos, inauspicatos, atros dixerim, quam festivos. Alia eorum festorum *Ex devotione* est ratio, quæ a legitimis superioribus recte statuerentur ex nimio festorum dierum numero, fidelibus populis ea feriandi relicta libertate.

H 3

V. Hi

(a) Virgil. Georg. 1.

Episcopo-
rum arbi-
trio aut
restituen-
dam debi-
tam festo-
rum san-
ctitatem,
aut mu-
tandam
esse ra-
tionem, ac
numerum
festorum,
prout ipsis
visum fue-
rit.

V. Hi fere sunt modi, quibus hactenus plerique præfules in ordinandis festis sunt usi: non est tamen, quo minus plena libertate aliter institui queat; istic enim illa saluberrima S. AUGUSTINI (a) regula locum habet, *Ut quæ non sunt contra fidem, neque contra bonos mores, & habent aliquid ad exhortationem vitæ melioris, ubicunque institui videmus, vel instituta cognoscimus, non solum non improbemus, sed etiam laudando, & imitando sectemur*: Quod si igitur ecclesiæ pastores ad exhortationem vitæ melioris multis in locis institutum cognoscant, ut quædam in festorum numero, aut celebrandi modo immutentur, non solum non improbent, sed etiam laudando, & imitando sectentur, nisi peculiares deprehendant rationes, in commissi sibi gregis statu, & indole, ob quam aut festorum nulla mutatio necessaria, aut ea aliquo singulari modo in aliis ecclesiis non usitato constituenda: neque in hac re necessitas incumbat vel ipsam ecclesiarum matrem Romanam sequendi, atque ad illius morem sese accommodandi. Integrum est hic illud AMBROSII (b) usurpare. *In omnibus, inquit, cupio sequi ecclesiam Romanam: sed tamen*

b

(a) Epist. II.

(b) Lib. III. de Sacram.

& nos homines sensum habemus: ideo quod
 alibi rectius servatur, & nos exacte cu-
 stodimus. Sed illud probe notandum in
 AMBROSII verbis; *Quod alibi rectius ser-
 vatur.* De hoc ergo constare debet:
 an rectius festa more consueto conser-
 ventur: hoc autem non accidit, nisi
 festorum sanctificatio, non obstante fe-
 storum numero, congrua obtineat. In
 eo enim homines, quantavis auctoritate
 polleant, jus dispensandi nullum exer-
 cent, ut dies festivi non sanctificentur:
 a DEO ista lex est, imo ipsi naturæ,
 & rationi inscripta. Aut igitur episcopi
 faciant, ut dies festivi, festivi DEOque
 dicati non sint, aut curent rite sancti-
 ficari. Neque Catholicus Novatorum
 fert errorem, feriam quietis causa in-
 stitui, *Sed ad vacandum DEO soli*, ut
 verbis utar concilii Colonienſis (a), *Ut
 dies illa tantum orationibus, hymnis, psal-
 mis, & canticis spiritualibus transigatur.*
Hoc enim est sanctificare Sabbatum. Et si
 aliquod quieti tempus necessarium, cer-
 ti dies a magistratu honestæ relaxatio-
 ni, viriumque reparationi destinantur,
 aut idem a patribusfamilias fiat, cujus-
 modi dies Germani *Blau Montag* vocant.
 Ecclesiasticos autem superiores dies DEO
 dicare posse, & finire eos otio conse-

H 4

crare

(a) 1536. cap. 9. T. XIX. Col. 1274. A.

crare credat Judæus APPELLA. *Notabilis error est*, verba sunt Rabbini Manassis Ben ISRAEL (a), *putare otii ergo Sabbatum institutum esse. Etenim cum otium mater sit omnium vitiorum, plus sane ex Sabbato mali, quam boni proveniet . . . unde disertim in Talmud Hierosolymitano dicitur, Sabbata, & dies festos Israelitis nonnisi ad meditandum in lege datos esse. Sabbatum, ut notat R. Josephus Sarfati, ad sanctificandum observari lex jubet: etiam Rabbi Moses, tradente in glossis suis R. Bahie, ex verbis, Dies septimus Sabbatum est Domino DEO tuo, colligit totum hunc diem cultui divino dedicandum, non autem epulis, aut colloquiis. Ergone christiani vilius de feriis iudicium ferant?*

CAPUT V.

Quædam vetera monumenta partim ad illustrandam doctrinam a nobis propositam, partim ad illius æquitatem, atque cum antiqua praxi consensionem demonstrandam.

I.

Quædam
adhuc tra-
ctanda ad
confirma-
tionem di-
ctorum.

Allaboravi equidem, quantum licuit, morem, quem in agendis festis suadere conatus sum, ex antiquitatis do-

(a) Manass. Concil. in Exod. qu. 35.

documentis asserere; uberiores tamen menses huc distuli, ne nimia materiae enasceretur confusio. Sunt etiam nonnulla capita, quæ temeritatis notam mihi inurere queant, præsertim ex illis, quæ de vario faciendarum in festis mutationum modo nunc primum exposui. Vitio exempli causa mihi verti possit, quod tantam varietatem in observatione dierum festivorum non solum quoad se consideratorum, verum etiam respectu diversarum ecclesiarum ac temporum ea celebrandi indulgeam: quod ferias civiles discretas ab ecclesiasticis in medium afferam: quod nihil religionis in vacatione a laboribus & operis collochem, diebus festis omnem lætitiæ sensum demam, nimium rigorem in observantia dierum festorum expetam, atque sub schemate pietatis aut religiositatis, exercitia religiosa ac pia diminuam. Tamen si vero existimem sparsim in contextu sermonis hæc a me depulisse, atque amoliturum esse crimina: tamen singillarim volui dictorum meorum rationem ac firmamenta ex antiquæ ecclesiæ usu, & praxi breviter hic loci apponere: tum quæ hætenus dispersa in hanc rem prolata veluti in pugnum colligendo, tum etiam novis auctoritatum idonearum

H 5

argu-

argumentis quæquæ asserendo, constabiliendoque.

Festos
dies olim
non omnes
eodem modo
esse celebratos.

II. Ordiri lubet a diversa ratione, quæ in ipsa festorum celebratione conspicitur, qua in re sese multifarius usus pro varietate dierum solemnium exhibet. Jam superius a nobis ex TERTULLIANO, AMBROSIO, HIERONYMO, ac aliunde est commemoratum, quinquaginta a Paschate usque ad Pentecosten dies universos festivos & solemnes esse habitos: rationem etiam illius festivitatis, & modum prodidimus: nimirum in eo unice versatus est, ut civilibus legibus spectacula & comædiæ, ecclesiasticis jejunia & genculationes interdicerentur in officio divino. Lætitiæ cujusdam spiritualis gratia ob dominicam resurrectionem hæc ita instituta sunt, ut sicuti diebus dominicis per anni curriculum, *Quam nos* (christiani) χαρμοσύνης ἡμέραν ἀγομεν διὰ τὸν ἀναστάντα ἐν αὐτῇ, utor verbis PETRI Alexandrini (a), *lætitiæ diem agimus propter eum, qui in eo resurrexit*. Sic etiam in istis diebus quinquaginta *Per omnia*, quæ sunt CASSIANI (b) verba, *eandem in illis solemnitatem, quam die Dominica, custodimus,*

in

(a) Can. XV.

(b) Coll. 21. c. 20.

in qua majores nostri nec jejunium agendum, nec genu esse flectendum ob reverentiam resurrectionis dominicæ tradiderunt. Alia dierum festorum agendorum differentia antiquitas nobis offert his ipsis festis paschalibus, duabus nimirum hebdomadis, altera ipsum Paschæ diem præeunte, altera subsequente, quarum illam *πάσχα σωρώσιμον*, Pascha Crucis, altera *πάσχα ἀναστάσιμον*, Pascha resurrectionis dictam Jo. SUICERUS in Thesauro suo ecclesiastico observat. Jam antea imperatorias leges attulimus, quibus sancitum, ne his diebus quindecim actiones juridicæ instituerentur, qua ratione a CONSTANTINO ἀπρακτοὶ sint dicti. Allegavimus etiam Constitutionum apostolicarum locum, in quo servis otium his diebus statuitur. Sive autem hæc harum Constitutionum lex, quoad servorum otia communiter in ecclesiis obtinuerit, sive sola imperatoria de actionibus forensibus; duplex tamen discrimen festorum animadvertere licet, nimirum ejusmodi, in quibus actiones forenses cessarent, & in quibus solummodo servis vacatio indiceretur. Neque obscure auctor harum Constitutionum innuit, hoc otium potissimum eo fine concedendum, ut servi mysteria passionis & resurrectionis edocerentur ex concio-

a cionibus, quæ quotidie hoc tempore, ut ex AUGUSTINI, CHRYSOSTOMI, aliorumque SS. Patrum operibus liquet, habebantur; sic enim habet (a): *Magna hebdomada tota, & ea, quæ illam sequitur, servi otientur: quia illa passionis est, hæc resurrectionis: & opus est doceri, quis sit, qui passus est, item quis sit, qui pati permisit, quique resuscitavit.* Deinde cessationem istam ab operibus ad solos servos pertinuisse, alio ex capite evidenter demonstratur. Pseudo iste CLEMENS quisquis est auctor Constitutionum similem legem nomine PETRI & PAULI sancit, quæ cultum Sabbati & Dominicæ attinet (b): *Servi operentur quinque diebus: Sabbato autem & Dominica vacent in ecclesia propter doctrinam pietatis.* Videtur hic parem venerationem Sabbato tribuere, quam diei Dominicæ; nisi in eam sententiam velis ista interpretari, tanquam omnis vacatio,

ac

(a) Καὶ κρέια διδασκαλίας, τίς ὁ παθὼν, καὶ ἀναστὰς, ἢ τίς ὁ συγχωρήσας, ἢ καὶ ἀναστήσας.

(b) Const. Apost. L. VIII. c. 33. Ἐγὼ Παῦλῳ, καὶ ἐγὼ Πέτρῳ ἀνατασσόμεθα· ἐργαζέσθωσαν οἱ ὄντοί πεντε ἡμέρας· σαββατον δὲ, καὶ κυριακὴν χολαζέτωσαν ἐν τῇ ἐκκλησίᾳ, διὰ τὴν διδασκαλίαν τῆς εὐσεβείας.

ac otium eatenus tantum olim præceptum fuerit, quatenus eo ad DEO, divinisque rebus vacandum opus sit. Quare quidquid sit, constat, longe alio modo Sabbatum ac Dominicam ab illis etiam, qui pro observatione Sabbati stabant, esse celebratum: ut enim de legibus imperialibus taceam, quibus nihil de veneratione Sabbati statuitur, extat canon Laodicens (a), a nobis alia jam occasione supra recitatus, quo claris verbis prohibentur christiani judaizare, & in Sabbato otari; diem autem Dominicum præferentes otari, si modo possint, ut christianos: atque etiam Ebionitæ hæretici damnati sunt, *quod Sabbatum secundum legem*, ut inquit THEODRETUS (b), *Judaicam observarent, & simul Dominicam christianorum more sanctificarent.*

III. Mentio de Sabbati observatione in aliud nos varietatis, quoad dies festos, genus abducit: cum enim in oriente costanter obtineret, ut Sabbatum illud saltem de festorum celebritate partitici- Ecclesiæ quæque diversa, prout pium erat, celebrabant festa.

(a) Conc. Laod. c. 29.

(b) De Fab. hæret. L. II. c. 1. Τὸ μὲν σάββατον κατὰ τὸν Ἰσθαίων τιμῶσι νόμον, τὴν δὲ κυριακὴν καθιεροῦσι παραπλησίως ἡμῶν.

a
 ticiparet, quatenus in eo jejunium relaxaretur; in occidente varius tamen fuit ecclesiarum usus. *Hinc, in hanc rem loquitur S. AUGUSTINUS (a), exorta est ista in regia illa veste varietas, ut alii, sicut maxime populi orientis, propter requiem significandam, mallent relaxare jejunium: alii propter humilitatem mortis Domini jejunare, sicut Romana, & nonnulla Occidentis ecclesia.* ALBASPINÆUS in ea sententia est, nec ipsius Romanæ ecclesiæ eandem semper fuisse observantiam, sed initio Sabbatum celebritate coluisse. Ex S. AUGUSTINO constat, in ipsa Africa diversum morem hac in re fuisse; in eadem enim paulo ante citata epistola, *Contingit, inquit, maxime in Africa, ut una ecclesia, vel unius regionis ecclesiæ alios babeant Sabbato prandentes, alios jejunantes.* Locum hic illud IRENÆI apud EUSEBIUM (b) habet: *Omnes pacem invicem retinemus, & jejunio rem diversitas consensionem fidei commendat.* Non ergo existimandum est, decori ecclesiastico aliquid deperire, si in istis ἀδιαφόροις quædam discrepantia contingat: *In una fide nihil*

b

(a) Epist. 86. ad CASUL. nunc 36.

(b) Lib. V. c. 24. Πάντες ἐιρηνεύομεν πρὸς ἀλλήλους; καὶ ἡ διαφωνία τῆς νηστείας τὴν ὁμόνοιαν τῆς πίστεως συνίστησι.

nihil officit, quæ sunt S. GREGORII (a) ad S. LEANDRUM verba, *Sanctæ ecclesiæ consuetudo diversa*. Nunquam ergo religioni ductum est, præcipue in festorum celebratione, diversam festari consuetudinem, cum præsertim uni ecclesiæ singularis ratio, & causa instituendi festum quoddam esse possit. Ut enim nihil dicam de illis festis, quæ prorsus singularia sunt cuique ecclesiæ, dedicationis templi anniversarius, dies, quem agendi jam inde a CONSTANTINO (quam primum nempe publice ecclesias erigendi, dedicandiq; potestas est facta) mos fuit. Solemnitatem porro annuam ordinationis episcoporum magna celebritate transactam, concurrentibus undique e vicinia episcopis, plurima antiqua suppetunt documenta; qua occasione AUGUSTINUS sermonem insignem aliquando, ac lectu dignissimum habuit: ac plures habentur S. LEONIS. Denique nota etiam, & usitata veteribus erant festa singularia in memoriam cujusdam insignis beneficii e. g. victoriæ relatæ, aut liberationis a magno periculo divini Numinis benignitate factæ: cujusmodi γενέσια τῆ σεισμῶ, *natalis terræ motus* apud Alexandrinos a SOZOMENO memoratur. De martyrum festis ad eorum sepulchra potissimum cele-

(a) Epist. 41. nunc 43. lib. 1.

celebratis, atque etiam confessorum illis in locis solemni cultu, ubi aut vitam transegerunt, aut eorum sacra lipsana recondita, aut singularibus beneficiis, patratisque miraculis clari extiterunt, a nobis jam satis est dictum: quorum præcipuorum Sanctorum festivitas successu temporis ad reliquas ecclesias modo cum solemni feriatione, modo etiam sola in sacris memoria est translata: quamvis hodieque in hac re magnam varietatem advertere liceat.

Pro locorum & temporum varietate variis diebus dies festi celebrati.

IV. Accedimus opportune ad aliud in dierum festorum celebratione varietatis caput, ipsum tempus, ac diem, quo festum agendum sit. Qua in re sicut tempora, & loca inter se differunt, ita & pro temporis & locorum varietate varium morem videre licet. Objici ipso statim in limine queat Paschæ festum, quod canone Nicæno, aliorumque conciliorum, ad certum diem destinatum sit sub anathematis fulminatione; sed sciendum, peculiari id causa accidisse ob hæreticorum Quartodecimanorum errorem, qui Judaïsmum sapientes necessario Pascha cum Judæis celebrandum pertenderunt: haud aliter, quam illi, qui Sabbato jejunabant, id in Marcionitarum, & qui eo feriabantur,

tur, in Ebionitarum detestandum erro-
rem faciebant : deinde agebatur hic de
festo a tota ecclesia inde ab apostolico
ævo celebrato, quibus in festis major
conformitas necessaria : quemadmodum
in Basilidianis hæreticis arguit CLEMENS
Alexandrinus, quod Natalem Domini
ad mensem Aprilem, aliisque, quod ad
Majum eum rejiciant : quare etiam usus
ille orientalis ecclesiæ, quo per tria,
quatuorve priora sæcula Natalis Christi
sexto Januarii agebatur, abolitus est : qua-
tenus nimirum principaliores solemni-
tates statò tempore, ac die ab omni-
bus celebrentur; idque etiam illis die-
bus, quibus aut mylteria patrata, aut
eorum celebratio a primæva ætate con-
suecta erat. In cæteris festis non eadem
cautio adhibita, libertate ecclesiis reli-
cta, quo potissimum tempore ac die
festa celebrare alluberet. Sic ex com-
mentario BALSAMONIS in nomocanonem
PHOTII constat, Græcos dies apostolo-
rum plerorumque alio die, quam Latinos
celebrare. Quo ipso etiam ex nomo-
cane (a) elucescit, Græcos diu usum
antiquum retinuisse, unicum diem omni-
bus apostolis consecrandi : quam in rem
in codice Tit. *de feriis* imperatoria lex
existit : nec longe is fortasse a vero aber-
rarit,

(a) PHOT. Nomoc. Tit. VII. c. 1.

a rarit, qui huc etiam THEODOSIUS (a) legem traxerit de Paschalibus diebus, *quo tempore & cōmemoratio apostolica passionis totius christianitatis magistræ a cunctis jure celebratur*: cum in antiquis martyrologiis hoc festum ad primum diem Maji referatur teste BARONIO. Hæc ad excusationem valent illius consilii, ut, ad numerum feriarum contrahendum, festa in alios dies transferantur, quam prius celebrari consueverunt; aut etiam in proximas Dominicas: quo consilio honorem Sanctorum in feriando conservatum iri voluerunt, interim molem nimiam feriarum diminuendo: haud secus, ac olim quadragesimæ tempore omnes dies festi Sanctorum ad diem Sabbati, & Dominicam in oriente translati sunt, quod reliquis diebus memorias Sanctorum fieri non fuerit usitatum. Nihil frequentius in antiquioribus liturgiis occurrit, quam ut duo uno die notentur festa: id etiam jam priore ecclesiæ ætate in sanctis Patribus notatur. Sic S. AUGUSTINUS ferm. 262. de ascens. Dom. *Hodiernum ergo diem Ascensionis ipsius celebramus: occurrit autem huic ecclesiæ alia vernacula solemnitas conditoris Basilica hujus. Sancti Leonii hodie depositio est.*

V.

(a) Cod. Theod. L. XV. Tit. V. de Spect. L. V.

V. Sunt etiam quædam dicenda de distinctione feriarum civilium ab ecclesiasticis, quæ olim obrinuit. Feriæ civiles potissimum consistebant in cessatione a causis forensibus, actionibusque juridicis. Consuetudo ista a Romanis cœpta sub christianis etiam imperatoribus longo tempore perseveravit. In Digestis (a) extat lex: *Ne quis messium, vindemiarumque tempore adversarium cogat ad iudicium venire, quia occupati circa rem rusticam in forum compellendi non sunt.* Duos autem integros menses hoc modo feriari solitos, ex codice Justinianeo elucescit: (b) *Omnes dies jubemus esse juridicos. Illos tantum manere feriarum dies fas erit, quos geminis mensibus ad requiem laboris indulgentior annus excepit: æstivis fervoribus mitigandis, & autumno fructibus decerpendis:* unde patet, ferias etiam ad requiem laboris ob fervores æstivos destinatas fuisse: quamvis porro aliud genus feriarum, lætitiæ nimirum, & oblectationis causa viguisse ex contextu modo allegatæ legis Justinianæ clarum sit: *Kalendarum quoque Januariarum consuetos dies otio mancipamus. His adjicimus natalitios dies urbium maximarum, Romæ & Constantino-*polis: *in quibus debent jura differri, quia &*

Olim præter ferias sacras, etiam civiles, & profanæ erant;

a

b

I 2

ab

(a) Dig. l. II. Tit. 12. l. 1.

(b) Cod. Justin. l. III. Tit. 12. de feriis l. 7:

ab ipsis nata sunt. Sed istis diebus contigit, varios excessus fieri, in quos SS. Patres passim invehuntur, damnantque. Ad propositum nostrum sunt tantummodo prioris generis feriæ, præsertim illæ ad requiem laboris, quarum usum superius revocandum suasi, si forte diminutio feriarum ecclesiasticarum hominibus tenuibus servilisque conditionis, qui durioribus in laboribus suas operas pro mercede aliis locare solent, gravis sit futura: quibus si requies debetur, non eam DEO, dicatisque ei feriis suffurandam censeo.

Vacatio ab operibus in feriis præcipitur unice, ut divinis rebus libere vacemus.

VI. Otium namque diebus DEO Sanctisque festis eo fine instituitur, ut tempus ab aliis curis, ac negotiis vacuum, liberumque, divinis rebus tribuatur totum, integrumque. *Observemus* inquit CÆSARIUS Arelatensis (a), sermone inter S. AUGUSTINI opera, *diem Dominicam, & sanctificemus illam, sicut antiquis præceptum est de Sabbato docente legislatore: a vespere usque ad vesperam celebrabitis Sabbata vestra. Videamus, ne otium nostrum vanum sit: sed a vespera diei Sabbati usque ad vesperam diei Dominici sequestrati a rurali opere, & ab omni negotio, solidivino cultui vacemus. Totæ ergo,*

(a) T. X. op. S. Aug. hom. 251. de tempore.

go, & integræ feriæ spirituali otio, non otiositate, ne quid pejus dicam, sunt transigendæ; alias enim qua re putamus nos obsequium præstare DEO, offensio- nem illius incurremus, qui de omni ver- bo otioso rationem a nobis reposcet. Ne- que ullas leges ecclesiasticas in tot conci- liis, quæ de festorum celebratione agunt, invenies, quæ non idcirco vacationem ab opere jubeant, quatenus divinum mi- nisterium obiri queat. Ipsæ etiam im- peratoriæ, aliæque potestatis sæcularis le- ges, quando de feriis sciscunt, hoc se- dulo inculcant. Quare etiam ecclesia sem- per damnavit Pharisaicam, & præsertim Dositheanorum inter Judæos superstitio- nem, qui solum otium, idque supersti- tiosum adeo in feriis sectabantur, ut nec loco se movere Sabbato permittebant at- testante ORIGENE: quique *Agebant*, teste CYRILLO *Alex. (a). Sabbatis consueta otia, verumtamen non penitus accurate: sed negligenter omnino, atque desidiosissime.* Quod si ergo otium feriarum a desidia diversum esse debet, atque Judaica su- perstitione liberum, sacrum esse debet, sacrisque rebus deditum. Quomodo sci-

I 3

licet

(a) In AMOS VI. 3. Ἐπετρίβον τὰς ἐν σαββά- τοις ἀργίας, πλὴν ἢ ἡκριβωμένως, ἀτημε- λῶς δὲ πᾶμπαν ἡ ῥαθυμῶς κομιδῇ.

licet Aët. II. 42. de primis fidelibus narratur: *Erant autem perseverantes in doctrina apostolorum, & communicatione fractionis panis, & orationibus.* Concil. Cpolit. III. c. 66. hanc regulam celebrandorum festorum præscribit: *Psalms & hymnis & spiritualibus canticis in Christo gaudentes, festumque celebrantes, & divinarum scripturarum lectioni mentem adhibentes, & sanctis mysteriis jucunde & laude fruentes.*

Lætitia in diebus festis in operibus pietatis, ac gaudio spirituali non more Judæorum, & gentilium in conviviiis, aliisque voluptatibus.

VII. Sic lætitia festis diebus tota sancta, pia & divina sit, oportet; ita, ut licitæ, & concessæ alias oblectationes his diebus sint veritæ. Ab ipsis imperatoribus legibus cautum hoc est: his enim diebus *Omni theatrorum*, ut sancit THEODOSIUS, (a) *atque circensium voluptate per universas urbes earundem populis denegata totæ christianorum, ac fidelium mentes DEI cultibus occupantur. Si qui etiam nunc vel Judæi impietatis amentia, vel stolidæ paganitatis errore, atque insania detinentur, aliud esse supplicationum noverint tempus, aliud voluptatis.* Egregie istic christianis modus, ac ratio præscribitur, qua ferias celebrare debeant, ne Judæorum, ac paganorum morem sectentur: de Judæis enim passim SS. Patres testantur, quam male feriatas ferias agant: jam in an-

(a). Cod. Lib. XV. de Spectac. Tit. V. l. 5

antecedentibus quædam D. AUGUSTINI loca retuli. S. CHRYSOSTOMUS etiam, alii-
que non semel petulantiam festorum Ju-
daicorum exagitant. *Judæi*, ait (a), quo-
dam loco, *corporalium rerum curis libera-
ti, non vacabant spiritualibus, sobrietati sci-
licet, modestiæ, & audiendis divinis sermo-
nibus, sed contrarium potius faciebant, ser-
vientes ventri, indulgentes ebrietati, di-
stenti cibus, deliciantes*. Hoc Judæis Spi-
ritus sanctus sæpius in sacris scripturis
exprobrat: præsertim apud Amos Pro-
phetam, in cujus caput sextum dum
commentantur SS. Patres, hanc malam
consuetudinem, ac depravationem in Ju-
dæis damnant. De Paganorum festis
notius est, quam ut opus sit, aliquid in
hanc rem effari, qua ratione festa sua
transegerint, spectaculis non solum pro-
fanis, sed etiam turpibus, maxime non-
nullis festis, quæ ad lasciviam dixeris in-
stituta: ne quid de conviviis, comeffa-
tionibus, aut superstitionis lætitiæ, ac tri-
pudii significationibus dicam. Impera-
tores hæc moderati sunt, & ad honestos

I 4

li.

S. CHRYSOST. Hom. I. de LAZARO. Οἱ Ἰσθαῖοι
τῶν βιωτικῶν ἀπαλλαγέντες πραγμάτων,
τοῖς πνευματικῶς ἐπροσέειχον, σωφρο-
σύνην, καὶ ἐπιεικεῖαν, καὶ ἀκροάσει θεῶν λο-
γίων. Ἀλλὰ τὸναντίον ἐποίουν, γαστριζόμε-
νοι, μεθύοντες, διαρρηγνύμενοι, τρυφῶντες.

- limites revocarunt, ut ex codice THEODOSII constat titulo de paganis, ubi hanc legere est legem: *Ut profanos ritus jam salubri lege submovimus, ita festos conventus civium, & communem omnium letitiam non patimur submoveri. Unde absque ulla superstitione damnabili exhibere populo voluptates secundum veterem consuetudinem: inire item festa convivia, si quando exigunt publica vota, decernimus.* Sed pie tamen præcautum, ne in ecclesiasticis festis ejusmodi publicæ delectationes instituerentur: sic enim a THEODOSIO (a) constitutum de spectaculis: *Ne ullus solis die populo spectandum præbeat, nec divinam venerationem confecta solemnitate confundat.* Hoc a JUSTINIANO etiam cautum, *Et si, inquit, (b), in nostrum ortum, aut natalem celebranda solemnitas incidit: tunc enim dilata sunt omnes solemnitates ejusmodi.* Quod vero a christianis convivia, præsertim in memoriis martyrum, fuerint celebrata, longe alio fine factum, nimirum ad pauperes reficiendos: *Sobria, verba sunt CONSTANTINI (c),*
- con-

(a) Cod. Theod. l. XV. de Spectac. Tit. V. l. 2.

(b) Cod. Justin. l. III. tit. XII. de Feriis. l. 11.

(c) Orat. ad Sanctos c. 12. Σωφρονέστατα δὲ πολλῶν, καὶ τὰ συμπόσια πρὸς ἔλεον, καὶ ἀνάγκισιν τῶν δεομένων ποιούμενα, καὶ πρὸς βοήθειαν τῶν ἐκπεσόντων.

convivia celebrantur a multis, tum ad mendicorum, tum ad eorum, qui patria & bonis exciderunt, inopiam sublevandam. Fidelibus etiam hæ sacrae epulae permiffæ, ut hoc modo a profanis abducerentur. Sed in hæc convivia cum varii abusus irreperent, agente potissimum S. AUGUSTINO antiquata paulatim sunt, & prohibita. Commessationes, inquit S. AUGUSTINUS (b), Et ebrietates ita concessæ, & licitæ putantur, ut in honorem etiam beatissimorum martyrum non solum per dies solemnes, quod ipsum quis non lugendum videat, qui hæc non carnis oculis inspicit, sed etiam quotidie celebrentur. Istæ in cæmiteriis ebrietates, & luxuriosa convivia, non solum honores martyrum a carnali, & imperita plebe credi solent, sed etiam solatia mortuorum. Verum, utar verbis GREGORII (c)

I 5

Na-

(a) Epist. LXIV. ad AUREL. nunc 22.

(b) Orat. 38. in Theophaniam. Ἀλλὰ ταῦτα μὲν ἔλλησι παρῶμεν, καὶ ἑλληνικοῖς πόμπαις, καὶ πανηγύρεσιν· οἱ καὶ θεὸς ὀνομάζουσι κνίσσαις χαίροντας, καὶ ἀκολούθως τὸ θεῖον τῇ γαστρὶ θεραπεύουσι· πονηροὶ πονηρῶν δαιμόνων καὶ πλάσαι καὶ μυσαγωγοὶ, καὶ μῦσαι τυγχάνοντες· ἡμεῖς δὲ, οἷς λόγῳ τὸ προσκυνέμενον, καὶ τι δέη τρυφᾶν, ἐν λόγῳ τρυφήσωμεν, καὶ θεῖον νόμον, καὶ διηγήμασι τοῖς τε ἄλλοις, καὶ ἐξ ὧν ἡ παρῶσα πανήγυρις.

Nazianzeni, *Hæc gentilibus, ac gentilitiis pompis, festisque relinquamus: qui etiam iis, quos sacrificiorum nidor oblectat, Deorum nomen tribuunt, apteque proinde divinum Numen ventre colunt, male utique malorum dæmonum & fictores, & sacerdotes, & cultores. At nos, a quibus verbum adoratum, si quid deliciis dandum est, in sermone deliciemur, atque in lege divina, & narrationibus, cum aliis, tum iis præsertim, quæ præsentī festo consentaneæ sunt.*

Abusus
quidam a
SS. Patri-
bus in fe-
storum
diebus ta-
xati.

VIII. Hi sunt abusus, quos modo enarravimus, qui pietatis ac solemnitatis specie infecti sunt. Pauciores fuisse olim, quos otium, atque ipsa a rebus gerendis vacatio generabat, inde liquet, quod parcius de his conquerantur SS. Patres. Equidem S. CHRYSOSTOMUS (a) quosdam notat, qui post sacros conventus tempus in popinis conterant. *Perpende, ait, quam sit ridiculum, post ejusmodi conventum, post vigilias, post sa-*
cra.

(a) Hom. 59. de Martyr. T. V. Ἐννόησον ἡλί-
κῳ γέλῳ, μετὰ τοιαύτην σύνοδον, με-
τὰ παννυχίδας, μετὰ γραφῶν ἀγίων
ἀκρόασιν, μετὰ μυστηρίων θείων κοινω-
νίαν, καὶ μετὰ πνευματικὴν χορηγίαν, ἀν-
δρα ἢ γυναῖκα ἐν καπηλείῳ φαίνεσθαι
διημερεύοντας.

crarum auditionem scripturarum, post divinorum participationem mysteriorum, post spirituales largitionem, virum, aut mulierem totos dies in populo transigentes videri. BASILIUS (a) alterius generis abusus meminit, nundinarum, quæ tamen solummodo cibariorum, earumque rerum, usui quotidiano necessariorum fuisse videntur. *Verum enimvero neque nundinationes illæ, inquit, quæ in martyriis celebrari solent, convenire nobis putanda: neque enim ullam aliam ob causam adesse decet christianos in martyriis, aut istis contigua loca invisere, quam orandi causa.* Pio, sanctoque titulo nundinæ istæ institutæ sunt, ut nimirum fidelibus statim præsto essent, quibus ad victum ac agapen pauperum indigebant: nec tamen S. Pater ferendum putabat: eo quod res ipsa seu negotium cum sanctitate diei festi pugnaret.

IX. Sed est etiam aliquid dicendum de ipso modo otii sacri in feriis, hoc est, ministerio & officio divino, quod fidelibus peragendum incumbit. Hodie
Fideles
semper
consue-
visse
statis tem-
poribus

(a) Regul. major, quæst. 40. Ἀλλ' ὁδὲ τὰς ἐν τοῖς μαρτυρίοις γινομένας ἀγορασίας οἰκειάς ἡμῖν ὁ λόγος δείκνυσιν. ἔ γὰρ ἀλλετίνος ἕνεκεν ἐν τοῖς μαρτυρίοις, ἢ ἐν τοῖς περὶ αὐτὰ τόποις φαίνεσθαι ἐπιβάλλει χριστιανοῖς ἢ προσευχῆς ἕνεκεν.

publicis
divini offi-
cii parti-
bus adesse.

major christianorum pars munere celebrandi festi perfunctos sese rentur, si missæ sacrificio adfuerint, ac si præter præceptum audiendæ missæ non aliud præterea esset sanctificandi ipsum diem festum: cum eæ precum horæ, quas canonicas vocamus, quæque hodie a solis clericis frequentantur, olim fidelibus communis fuerint: & licet eadem forma ab initio ecclesiæ non decurrerint, solemnes tamen conventus totius populi concursu semper sunt habiti diversis noctis, ac diei temporibus, in quibus psalmodia, lectio scripturarum, verbi divini prædicatio, oratio, & disciplinæ in pœnitentes administratio, eorumque absolutio, præsertim autem Eucharistiæ præsentibus fidelibus distributio, aliæque divini servitii partes longo tractu persolvebantur; quarum ratio apud auctores liturgicos, eosque, qui de ritibus, disciplina ecclesiastica scripserunt, videri potest: quam in amplissimam materiam excurrere non vacat: unicum ex auctore Constitutionum apostolicarum, qui nobis minimum praxin tertii, quartive sæculi exhibet, describam locum, ex quo patebit, horas hodie observari consuetas jam eo tempore observatas esse. *Precationes*, inquit (a), *facite mane*,

¶

(a) Constit. lib. VIII.

Et tertia hora, ac sexta, Et nona, Et vespere, atque in gallicinio. Mane gratias agentes, quod Dominus abducta nocte, Et inducto die illuminarit nos. Tertia hora: quoniam in ea Dominus sententiam damnationis excepit a Pilato. Sexta: quod in ea crucifixus est. Nona: quia cuncta crucifixo Domino commota sunt, dum horrent impiorum Iudaeorum temeritatem, nec ferre possunt contumeliam Domino illatam. Vespere: gratias agentes, quod nobis noctem dederit laborum diurnorum quietem. In Gallorum cantu: eoquod illa hora nuntiet adventum diei, ad facienda opera lucis. Si propter infideles impossibile est ad ecclesiam procedere: in domo aliqua congregationem facies, episcopo: si neque in domo, neque in ecclesia congregatio potest agitari, unusquisque apud se psallat, legat, precetur: vel duo, aut tres simul: ubi enim sunt duo, vel tres congregati in nomine meo, ibi sum in medio eorum. Hunc in locum duo quædam necessario adnotanda sunt: Primum, etiam persecutionum tempore, ubi summum erat proditionis, ac amittendæ vitæ periculum, fideles non censuisse sese obligatione solutos coeundi ad divina officia: hinc factum, ut cum interdiu convenire nequissent, nocturnas, aut antelucanas congregationes fecerint. In quos con-
ven-

ventus, quidque in illis ageretur, diligentissime indagabant gentiles, ut vel ex PLINII ad TRAJANUM epistola constat. Etiam factum scimus, ut integra fidelium congregata concio a supervenientibus paganis, aut incensa, aut necata fuerit: unde illorum apud TERTULLIANUM (a) querimonia: *Quomodo colligemus, quomodo Dominica solemnia celebrabimus?* Audi TERTULLIANI responsum: *utique quomodo apostoli, fide, non pecunia tuti. Quæ fides si montem transferre potest, multo magis militem.* Idem in Apologia pericula, quibus objecti erant christiani, recenset. *Quotidie, inquit, (b) obsidemur, quotidie prodimur in ipsis plurimum cætibus, & congregationibus nostris opprimimur.* Neque tamen (quod est alterum ad superiorem auctoris constitutionum locum notatu dignum) satis habebant privata diebus festis pietatis exercitia præstare, sed ad publicos conventus semper confluxerunt: Id quod ex ipsis constitutionibus apostolicis alio loco (c) proditur: *Die sabbati, & die qua Dominus resurrexit, hoc est, dominica studiosius ad ecclesiam occurrite, ut laudibus prosequamini DEUM qui*

(a) De fuga. c. 14.

(b) TERTULL. Apol. c. 7.

(c) Constit. apost. l. II. c. 59.

qui condidit . . . qua enim expurgatione apud DEUM utetur, qui ad audiendam salutarem de resurrectione non convenit in die dominico? In quo & tres preces stando peragimus ad memoriam illius, qui in triduo resurrexit, & in quo habentur lectio prophetarum, evangelii prædicatio, sacrificii oblatio, & sacri cibi donum. S. CHRYSOSTOMUS quodam in loco eos acriter reprehendit, qui diebus synaxum domi preces sese absolvere dictitabant, publicos non accedentes conventus: *Te homo, inquit, (a) decipis & magno in errore versaris. Nam etsi domi quoque datur orandi facultas, tamen fieri non potest,*
ut

- (a) S. Jo. Chryf. hom. III. de incomp. DEI natura. Ἀπατᾷς σεαυτὸν ἄνθρωπε· εὐχασθαι μὲν γὰρ ἐπὶ τῆς οἰκίας δυνατόν, ἔτι δὲ εὐχασθαι, ὡς ἐπὶ τῆς ἐκκλησίας, ἀδύνατον, ὅπῃ πατέρων πλήθος τοσούτων, ὅπῃ βοή πρὸς τὸν θεὸν ὁμοθυμαδὸν ἀναπέμπεται· ἔχ' ἔτις ἀκὴν, κατὰ ταυτὸν τὸν δεσπότην παρακαλῶν, ὡς μετὰ τῶν ἀδελφῶν τῶν σῶν· ἐνταῦθα γὰρ ἐσὶ τι πλεον, οἷον ἡ ὁμόνοια, καὶ συμφωνία, καὶ τῆς ἀγάπης ὁ σύνδεσμος καὶ αἱ τῶν ἱερέων εὐχαί: διὰ γὰρ τῆτο οἱ ἱερεῖς προεσήκασιν ἵνα καὶ αἱ τῶν πλήθους εὐχαὶ ἀσθενέστεραι ἔσονται, τῶν δυνατωτέρων τῶν ἐπιλαβόμεναι, ὅμῃ συνανέλθωσιν αὐταῖς εἰς τὸ ἔργον.

ut domi tam bene ores , quam in ecclesia , ubi tot patres , ubi clamor felici societate excitus ad DEUM immortalem refertur. Non pariter exoras , quum solus Dominum obsecras , atque tuis cum fratribus. Etenim in hoc plus aliquid , videlicet concordia , conspiratio , copula amoris , & charitatis , sacerdotum preces. Præsumunt enim in eam rem sacerdotes , ut populi orationes , quæ infirmiores per se sunt , validiores illas complexæ simul in cælum evebantur. Sed monitionibus solis non contenti antiqui , ut christianos ad publicos in ecclesiis provocarent conventus , anathematis etiam id egerunt , ut aut negligentes , aut contemnentes compellerentur : quam in rem concilium Gangrense non unum canonem posuit. Si quis docet , sonat canon quintus , (a) Domum DEI esse contemnendam , & quæ sunt in ea congregationes , sit anathema. Sextus (b) adhuc magis appositus est ad præsens argumentum : Si quis præter ecclesiam

(a) Ἐἰ τις διδάσκει , τὸν οἶκον τῆς Θεοῦ εὐκαταφρόνητον εἶναι καὶ τὰς ἐν αὐτῷ συναῖξεις , ἀνάθεμα ἔστω.

(b) Ἐἰ τις παρὰ τὴν ἐκκλησίαν ἰδίᾳ ἐκκλησιάζοι , καὶ καταφρονῶν τῆς ἐκκλησίας , τὰ τῆς ἐκκλησίας ἐθέλοι πράττειν , μὴ συνόντος τῶ πρεσβυτέρῳ κατὰ γνώμην τῆς ἐπισκόπου , ἀνάθεμα ἔστω.

fiat vult ecclesiam habere, & contemnens ecclesiam, vult ea, quæ sunt ecclesiæ, agere, non conveniente presbytero de episcopi sententia, sit anathema.

X. Non solum autem adesse publicis Synaxum, conventibus jubebantur, verum etiam & conventuum ecclesiasticorum sacram communionem participare. Concilium Illiberitanum canone 28. vetat, ne episcopi ab eo, qui non communicat, frequentia etiam diebus non festis celebranda. oblationem acciperent. Et canon ex apostolicis septimus statuit, cunctos fideles, qui in sanctam DEI ecclesiam ingrediuntur & sacras scripturas audiunt, non autem perseverant in oratione, nec sanctam communionem percipiunt, velut in ecclesiam inducentes confusionem, segregari oportere. Illud vero probe notandum, non solis diebus festis coactos fuisse conventus, ut jam observavimus: *Namque alii*, inquit S. AUGUSTINUS (a) *quotidie communicant corpori, & sanguini dominico, alii certis diebus accipiunt: alibi nullus dies intermittitur, quo non offeratur; alibi sabbato tantum, & Dominico; alibi tantum Dominico.* In ecclesiis Africanis aliquibus quotidie Eucharistiam celebratam, in aliis quatuor stationum diebus, præter occurrentes martyrum memorias, supra jam ex CYPRIANO

K

NO

(a) Epist. 118. c. 2. nunc 54.

- no, & TERTULLIANO notavimus. In Romana, & Hispanica ecclesia quotidie communicandi morem viguisse HIERONYMUS (a) refert epistola ad PAMACHIUM, a quo de hoc ritu quæsitus, an bonus, retinendusque sit: cui ille responderet, *Traditiones ecclesiasticas, præsertim quæ fidei non officiant, ita observandas, ut a majoribus traditæ sunt, nec aliorum consuetudinem aliorum contrario more subverti.*
- b S. BASILIUS (b) etsi alicubi dicat, apud suam ecclesiam usitatum esse τέταρτον καὶ ἐκάστην ἑβδομάδα, quater per hebdomadam communicare, Dominica nimirum, feria quarta, Parasceve, & Sabbato; ibidem tamen bonum & utile dicit (c) fideles singulis diebus communicare, sanctique corporis, & sanguinis Christi participes fieri. S. IGNATIUS Ephesios suos hortatur ad frequentem Eucharistiæ, ac divinæ laudis celebrationem. *Date operam, inquit (d) ut crebrius congregemini ad celebrandam Eucharistiam DEI, & ad eum laudandum.*
- Quo

(a) Epist. 50.

(b) Epist. 289. T. III.

(c) Id. ibid. Τὸ καὶ ἐκάστην ἡμέραν κοινωνεῖν, καὶ μεταλαμβάνειν τῆς ἁγίας σώματος, καὶ αἵματος τῆς χριστοῦ καλὸν, καὶ ἐπωφελες.

(d) Σπρδάξετε πυκνότερον συνέρχεσθαι εἰς εὐχαριστίαν τοῦ θεοῦ καὶ εἰς δόξαν.

Quo in loco quidquid per Eucharistiam intelligatur, proposito nostro favet: qui frequentes populi christiani synaxes extollimus, ac comprobamus, quas veteres non festis solum, sed reliquis etiam diebus frequentabant communiter Eucharistiam participantes; id enim usu receptum, ut præter pœnitentes, aut alia gravi causa impeditos, omnes communionem acciperent. Accidit ergo olim, ut feriarum exiguo existente numero magna conventuum ecclesiasticorum frequentia, & sacræ Eucharistiæ crebra participatio obtineret: nunc contrarium cernere licet. Inter magnam feriarum frequentiam infrequens est communionis susceptio. Piaculum olim erat tribus Dominicis non communicasse, ut ex quodam canone concilii Laodicensi discimus: deinde sæculo sexto, ut ex concilio Agathensi (a) discimus, ter saltem in anno communio præcepta (quavis adhuc pluribus in locis quotidiana synaxis ageretur) ita, ut *seculares, qui in Natali Domini, Pascha, & Pentecoste non communicaverint, catholici non credantur*. Qui mos diu obtinuit in ecclesia: donec eousque charitas refrigerit, ut fideles vix ad semel in annum communicandum adigi potuerint.

K 2

XI.

(a) Conc. Agath. can. 18.

Epilogus
ad festa
rite cele-
branda.

XI. Feriæ ergo multiplicatæ sunt, scopo, ac fine feriarum neglecto, & deperdito, qui præcipuus in sacramentorum administratione est constitutus, Eucharistiæ celebratione animæ vices obtinente in sacris nostris christianis. Quod antiqui frequenter, imo quotidie agebant, nos negligimus, umbram Judaicam consecrantes in feriis segne otium, simulacrum religionis oculis objicientes pro vera pietatis forma: gentilium superstitionibus in ecclesia Christi nonnunquam inventis. *Festum agamus ergo*, monita sunt S. GREGORII Nazianzeni (a), *non ut in publicis*

(a) Orat. 38. in Theophaniam: Τοιγὰρ ὅν ἐορτάζωμεν, μὴ πανηγυρικῶς, ἀλλὰ θεϊκῶς; μὴ κοσμικῶς ἀλλ' ὑπερκοσμίως· μὴ τὰ ἡμέτερα, ἀλλὰ τὰ τῶ ἡμετέρῃ, μᾶλλον δὲ τὰ τῶ δεσπότη. Μὴ τὰ τῆς ἀδενείας, ἀλλὰ τὰ τῆς ἰατρείας, μὴ τὰ τῆς πλάσεως, ἀλλὰ τὰ τῆς ἀναπλάσεως ἔσαι δὲ τῷτο πῶς; μὴ πρόθυρα σεφανώσωμεν μὴ χορῆς συνησώμεθα, μὴ κοσμήσωμεν ἀγυίας, μὴ ὀφθαλμὸν ἐσιάσωμεν, μὴ ἀκοήν, καταυλήσωμεν, μὴ ὁσφρησιν ἐκδηλυώμεν, μὴ γεῦσιν καταπορνεύσωμεν, μὴ ἀφῇ χαρισώμεθα ταῖς προχείροις εἰς κακὸν ὁδοῖς, καὶ εἰσόδοις τῆς ἀμαρτίας, μὴ ἐδοῇτι μαλακιοῦμεν, ἀπαλῆτε, καὶ περιρρέεσθαι, καὶ ἥς τὸ κάλλιστον ἀχρησίᾳ. μὴ λίθων διαυ-

licis festis fieri solet, sed divine, non mundane, sed supermundane; non nostra, sed nostri, vel, ut rectius loquar, Domini: non quæ infirmitatis sunt, sed quæ curationis, non quæ creationis, sed quæ recreationis celebremus. Id autem qua ratione consequemur? Nempe si nec domus vestibula coronis cingamus, nec choros agitemus, nec vicos ornemus, nec oculum pascamus, nec aurem cantu mulceamus, nec olfactum muliebriter deliniamus, nec gustui lenocinemur, nec tactui gratificemur, promptis illis ad malum viis, & peccati januis, nec teneris, & circumfluentibus vestibus emolliantur, quorum, quod pulcherrimum est, nulli usus est, nec gemmarum splendoribus, nec auri fulgoribus, nec colorum artificiis nativam pulchritudinem emementibus, atque adversus divinam imaginem excogitatis: nec commensationibus, & ebrietatibus, quibus cubilia, & impudicitias adjuncta esse scio, quandoquidem malorum magistrorum mala

K 3

doctri-

γείαις, μὴ χρυσῶ περιλάμψῃσι, μὴ χρωμάτων σοφίσμασι ψευδομένων τὸ φυσικὸν κάλλος καὶ κατὰ τῆς εἰκόνης ἐξευρημένων· μὴ κάμοις καὶ μέθαις, οἷς κοίτας, καὶ ἀσελγείας οἶδα συνεζευγμένας, ἐπειδὴν κακῶν διδασκάλων κακὰ τὰ μαθήματα· μάλλον δὲ πονηρῶν σπερμάτων πονηρὰ τὰ γένηται.

doctrinae sunt, vel potius malorum seminum male segetes. Hæc aliaque, quæ ibidem S. Pater longa oratione accumulat, gentilibus usitata, a nostris festis arcenda sunt: non ut omnis externus decor, ac splendor ab illis absit, sed ut moderatus, honestus, piusque: nec in eo festivitatis tota ratio constituatur, sed in officiis religionis, exercitiis pietatis, frequentatione sacramentorum, celebratione mysteriorum, precum, & orationis continuatione, psalmodiæ, & sacrarum cantionum modulis, ac jubilo: maxime vero studio, & exercitatione virtutum, operum misericordiæ exhibitione. Unde olim leges etiam civiles, quando feriandi rationem constituerunt, opera magnæ charitatis, exempli causa, emancipationem, manumissionem permiserunt: Paschatis etiam solemnitate carceribus detentos, nisi ob exitialia reipublicæ crimina tenerentur, solverunt. Sic christiane aguntur feriæ: atque ista ad veram dierum festorum notionem unice spectant: qui aliam sibi ideam mente effingunt, Judaice, imo gentiliter sapiunt. Quod si tamen animus advertimus, quomodo hodie feriæ transigantur, deprehendemus totam fere feriarum sanctificationem auditione Sacri constitui, reliquum temporis

poris quieti, otio, animi relaxationi, ludis transigi: imo vitia pleraque in festis plurimum grassari, luxum præferim, & ebrietatem: apud sequiorem sexum comandi sese & ornandi ad irritandam libidinem studium: unde etiam frequentes promiscui sexus his potissimum diebus, die noctuque conventicula: apud viros computationes popinis ubique repletis: quod quam graviter ferre debeat ecclesia, imo quam non ferre debeat, exprimam D. AUGUSTINI (a) verbis: *Qui se, inquit, in memoriis martyrum inebriant, quomodo a nobis approbari possunt, quum eos, etiamsi domibus suis id faciant, sana doctrina condemnet? Sed aliud est, quod docemus, aliud quod sustinemus: aliud quod præcipere jubemur, aliud quod emendare præcipimur, & donec emendemus, tolerare compellimur. Alia est disciplina christianorum, alia luxuria vinolentorum, vel error infirmorum.* Hæc igitur emendare præcipiuntur pastores dominici gregis, quod si in tanta feriarum copia id effectum ire desperant, eas ad pauciores numerum redigere consultum est, quo minor sit DEI offensa, major vero ratio, meliorque occasio vere christianam statuendi dierum festorum celebrationem.

(a) Cont. FAUSTUM L. XX. c. 21

tionem. Etenim *Festi dies*, claudam sermonem meum verbis Synodi Constantiensis nostræ an. 1609. *Non ad otium & ingluviem, sed ad profectum nostrum spiritualem, ad celebrandas DEI, & Sanctorum laudes ab ecclesia sunt instituti, ut quia per totam fere hebdomadam negotiis, & operibus sæcularibus intenti sumus, saltem his diebus, mentem nostram ferventius ad DEUM elevemus, & salutis animarum nostrarum aliquam rationem habeamus.*

